

岱
叟
鎮
走


元

拙
廬
居士
謹
藏



岱山鎮志
卷首

一
某
軒
巖
稿



自序

一鎮有志始於宋常棠之澉水志自後作者林立如沈謙之臨平志汪日楨之南潯志柳商賢之橫涇志王同之唐西志此皆鎮志之最著者也岱山一孤島耳雖強以鎮名而懸居海外土瘠民樵向來視爲甌脫其與內地之所稱爲鎮者相去何啻天淵然而魚鹽所出亦稱沃壤宋元之間代有聞人其埵見於四明昌國諸志者亦歷歷可稽近自郵船遍達風氣漸開民國肇興法令益密山海之利搜括靡遺調查者絡繹於途考察者接踵而至岱山雖在海

岱山鎮志

卷首

序

一

外亦時時有車轍馬跡之戾止焉顧是山向乏紀載宋時雖稱極盛而自有明遺廢以後故家遺族蕩焉無存軼事遺聞書缺有間舉所謂隋將軍刑馬之磧陳大令習禮之臺均一一無從考證思古者輒怒焉傷之況當改革以來後生小子厭棄舊聞先正典型無人過問及今不輯後將誰傳予生長茲山久思有所纂述而人事牽率卒卒少暇今老矣國難家憂沓來紛至旣抱喪明之感又遭橫逆之投四顧蒼茫百感交集閉戶思過無可自遣因取本山之事實彙爲一編首采宋元四明六志及光緒定海廳志中

之紀述岱山者先爲錄出益以近三四十年來之所見所聞凡有關於掌故有益於地方者條分件繫手自編輯首冠地圖爲志十七列表二殿以餘錄合成岱山鎮志二十卷無取浮華但求翔實惟一人之耳目有限旣不能如官家志乘設局采訪而岱山又乏參考之書絀漏之譏固不能免傳聞之誤亦所難辭補苴而救正之是所望於後之君子嗚呼左邱失明厥有國語屈原放逐乃作離騷豈敢效宣聖竊比之文亦自抒孔門盍各之志編纂粗就撮舉要旨著於篇端其詞曰

岱山鎮志

卷首

序

二

山水道里非圖不明邨舍市集錯落縱橫鹽場所屬尤關民生立表開方幾費經營形勝奧區卽景生情如指諸掌方畧均平繪圖卷首

蓬萊神山實在海上秦漢之間莫名厥狀自唐名鄉爲鄆屏障逮及宋元昌國舊壤沿於今茲相生相養桑海幾更河山無恙建置沿革誦訓所掌島國稱雄數典勿忘總志
第一

古稱二岱曰東曰西中隔一浦以山爲隄蓬山爲主左右分支岡巒起伏村隩平夷土地無曠廬舍紛披耕田鑿井

可以棲遲志山第二

海濱廣斥泉源不大農田灌溉惟天是賴雖有澗溪無殊
溝澮交通之利全恃海水潮汐往來舟行如駛世有慈航
願言共濟志水第三

管子治齊首正鹽制桑孔理財厥有鹽稅海濱斥鹵鹽爲
生計島民託命關係匪細夷考源流略知利弊鄉愚無知
性成錮蔽隨波逐靡變本加厲長此滔滔靡克有濟誰善
厥後以待來世志鹽第四

海濱生計舍鹽惟漁網罟之利傳於太初土人坐棄不知

岱山鎮志

卷首

序

三

自圖利權外溢客民雜居台象奉鎮競出於途喧賓奪主
東沙一隅帆檣林立雜以萑苻水陸兵警防範毋疏志漁
第五

宋時極盛戶祇三千至明起遣轉徙堪憐有清展復漸卜
安全休養生息越二百年及今逾萬氏族綿延雞鳴狗吠
煙火相連林生總聚自適其天志戶口第六

島田無多征糧至苦航海赴城輸金按戶風潮無時食宿
誰主有邱培林起訴行部分櫃開徵完納如數民國丁糧
乃有抵補志田賦第七

家塾黨庠自古有紀岱山書院宋季肇始有元繼之曰遷於市明移其民遂爾廢止絃誦無聞歷五百祀同治初元重立基址同文繼興造就多士講舍宏開人文蔚起族學修明更有於氏變法改名先後同揆國民教育於今風靡志學校第八

自宋設官首置兵寨場監繼興修明經界明棄其民盡行毀壞有清展復乃有官廨水陸駐防各占要隘公所善堂次第設置支局分關因時而至機關漸多規模粗備志廡舍第九

岱山鎮志

卷首

序

四

先民有作神道設教春秋報賽立社建廟分畫都鄙各爭光耀古佛道場點綴山隩紺宇琳宮佛光普照豈曰迷信藉資瞻眺志社廟第十

鹽官之設肇自宋世巡檢立寨同舟共濟中斷於明至清復繼晚近以來變法改制官如傳舍吏若疣贅考厥源流審其次第旁行斜上體仿譜系作職官表第十一
科名之見深入人心海鄉僻陋披沙揀金宋賢崛起名士如林元明無傳響寂音沈有清養士首重子衿藻芹發采貢樹分陰明經以上寥若晨星作選舉表第十二

遺愛立傳自古爲昭況在絕島能建孤標鄭俠圖成單父
琴調上有實政下應歌謠歌功頌德百世不祧志名宦第

十三

十室之邑必有忠信山海之間豈無英俊南宋以來名儒
振奮亦越有清人材競進葉氏一門橋梓名震同光之間
文明孟晉桑梓敬恭取舍必慎善善從長甯寬毋吝志鄉
賢第十四
雪泥鴻爪事本偶然蓬飄絮泊亦有前緣德行可式文采
可傳流風餘韻景仰無邊志寓賢第十五

岱山鎮志

卷首

序

五

乾道成男坤道成女陰教闡揚關係至鉅清可築臺貞逾
抱柱懷璞守真含辛茹苦樹之風聲藉資鼓舞志列女第
十六

海上神山仙人所宅方士假名於焉匿迹傳信傳疑姑備
一格佛徒繼至爰來卓錫志方外第十七

里仁爲美互鄉難言風俗良窳政化之源榛莽初闢古道
猶存潮流所趨漸離本根隨波逐靡忠厚何論挽回薄俗
惟儉與勤責在吾黨有志未伸志風俗第十八

天地資生海物惟錯鱗介蕃滋以充羹臠禾稼不豐森林

難索雖非不毛土地殊薄山薯雜糧民命所託魚鹽之利
亟須開拓利用厚生不廢工作志物產第十九
軼事遺聞有善必錄人傑地靈長留芳躅典冊高文可資
誦讀案牘官書亦闕民俗碎札零箋珍同珠玉訂墜拾遺
積成卷軸志餘錄第二十

歲在戊午季秋之月遯齋居士湯 濬

岱山鎮志

卷首

序

六

岱山鎮志二十卷

定海湯 澹爾規著

兒子 誥伯扶校字

子婿沈立恭肅如繪圖

參訂人

參校人

鄞縣張美羽讓三

胞弟 銘策簡香

象山陳 畚宇襄

銘篆璞庵

奉化孫振麒表卿

門人 沈祖周季采

江起鯤北溟

鄔康端翼孫

京兆陶 鏞在東

馮紹異蘭卿

岱山鎮志卷首

題名

七

鄞縣張原煒于相

劉 彝舟仙

吳興周延年子美

樂聲和子清

同里毛蔚文叔采

胞姪 闡說卿

助資人

岑華封祝三壹百元

陳祉元允卿五拾元

族姪 輔唐五元

新昌石涓畋排字

卷十七 志人物 戊 方外傳

卷十八 志風俗

卷十九 志物產

卷二十 餘錄 古蹟 藝文 題詠

岱山鎮志

卷首

目錄

目錄

卷首 圖

卷一 總志 沿革隸置 附

卷二 志山 邨隩 礁 門 均附

卷三 志水 食水河 塘 礮 橋 梁 潭 池 浦 均附
亭 埠 航 渡 均附

卷四 志鹽

卷五 志漁

卷六 志戶口 氏族 均

卷七 志田賦

岱山鎮志 卷首 目錄

卷八 志學校

卷九 志廨舍 公所 善堂 均

卷十 志社廟 宮 殿 寺 庵 均

卷十一 列表 職官表

卷十二 列表 選舉表


卷十三 志人物 甲 名宦傳

卷十四 志人物 乙 鄉賢傳

卷十五 志人物 丙 寓賢傳

卷十六 志人物 丁 列女傳

岱山全圖



圖例

◎	⊙	⌒	⌒	⌒	⌒	⌒
村落	鹽場	路	塘	河流	海	山
↓	⊗	π	■	⊕	卐	◎
輪泊處	礁	橋	亭	公署	佛宇	市鎮

沈立恭繪

REB

岱山鎮志卷一

里人湯 濬遜齋著



總志

岱山在秦漢以前草昧未開書缺有間迄無可考但約略計之其地當在會稽郡鄞縣東境自唐武德四年改會稽郡置越州總管府以句章鄞鄞地置鄞州後又改爲鄞縣至開元二十六年析鄞縣而增慈谿奉化翁山爲四縣則岱山之地當屬翁山縣然翁山不久又廢仍隸鄞縣開平三年改鄞爲鄞至宋熙甯六年割鄞縣邊海富都安期蓬

岱山鎮志

卷一

總志

一

萊三鄉立昌國縣則岱山之地又屬昌國逮元至元十四年昌國升縣爲州至明仍復爲縣洪武十九年信國公湯和經略海上因島民爭利自相仇殺倭寇乘間竄擾歲爲邊患乃起遣其民盡入內地而岱山遂爲甌脫故終明之世無事蹟可稽至清康熙二十七年改舊定海爲鎮海而舟山重建縣治曰定海於是海島之民漸次還定安集至道光二十一年升縣爲廳而岱山卽爲廳屬至於共和改元廳復爲縣而岱山仍爲縣屬此歷代沿革之大略也岱山地居定海之北離縣治由外海轉水程約一百二十

里由山港轉水程約四十里陸程約三十里其地四面環海自南至北約二十五里自東至西約三十五里其中山多田少沿海一帶皆鹽場無可種植故老相傳山中所產穀米番薯等類僅足三月之糧近則生齒日繁地不改闢而廬舍墳墓日益加增則種植之地日益減少本地所產當不足二月之糧矣往時岱山食米全恃江蘇揚鎮等處采辦接濟自內地有禁米出口之令而來源頓絕向之業米船者俱改就他業近則輪船交通由甬轉運然須請領護照殊費周折惟台温等處每遇豐稔得資挹注是亦可

岱山鎮志

卷一

總志

二

喜也

岱山本以鄉名自唐以來卽稱爲蓬萊鄉

見胸山新出土之唐程夫人碑

按蓬萊之名出自方士往往以爲神仙之窟宅非人跡之所能到予謂非也蓋古昔聖賢皆託生內地文化未及於海外且其時舟楫之利未盡暢行茫茫大海可望而不可卽遂以爲海上有三神山并謂弱水三千里非飛仙不可渡此皆想像之詞其實海外島嶼當時未有居民方士故神其說以欺世主其所謂蓬萊者本無實地可指故後世以海外之地稱爲蓬萊鄉亦學士文人藉以點綴風景然則岱山雖未必卽爲蓬萊而蓬萊固未必不在岱山耳

至宋時昌國縣有富都安期蓬萊三鄉後又益以金塘鄉

富都又名昌國鄉卽縣治老岸之地金塘鄉本屬舊定海

卽今之鎮海

其地統金塘册子大榭等山安期則桃花六橫普

陀朱家尖等山屬之蓬萊則岱山而外如長塗秀山長白
胸山雙合山等皆屬之考宋時蓬萊鄉之岱山有東岱西

岱之名統名曰岱岸里土人訛為待警甲蓋音相近之誤清時以莊名有

岱一岱二兩莊定海今邑舊稱三十六莊至清季劃分自治區域定海

分爲二十六區援照城鎮鄉自治條例人口至五萬以上

者始得稱鎮於是改莊爲鎮蓋以人口計岱山一鎮實爲

全定二十六區之冠至民國八年春縣知事馮秉乾改編

城鎮鄉自治區域定爲十區以岱山爲第九區

查鎮之名蓋古鎮將之遺宋初廢鎮將而存巡檢寨鎮之

岱山鎮志

卷一

總志

名因而不改岱山自宋熙甯時本有岱山寨置巡檢一員

配額兵一百二十人按寶慶志熙甯以前昌國監有巡檢兼監鹽既置縣則移巡檢於岱山駐

劄仍兼監岱山鹽場主管烟火公事巡捉私茶鹽香等後別置鹽監巡檢止守本職元時岱山巡檢

司弓兵三十名至明洪武二十六年定凡天下要衝之處

設立巡檢司僉點弓兵應役舟山巡檢司四其一卽在岱

山弓兵一百名萬曆七年裁撤至清雍正七年從李衛之

請移岑港司巡檢駐岱山仍稱曰岑港司惟無額兵僅有

弓兵十二名至革命後巡檢司裁撤暫立市政長未幾裁

撤改爲島司未幾又裁撤僅存警察分所設三等警佐一

員巡長一人巡士十名

岱山鎮志

卷一

總志

岱山鎮志卷二

志山 村隩 礁 壘

岱山山勢平衍並無奇峯峭壁且多石少土山上並無森林大木其所栽者祇有松柏而已廳志所載山名並無次第各不相屬則山脈之起訖與地勢之斷續無從考見茲以岱山東北海中之鯨蓬山為主迤邐而南分東西兩支岡巒之起伏與夫邨隩之交錯并古蹟形勝逐段註明略仿水經注之例庶幾脈絡分明全岱如指諸掌矣 聞之航海者云由長江出

岱山鎮志

卷二

志山

一

來至羊山洋面岱山諸山均未見鯨蓬山獨先表出且愈遠愈大其形方正如鐵鑿然故舟人又稱為鐵鑿山云

鯨蓬山

或謂即蓬山未敢臆斷

在岱山東北隅海中山不甚大亦不

甚高惟在海面上遠處望之此山屹峙海中其形方正欲至岱山者必先見此山故以此山為岱山之主山

由鯨蓬山而東歷燕窩山

山麓有居民數十戶又有天后宮一所

過拷門有

后宮至缸窰湖

中有施家隩桶盤灣黃沙灣等處居民約共百餘戶又有關聖殿一所

又東

為朗吟山即老鷹山

山麓有聚英廟居民約百餘戶

過泗洲岡

上有泗洲殿居民十

餘 箬 鱒 岡 山下即方家 隩 底 至 鹿 欄 山 及 冷 坑 山 上有 宋 戶 居民 約 百 餘 戶

下 居 民 又 東 為 沙 洋 中 有 大 村 落 居 民 約 五 六 百 戶 有 太 百 餘 戶 又 東 為 沙 洋 平 廟 一 所 鄉 先 達 葉 萊 山 先 生 故 宅

即 在 是 地 沙 石 迤 南 至 北 峯 山 有 張 公 廟 龍 王 宮 法 雲 總 外 山 嘴 有 龍 潭 迤 南 至 北 峯 山 菴 居 民 約 三 百 餘 戶

吉 隩 有 總 占 廟 居 民 約 百 餘 戶 孝 順 隩 有 大 舜 廟 居 民 約 百 鳳 凰 山 虎 民 約 百 餘 戶 又 有 順 山 廟

斗 隩 有 護 國 寺 豐 樂 廟 超 又 東 為 板 井 頭 有 湖 中 廟 海 曙 果 寺 居 民 三 四 百 戶

百 黃 官 人 隩 有 永 興 廟 寶 筏 庵 南 峯 山 有 天 后 宮 二 將 軍 居 民 約 一 百 餘 戶 殿 一 居 民 百 餘 戶

折 而 至 高 亭 山 外 居 民 百 餘 戶 過 港 至 蒲 門 有 天 后 宮 二 一 在 港 北 一 在 港 南 居 民 約 二 而 止 由 老 鷹 山 偏 西 歷 山 前 有 天 后 宮 一 俗 名 新 宮 又 有 崇 聖 宮

守 清 庵 居 民 約 五 六 百 戶 有 善 法 庵 即 孝 感 堂 朝 北 隩 居 民 二 百 餘 戶 至 泥 峙 中 有 大 村 落 居 民 約 五 六 百 戶

民 約 二 而 止 由 老 鷹 山 偏 西 歷 山 前 有 天 后 宮 一 俗 名 新 宮 又 有 崇 聖 宮 守 清 庵 居 民 約 五 六 百 戶 有 善 法 庵 即 孝 感 堂 朝 北 隩 居 民 二 百 餘 戶

岱山鎮志 卷二 志山 二

餘 上 下 石 壁 居 民 約 百 餘 戶 迤 西 經 宮 門 中 有 大 村 落 居 民 五 百 餘 戶 有 文 昌 宮 一 黔

整 居 民 數 向 東 南 過 一 房 山 山 下 有 蓬 山 書 院 同 文 塾 現 十 戶 改 為 高 小 學 校 又 有 奎 星 閣

文 筆 峯 硯 池 歷 大 小 長 坑 居 民 百 餘 戶 迤 西 南 至 酒 坊 隩 居 民 百 餘 戶 有 觀 音

庵 楓 樹 塾 有 鎮 英 廟 二 聖 殿 賢 山 有 吉 屈 北 至 司 基 有 東 居 民 約 二 三 百 戶 慶 宮 嶽 宮

運 司 廟 天 后 宮 地 藏 殿 龍 王 宮 又 龍 眼 村 居 民 數 十 戶 虎 山 向 有 岑 港 司 舊 署 居 民 三 百 餘 戶

南 過 龍 山 歷 小 蛟 至 大 蛟 有 司 社 廟 龍 山 中 路 經 石 路 岡 廟 居 民 百 餘 戶

箬 灣 岡 而 至 石 馬 隩 中 有 大 村 落 居 民 五 百 餘 戶 有 石 馬 廟 內 有 石 翁 仲 二 又 有 於 氏 義 學 今

改 為 嶺 承 國 民 學 校 歷 石 馬 嶺 經 蟹 箬 隩 居 民 數 十 戶 屈 西 南 又 有 節 孝 坊 一 座

至 癩 頭 山 居 民 數 十 戶 又 東 至 浪 激 渚 即 狼 鹿 嘴 有 海 晏 宮 居 民 二 百 餘 戶

由冷隩有天后宮一所迤東至小高亭有崇福廟三官殿而止中

路由虎斗過磨心嶺此嶺最高上月平岡數十畝棋杆

岡而至大高亭有陳君廟高顯廟慶餘庵義火祠天宮前

對面蛤蜊山為止

由鯨蓬山而西為東墾山踰港即東沙角鐵板沙有羊府

老相公廟高廠整營房山蛤蜊山山下為大村落居民一千五

厥并公所等皆聚集於此有財神殿同善堂圓明堂山渚

改為警察分所又有警備隊一哨駐一面為新道頭有天后

土地宮各一居過大嶺嶺上有報恩寺及聚封亭小嶺嶺上有太平庵

岱山鎮志卷二 志山

去思碑亭漁汛時縣知事又西為寺嶺嶺內有資福寺屈東為石

橋鎮舊有街市居民約三四百戶有南望橋橋之西為上街

慶庵岱山場公署亦在此係借租民又西南為茶前山裏

中外三隩居民約二三百戶是處土至鹽場浦口為止

寺嶺屈西北為狗嘴嶺嶺上有陸家隩廟今又西為念

畝隩中為大村落居民五六百戶厯小礮頭大礮頭山陸

測量局立北畚斗南畚斗虞家山嘴居民百過塘整居民

百餘又西至外灣居民約百餘戶拷網山山上有仙牛跡外至搖

星浦居民約百餘戶而止念畝隩又西為西沙角居民約數十戶梅樹

灣有青蓮庵過小山火盤有澤萊宮一所水白皎居民約百餘戶青黑

山大小鹽場園田灣居民約數十戶又西至剪刀頭山前有禹王廟居民二二三

戶百而止

坵礁 海中有石曰礁

野猪礁在東沙西沙之間西墾山之內現由五屬公廩出

資立標建石柱於其上

五虎礁有二處一在泥峙聚英廟前今已變為塗場一在

南浦口外

岱山鎮志

卷二

志山

雞窩礁 在西沙角

雨繖礁 在東墾山東首植立海中

蝦扒礁 在東墾山外

鹽 音門流峽中兩岸對出若門故俗亦作門

拷鹽 在岱東燕窩山與缸窰湖山之間

求港鹽 在岱西剪刀頭山與兩頭洞山之間

岱山鎮志卷三

志水 食水河 塘礮 潭 池 浦 港
橋梁 亭埠 航渡

岱山之水其源甚短因無高山峻嶺之故山中田稻全恃雨澤名曰靠天田雖田間各有小河然當稻苗發生之際總無十日可晴惟磨心山下及石馬隩兩處水源稍長但彼善於此耳

磨心嶺下有水北流歷萬年橋屈東歷永鎮橋又東北歷永豐橋又歷太平橋屈北又東南出兜源礮注於海此水所過之處灌田千餘畝

岱山鎮志

卷三

志水

一

石馬隩有水西南流又西歷河清海晏漣漪諸橋出東礮注於海此水經過之處灌田數千畝

長坑隩有水西南流歷賢山礮屈西經楓樹塹歷永福橋王橋屈北歷太平橋又西北出司基龍眼礮注於浦此水溉田數千畝

泥峙隩有永豐河西流出永豐礮注於海此水甚短

食水河

東沙角大河在大嶺下約三畝零轉方居民千餘戶食水皆取汲於此咸豐二年壬子開掘故一名壬子池嗣後戶口日增人煙稠密僅恃一河時虞不給光緒三十年甲辰鎮人孫以能慨出己資於大河之旁購民田一方計一畝五分零開鑿新河便民取汲自是東沙角無水荒之患矣 丁巳民國六年四月天旱大河水乾商民戎錦品捐貲重濬之有大青魚二尾一重五十觔一重三十六觔爲土人所得

岱山鎮志

卷三

志水

二

又大嶺下有泥井一口其水甚佳井不甚深雖久旱不乾又小嶺下有楊梅槽一口其水不佳又有新河一口其水較清可食

寺嶺內有水名曰老虎潭潭不甚大亦不甚深其源甚旺且水以甚佳可以釀酒東沙角釀戶咸於此取水雖久旱其源不絕

資福寺前有河一口水亦甚佳可釀酒俗稱爲湖

念畝隩有沙井水亦甚旺惟稍帶鹹味

板井頭隩之板井在湖中廟前井底以板砌成至今其板

尙存歷久不壞水亦甚旺久旱不乾而此隩因以板井名則其由來亦舊矣

高亭山外山之北面有河一口爲宮前一鎮居民取水之所戊午民國七年九月居民集資重濬之

又大隩陳君廟上有新河一口光緒二十年商民趙春山等捐資開鑿爲一村居民取汲之所

岱山鎮志

卷三

志水

潭

岱山龍潭 依山之麓其潭有三相去數武闊不尋丈深不盈尺禱雨投以尺書則有物若蟹捧而入間有狀如鰻者躍而出或誠不能感則旣沈之書復浮於水云云以上之說見光緒廳志錄大德志然不言在何處今亦無考 近來如遇天旱禱雨則在南峯山沙洋青黑山三處

池

萬工池 在資福寺路下今墾爲田見光緒廳志按此田係湯氏祀田其土名現仍稱爲萬工池

荷花池 廳志云在岱山今爲田無考 惟蓬山書院內有池一方亦稱荷花池甚小

硯池 在蓬山書院前文筆峯下光緒二十二年丙申秋士紳顧炯湯濬等募捐開鑿四圍砌以石欄計廣六丈八尺修五丈六尺周圍共計二十四丈八尺深一丈二尺其水甚清中有鯽魚甚多有紅色者長至尺餘

岱山鎮志

卷三

志水

四

浦

南浦 南自浦口北至石壁下新道頭計長二十餘里中

經癩頭山

支出爲八又浦

大峻

支出爲火燒浦

小峻竹行跟司基龍眼

其西面卽裏外茶前山至橋頭過南望橋而至宮門石壁下新道頭出海

搖星浦卽姚姓浦

港

東墾港 在東沙角高廠鑿山外可以停船輪船往來皆於此下旋焉

竹峙港又稱竹嶼 在岱東沙洋外潮急浪大不能停船

戊午民國七年普陀僧志圓築室山上曰竹峙精舍廢

高亭港 在岱東南此處泊船最好可以避風

蒲門港 在高亭外大小蒲門之間

岱山鎮志

卷三

志水

五

塘礮

南浦大塘

自浦口至龍眼礮計長二千餘丈

按工程局章程每一

百八十丈

計步五千八百餘步道光二十九年己酉土

民方炳泰等募資公修塘面鋪以石板嗣後迭遭風潮

歲久剝落石礮破碎傾圮者日甚一日丙辰民國五年

東沙角商民岑華封出資興修添鋪新石礮二千五百

餘塊自丙辰年四月開工至丁巳年正月完工共計費

銀圓三千三百四十六元三角五分九釐正均係岑華

封獨力捐輸並未募捐分文嗣由士紳公稟縣知事由

縣詳達省長轉呈大總統給予銀質褒章一座並書急公好義四字以旌其門

高亭永豐塘自開口至宮前計長一百六十丈

石馬隩蓬字老塘計長四百九十六弓底廣三弓零

石字塘計長一千四百十弓底廣六弓零

雍正年間築

馬字塘計長一千四百弓底廣六弓

乾隆年間築

兩橫塘東首計長一百五十八弓西首計長四百六十

弓

東礮閘浦廣四丈餘雍正年間築

岱山鎮志

卷三

志水

六

石礮閘浦廣三丈在巖頭山距東礮五里許

雍正年間築

虎斗隩虎斗塘又稱濟兜塘

兜源礮 嘉慶九年居民公築虎斗一隩田畝貲其蓄

洩虎斗塘長五百餘丈跨豐樂大舜二廟界境內年久失修每遇大風海潮衝入塘內田畝歲歲歉收

蓬山書院之田多在是處連年無穫院長湯濬屢囑該處農民興修迄無應者民國十四年乙丑海潮又

迭次橫溢乃囑耆農刁三鳳轉商該處士紳任宗燮葉爲箕等集議重修乃於八月間鳩工運土惟在豐

樂廟境內者尙有舊址可循第加高加闊而已其在

大舜廟境內塘腳已無可考惟循公路築康間有阻礙多方勸導始行成工并呈請縣署立案以資信守

其文曰呈爲修塘濬河保護田里公請立案給示勒石以垂永久事竊岱山虎斗隩有虎斗塘一條卽濟兜塘載在邑志自前清嘉慶九年興築以來迭有興

圮近年以來疊經風潮塘身毀壞屢議重修因頻年
荒歉籌款不易屢議屢止按是塘在岱山之東偏跨
豐樂大舜兩廟之境長約三里餘南自豐樂廟界之
堯源嶼起北至大舜廟界之蛤蜊山止塘內田地五
百餘畝民居數百戶全賴是塘爲保障自經迭次風
潮塘身坍塌無遺其在豐樂廟境內者尙有塘腳可
循其在大舜廟境內者遺址蕩然若竟任其廢棄微
特塘內田地盡成荒塗卽民居亦將不保爰於今年
秋收之後邀集豐樂大舜兩廟幹事公同妥議通力
合作按畝派工每畝四工其有力者出力無力者出
錢每工合銀幣五角現幸告成計塘身長五百餘丈
高八尺塘面闊一丈底闊二丈又塘內有蓄水河一
條年久淤淺亦同時並舉盡力加深連塘工共計二
千餘工是役也自始事迄竣工歷時僅二月餘全仗
眾擎易舉故得成工如是之速然恐日久玩生因是
處逼近海灘最爲危險若不隨時修補將來前功盡
棄於是公議禁止侵佔凡與塘鄰毘連者只准修補
不准挑掘爲特公叩恩准立案給示勒石以垂永久

岱山鎮志

卷三

志水

七

而維公益不勝公感謹呈定海縣知事喬

板井頭隩板井硤 板井塘自硤口至蟹臍嶺麓計長二

百五十六丈

黃官人隩塘硤 自硤口至裏南峯山天后宮側計長一

百四十五丈

總吉隩塘硤 自上船跳起至馬家橋止計長一千三百

弓同治六年丁卯里人方彭年莊恭鎮捐資修築

泥峙隩萬柳塘 自朝北隩起至聚英廟前五虎礁止計

長一千八百丈居民公築地當岱山北面海潮衝激較

烈光緒元年乙亥王敬所鄜岷水等發起分段編栽柳萬餘株禁止樵採禦潮捍塘迄今綿亘濃秀因以名塘

永豐礮 跨萬柳塘之半宮門隩田千餘畝資其蓄洩居民公築

五虎礁礮 在朗吟山麓聚英廟前士民公築

宮門橫塘 自宮門山嘴頭起至虎山嘴計長三百六十八丈自虎山嘴起至龍眼礮計長一百二十丈士民公築

龍眼礮 在龍山嘴龍王宮前士民公築楓樹壑司基

岱山鎮志

卷三

志水

八

二隩民田數千畝資其蓄洩

二龍礮 在癩頭山

茶前山塘自外茶前山嘴起至印山下計長七百丈

念畝隩大塘計長三百五十丈乾隆間公築光緒二年居民張永泰等募修沿塘有運河廣三丈計水流衝激每患坍塌居民培栽塘樹禁止樵牧

通泉礮在大塘西乾隆間築流通拷網山運河

東塘 東界茶前山西接大塘計長四百丈

東礮 嘉慶年間築東塘運河

自溪流流出通入火浦

西塘 東界通泉硤西抵竹山浦計長九百餘丈嘉慶間築沿塘有運河

西硤在剪刀頭山嘴

橋梁

南望橋 在石橋鎮 鎮之名以是橋而橋各則知者蓋寡故特表而出之橋之西為上街橋之

東為下街南浦之潮與北浦之潮至此接通憶三十年前此浦闊而且深小船如缸鬘船芋芳船等皆由南浦直放至橋下賣貨今已淤塞如溝小船久不通行只能至竹行跟而止

板橋 由竹行跟至茶前山中隔一浦行人度板為橋以取捷徑久而視為固然故名板橋

萬善橋 由新道頭大嶺下至石壁下半路橫隔一浦始置小橋光緒二十年間孫以能出資換以長條石版

岱山鎮志

卷三

志水

九

而橋腳亦用條石砌築因名曰萬善橋

三眼橋 在石馬隩橋有三条共計十八步

萬年橋 在磨心嶺下跨溪而設 橋高一丈零長二丈四尺零闊六尺零

道光二十七年丁未劉豐潮重建劉施氏劉方氏等助石条民國十五年丙寅東沙角蕙婦岑湯氏遵故大華封遺命添築兩旁石闌出資二百八十元刷以橋柱中空橋梁橫裂復重新撤換填砌鞏固又費銀一百六十元由超果寺補足之監造者於維水協助者任遐善刁三鳳等

亭埠

東沙角埠頭 在山渚頭是處為魚鹽輻輳之所向無埠

頭巖石磷砢行人苦之光緒二十四年戊戌五屬公駁
經理龔齊崑請甲商沈平章捐貲三千金砌築碼頭并
鋪石路二條上下各七十餘丈又建亭一座烏程周慶
雲題曰海天一覽錢塘黃福綸書之又亭柱有一聯曰
停橈欲訪徐方士隔水相招梅子真亦爲慶雲所題
鐵板沙大埠頭 在牟府宮下

南浦候潮亭 俗稱老涼亭在南浦大塘之中舊名航船
浦道光年間東沙角商民張大有等捐資建築亭柱有

岱山鎮志

卷三

志水

十

楹聯題曰得得而來看南浦仙航一帆風正行行且止
問東沙客路廿里程遙無撰人姓名今尙存又去亭百
餘步有埠頭一從前航船必令至此停泊故此處爲南
浦老航埠今廢已久惟亭尙兀然無恙亭之內爲延壽
禪院院內有普沾利濟匾額爲前浙江提督軍門善祿
所題立於咸豐元年

南浦飛雲亭 俗稱新涼亭在大塘之末此處已近浦口
俗名天燈下光緒三十年間東沙角商民張尙泉出資
建築里人湯濬爲文記之曰

岱山去廳治百餘里居大海之中四面汪洋非舟莫

渡山之南有埠曰南浦與廳治北三十里之山港相對鄉民入城者咸取道於此以其水路較近可以朝發而夕至也惟其地逼近海口四無居人至少須行四五里方有村落每遇潮汛早晚來往停候者竟無息足之地或入夜遇風雨至欲求水火而弗得者行人苦之久矣有張方氏者女而有士行者也嘗經是地稔知其苦惻然心動歸而謀諸夫其夫張尙泉亦富而好禮者也聞之慨然願出己貲築亭於浦口屬費錫祺董其事卜占相地鳩工庀材厚其基址高其垣墉經之營之以黜以聖爲屋三楹中置坐具越三月而翼然在望是役也計費洋蚨若干圓自始事以迄竣工爲日僅十有一旬其用力多而成工速如此既可見張君好善之誠又可見費君辦事之敏矣亭旣成屬余命名以記之余旣取王子安詩句顏之曰飛雲而因深嘉張君之好行其德與費君之克成人美相得益彰而如張方氏者以一念之因結成斯果且爲吾岱增一特色尤非尋常巾幗中之所得而知也自今伊始過斯地者得所憩息歡喜讚歎有口皆碑以視杜陵廣廈之虛存其願者更進一籌焉

岱山鎮志

卷三

志水

二

則是亭也卽與王氏復翁之堂陳公習禮之臺並垂不朽可也夫豈止爲一時觀美云爾哉

南浦新埠頭

在天燈下航船旣在天燈下停泊而是處

苦無埠頭近來輪船交通行李輻輳更形不便乙卯民國四年東沙角商民邵全福發起旣出己資不足又向各處勸募先自墊本興築計費洋蚨一千餘元

浪激渚埠頭

在浪激渚卽狼鹿嘴同治九年里人應之

麟出資砌築計長七十餘丈

高亭老衙頭

又新衙頭

北峯山上船跳

新道頭埠頭

航渡

泗洲堂渡船 在東沙角山渚頭往來定城甯郡等處康熙時知縣繆燧詳請設立今廢久矣其原文另錄遺文中

南浦航船 向設兩艘船不甚大一往一來每日開行除大風颶外無日不開水程約四五十里由南浦至山港

岱山鎮志

卷三

志水

三

入城旱路約三十餘里昔年輪船未通鄉人欲往舟山者必趁此船故從前航船例設四艘除一往一來外又有豫備二艘分停南浦山港兩岸以備有要事臨時僱用并爲官廳當差之需今祇存二艘

高亭航船 亦有二艘與南浦一式一往一來亦至山港而止

秀山航船 在高亭由高亭至秀山每日往來一次

長塗航船 在高亭其船較小由高亭至長塗每日來回一次

茅峙航船 在南浦

干礮航船 在南浦及高亭有船二艘

衢山航船 向在新道頭今移至東沙角山渚頭往來兩艘每日一次惟遇風逆且大則不能開行下半年逆風時多往往愆期

泗礁航船 在新道頭往來兩艘由岱山至泗礁山日期不定

羊山航船 在東沙角亦有兩艘由岱山至大羊山日期不定

岱山鎮志

卷三

志水

十三

下山中路船 在新道頭爲人裝貨兼搭客名曰中路船由岱山至小衢黃澤泗礁黃瀧洛華花腦陳錢諸山其船無定數亦無定期

甯波中路船 在東沙角由岱山往鎮海甯波等處專爲裝貨而設其船無定數亦無定期

蟹浦中路船 在東沙角或行或止並無規定

張家庫中路船 在新道頭由岱山至江蘇華亭縣所屬之張家庫地方因該處岱山僑民甚多向來每月或一次或二次不等今亦無定

航船 岱山向無輪船往來近十年間始有輪渡然每星期一次往來於定海沈家門普陀穿山鎮海甯波等處至岱山停泊高亭南浦二處至立夏後立秋前則停東沙角兼灣胸山漁洲時船亦加多一星期有二三次至四五次不等其船以永川山北二公司爲主餘則隨時加入無定期

以列有年舟師者歸各是則未回二次立修高亭
先什有二三至五倍物山係大風守不穩恐有見物便

東沙角海面不能停船必須駛近塗灘以避風浪近自人煙輻輳山渚頭至沙河口一帶路下塗灘居民以子母相生之說往往填作基地起造房屋日積月累停船乏

岱山鎮志

卷三

志水

十四

所商業必衰爲此公議禁止稟請縣知事張寅給示勒石以資信守

特授四等文虎章七等嘉禾章調著定海縣知事張示案據岱山鎮紳商張鴻漢湯

藩湯銘篆金義珍鄭鴻達邵維翰孫輔陽陸仰贊金子

文戎錦昂升記劉中和垂昌源興祥廣昌劉萬順華春

來王榮懋陸同興陳義全等聯名稟稱竊岱山東沙角

市場今恃船船往來交通便利斯商務得以振興祇因

停船之所潮流湍急外無屏蔽一遇風浪船舶不能站

洋惟有駛近塗灘以避危險乃近來人烟輻輳屋宇櫛

比自山渚頭至沙河口一帶路外塗灘均已填築基地

起造房屋將來日積月累愈填愈遠設使塗灘盡變基地則船無避風之所商業必至衰落謨等爲保全地方起見爰集同人公同妥議擬請自今以後所有山渚頭至沙河口一帶塗灘以現所填出最闊之限度爲止繪具圖說議定界綫其綫外爲停船之所不准再行填築庶船舶有避風之地而商務亦得藉以維持爲此聯名公請知事委勘給示勒石禁填以垂久遠而保公益

等情並繪具圖說一紙前來據經本署訓令岱山警察分所警佐任遠前往詳晰勘覆去後茲據該警佐復稱遵查該處塗灘前山右埠勢成犄角避攬船艘最屬相宜惟山渚頭至沙河口一帶均已填築基地建造民房如果嗣後愈填愈出不特塗灘盡變基地礙難停船卽商業亦必因此而受影響該紳商等所陳各節慮周計遠事屬可行議定界綫亦稱妥洽此警佐履勘之實在情形也至如何給示之處應候示遵等情據此除指令外合亟出示勒石諭禁爲此示仰該處居民人等一體知悉所有山渚頭至沙河口一帶塗灘經此次劃定界綫以後除界內塗灘暫准報糧填築以築至界綫爲限其界綫以外塗灘無論何人永遠禁止填築俾船舶得以停泊商業不致凋零自示之後其各遵照毋違切切特示中華民國六年八月十七日給此碑立於山渚頭巖邊

岱山鎮志

卷三

志水

十五

岱山鎮志卷四

志鹽

岱山出產以鹽爲大宗故首志鹽務查宋端拱二年置鹽場岱山場額鹽一萬四千六十袋一石一斗又高南亭場額鹽三千六百袋按高亭南亭二甲南亭疑卽南峯山原隸岱山場相隔一嶺疑卽磨心嶺舟行則經大洋嘉定元年立爲正場元大德中岱山司歲辦鹽七千七百六十九引每引四延祐中岱山場額辦鹽七千五百八引至正中岱山場辦鹽八千一百八十三引是岱山之有鹽場由來久矣至

岱山鎮志

卷四

志鹽

一

明正統二年裁岱山場歸併大嵩場鹽課司催辦而岱山之場遂以廢止至清初康熙三十一年及四十九年屢議開煎食鹽經知縣周聖化繆燧先後力陳利弊堅持不可其議始寢

雍正九年奉憲奏准發帑收買岱鹽十三年復於岱山額設公盛豐濟四廠又添設板北剪水四廠專收岱鹽運至乍浦分銷撥靖江江陰引地六千四百六十二引長洲元和吳縣引地五千引共計一萬一千四百六十二引每引四百觔每百觔官給帑銀五錢二分後以銀貴收給制錢

五百二十文此爲岱鹽運銷各岸之始
乾隆二十一年議各沿海口收買餘鹽知縣莊綸渭力持
不可詳銷其事爲民食也

咸豐三年奉議立票運法在岱山者爲給票局在吳淞者
爲驗票局定每觔先繳官價錢十一文然後給票鹽戶大
以爲不便旋罷四年議改爲官運巡撫左宗棠飭督辦馮
赴吳淞立報運局酌添蘇松常鎮泰四府一州引地
鹽至起儲惠豐棧俟賣出後給價鹽戶病之同治十一年
又議改商運奉撫憲諭飭委員蕭詩督同甲商許慶曾厥

岱山鎮志

卷四

志鹽

二

商陳寶康查實曬鹽板數共計十九萬有奇按板除魚鮓
食鹽外盡數稱收每觔給價錢四文月定四千引捆運江
蘇張家庫與場鹽分成搭銷不兩年商本短絀厥又閉歇
以上之事皆詳光緒定海廳志

光緒元年乙亥立順昌安大恆源三厥 其鹽由板戶自
繳隨時定價引票經岑港司蓋印後運赴內地卽所謂
商運法也

六年庚辰委員傅澤鴻會同定海廳同知史致馴到岱設
局查點鹽板岱山十九廟附長塗一莊共計鹽板十九

萬零七十塊

七年辛巳立緝私局督辦收運事宜併三廠爲一名曰五屬公廠 五屬者蘇州松江常州鎮江太倉四府一州所屬之引地也是年委員傅澤鴻會同甲商沈平章定海廳同知顏鍾儁防營統領成邦幹到岱體察情形於各廟分舉紳耆八人爲鹽務董事又於板戶中立板長三十九人按照查實板數釘定烙印給予板照除魚鮓食鹽外儘數繳廠以後憑照收鹽每觔價定四文一毫從前每百觔加滷耗二十觔至是乃專收燥鹽不加耗

岱山鎮志

卷四

志鹽

三

觔各廟分設稱手二十四人收鹽之日廠內派夥友監視運出則歸販友秤放

八年壬午立鹽船公所 先是裝鹽之船廠內自僱至是由公所代僱

十年甲申重檢鹽板查驗板照

十一年乙酉委員翟國棟編訂章程按板定期收鹽鹽價每觔減去三毫定爲每觔三文八毫 是年國家與法國議款加抽鹽釐商人以成本太重爲辭運司稟請撫院准販商減價收鹽令委員到岱勸減議者紛紛迭起

風潮卒減三毫自是每觔給價錢三文八毫按板定期收鹽每年以八期爲率每板一年收鹽一百五十觔有增無減每期鹽觔價目由局牌示著爲例

二十六年庚子鹽價每觔加錢五毫 因歷年歉產兼之米珠薪桂工食昂貴鹽民迭次要求上官軫念民依諭令厥商酌加收價於是每觔定價四文三毫

二十九年癸卯正月鹽價減去三毫每觔四文 商人以銷數短絀成本太重稟請運司減價收鹽

五月重定鹽價每觔四文一毫 鹽價自十一年減去

岱山鎮志

卷四

志鹽

四

三毫以後板戶屢次上控一再請求規復原價迄未允准至是年五月運司黃祖絡委前南塘通判劉舜年履岱查勘分別勸導卽定永價每觔四文一毫以後不增不減令各廟板長板戶人等具結備案

三十一年乙巳八月初三日大風海溢平地水高三四尺沿海居民大遭損失鹽板滿桶漂失無算經板戶等請求撫卹由緝私局委員湯仰舒會同定海廳同知楊志濂詳請上憲加恩於十月初四日奉批准加價一文以一月爲限至十一月初九日仍復原價四文一毫

三十二年丙午六月二十一日加價五毫合原價四文六毫因上年風潮爲災元氣未復鹽產驟減收數短絀故也

三十三年丁未正月二十日又加一文合原價五文六毫亦因艱產故也 至是年八月二十日減去一文尙存五毫合原價四文六毫至十一月二十四日又加一文仍是五文六毫

三十四年戊申二月二十三日又加一文四毫合原價共計每觔七文

岱山鎮志

卷四

志鹽

五

宣統元年己酉二月添設復新官廩 是廩爲上海鉅商朱佩珍等所發起由鎮海李厚初承辦每年收運岱鹽二萬四千引專銷上海租界食鹽嗣又改名爲浙鹽總棧

三年辛亥九月國變秩序紊亂鹽政亦受影響兩浙鹽運司署撤銷改爲兩浙鹽政局由省自主至癸丑年因外人借款關係故仍稱爲兩浙鹽運司由中央簡任

壬子民國元年二月改緝私局爲岱山場置鹽事長由省鹽政局委任 是年有本地莠民假託外來革命黨之

餘威哄動鹽民設立鹽務組合聚眾千餘人欲推翻商
厥以爲斂錢之計未幾改爲鹽業研究會未幾又改爲
鹽務改良會紛紛擾擾歷一年餘始由地方官驅逐解
散

癸丑民國二年江蘇省議會議決蘇五屬改食淮鹽岱山
及餘姚兩處所產之鹽銷路幾絕經岱山紳士湯濬會
同餘姚公民鍾文成等飛電力爭并據情陳請浙江省
議會協力維持往返數千餘言其事始寢

甲寅民國三年春正月浙江場產調查主任范運樞調查

岱山鎮志

卷四

志鹽

六

員馬瀛事務員張德海等率領測繪隊到岱設事務所
於資福寺分頭測量場地檢查板戶板片等歷二月竣
事計查得岱山板戶共計二千二百八十五戶專業人
口四千四百零四人兼業人口六千零二十八人鹽板
總數共計十八萬九千五百八十二塊滷地四千六百
五十一張溜碗壹萬二千七百九十六只

是年夏改岱山場鹽事長爲岱山場知事由中央任命
是年冬場知事吳嶠詳准運司換給板照

乙卯民國四年浙鹽總棧以虧欠課款停止營業上海租

界仍歸併於蘇五屬範圍內

是年夏中央有取締鹽戶之令頒發製鹽特許證券每紙收費四角又稟請書每紙收費一角由鹽運司令飭到場時場知事舒鈞奉令維謹雷厲風行而一般鹽民誤會以爲場知事要錢哄動數百人鬧鬧場署毆打知事并擁至東嶽宮逼寫字據然後放行嗣經詳請上峯會營拏辦始各逃避竄伏而製鹽特許證券亦延至第二年始辦成

丙辰民國五年冬設南浦支局 是局係北京鹽務稽核

岱山鎮志

卷四

志鹽

七

總所所派出卽秤放局管理秤放事宜自後凡商販收鹽運鹽及建倉等事必須該局認可方能施行

丁巳民國六年設岱山場鹽警置警長一員警弁四人警目十人警兵百人分駐各海口

是年夏六月商人以產旺銷滯稟准鹽運司將鹽價減去一文令行到岱場署奉文布告鹽民大起風潮連日豎旗鳴鑼甚至停板不曬聚集鬩閘無理可喻嗣由縣知事張寅會同警備隊管帶傅映庚到地彈壓雙方勸導調停酌加五毫定爲六文五毫至冬令仍給七文其

事始定

是年冬又設公茂鹽廠承辦上海租界食鹽

上海租界食鹽自浙鹽總棧停辦以後屢次有人運動復設至是以投標法招商承辦旋爲蘇商顧兆德所得每年認銷租界食鹽十一萬六千擔向餘岱兩處分辦本定餘姚三萬六千擔岱山八萬擔嗣以岱山鹽價昂貴又經該商稟准鹽務署改定餘岱各半而岱山亦祇五萬八千擔矣

是年冬十月換用司碼稱銀圓價每元作錢壹千零九

岱山鎮志

卷四

志鹽

六

十文 向來商販所用之稱係照黨山收私稱係十八兩三錢鹽價所發銀圓每元作錢一千文今奉中央令改用司碼稱係十六兩八錢於是銀圓之價照稱核升每元作錢一千零九十文又每年收鹽向定每板壹百五十觔今亦照稱升作每年每板收鹽一百六十二觔以昭公允

戊午民國七年夏五月鹽價援案核減仍作六文五毫

奉鹽運司頒發布告內開岱山場商販收鹽改爲活價一案上年十二月間奉鹽務署令開六文五毫尙屬適

中冬令回復七文原價應毋庸議等因以奉令已在冬令復價之後當據易前知事呈俟來年夏令再行照減等情並經合准在案現在時屆夏令自應照案核減仍以六文五毫爲收鹽價格等語自此示發貼後有剪刀頭一部分人民首先反對阻止繳鹽於是奸民又乘機起事四出運動豎旗鳴鑼聚集數百人闐鬧場署并滋擾各董事家旋經縣知事馮秉乾到地彈壓分別勸懲始行定議夏令仍以六文五毫定價至冬令回復七文惟全年額斤一百六十二斤以平均對開夏秋兩季收

岱山鎮志

卷四

志鹽

九

八十一斤冬春兩季亦收八十一斤

是年夏鹽警收編歸兩浙緝私營統領管轄駐岱山者爲第十五營置營長一員下分二隊置隊長二人各領兵士五十人

八年春奉兩浙鹽運使布告鹽筋價格半年六文五毫半年七文未免紛歧應以兩價折中統扯定爲常年每筋六文七毫五絲以免爭執

是年春添設漁蜚鹽厥專管漁鹽收稅事宜

從前漁鹽向係就地自由賣買前清之世歸提軍門派

員給引漁船每船一引魚廠每家小者半引大者二三引爲止一年爲度不論多寡迨綠營裁撤改歸商辦名曰漁引公所仍照舊章入民國後重重取締設立鹽警巡緝場私固已無微不至乃更有人創設漁蜚鹽廠在公家收入無多而小民受累實甚其開辦未及三月卽有奉化漁民毆斃鹽警焚燬營房之事亦未始非激之使然也

先是有人欲設鹽業公所爲斂錢之計經兩浙鹽運使迭次駁斥乃改請設立漁蜚鹽棧亦無非借名朦准而

岱山鎮志

卷四

志鹽

十一

已其時官廳正思整頓漁鹽適苦無從入手乃忽得此樞紐於是欣然照准不料奉准以後資本無着歷一年餘無事可辦卒以驗資不實失其信用勒令取銷旋有板戶中之黠者覬覦厚利又乘機而起乃假板戶自辦之名以承辦此事遂改稱漁蜚鹽廠報告成立其實板戶知者蓋寡亦僅供少數人之利用而已今開辦已有年餘雖有倉房數處而並無顆粒之鹽仍令漁民向板戶自買但從中收取用錢每擔五分又加倉耗五分報領准單類乎報稅牙行性質與前商辦之漁引公所名異實同而一

般小民呼籲之聲則有過之矣

附錄岱山場知事段炳元呈甯屬各場辦事處趙坐辦及甯波稽核支所周所長說帖

定岱漁蜚鹽厥奉面諭即日開辦停止漁引改發准單實行輕稅不容或緩惟際此改革之始困難實多苟非量予通融使漁民知領用准單與購領漁引並無鉅大出入則漁民狃於習慣斷難遽就範圍蓋岱地漁鹽賣買自由由來已久自漁引公所成立以後始憑引配鹽然其所領之引大抵不及運鹽之半漁民沿此便宜而欲其每擔抽稅二角今昔比較負擔驟增誠不免痛心疾首況自冬徂春雨水過多產鹽甚少物希爲貴價格倍增漁民購鹽其成本已較往年喫重揆諸情勢不能不於整頓之中稍寓體卹之意今爲課稅計爲民生計爲目前大局計爲將來進步計用敢擬一變通辦法以利進行茲值所長坐辦蒞岱場漁民困苦情形已邀洞鑒幸見察核所擬條陳俯賜核准實爲不便謹畧旋奉批云將漁船鹽稅每擔二角暫免一角惟漁厥不

岱山鎮志

卷四

志鹽

十一

得援此爲例云云 四月廿二日

計開

- 一 准單分五擔十擔二十擔三種
- 一 漁船領用准單如購五擔者納稅半元於單上註明內有二擔半免稅字樣購十擔二十擔者照此類推
- 一 漁鹽如不足五擔者准予免稅
- 一 護票期限以十日爲度 九年九月又奉鹽務署核准如實係採捕魚蜚之船准以十五日爲限

按自四年創辦製鹽特許證券迭次審查至八年止查實有證券之板戶共計二千三百二十三戶鹽板共計二十二萬零六百四十五塊

附錄

采四年九月一日之江日報所登各場灘竈倉坵
詳數

岱山向無灘池井竈名目調查官板計十九萬零五百六十八塊又倉棚四百五十六間計可儲鹽三千六百七十五萬斤均係厥商建設並非官有

岱山場鹽田面積二千九百九十六萬八千一百四十八方尺其未闢鹽田之餘地面積九十九萬零七百七十四方尺

岱鹽說略

岱山居定海之北去縣治百二十里四面環海居民一萬

岱山鎮志

卷四

志鹽

十二

餘戶業鹽者十之二出品以鹽爲大宗其始亦係設竈煎燒至清嘉慶年間有鄉民王金邦者始創製鹽板易煎爲曬民皆稱便查岱山鹽板自光緒七年間經官烙印給照查實板數計共十八萬有奇以後遞有增減至光緒三十一年八月初三日風潮爲災漂失不少至宣統三年閏六月十六日又遇風潮重遭損失近年稍稍規復據各調查所得其數各不相同然總不出二十萬之外則總數亦大略可知矣惟曬鹽雖視煎鹽爲便然其成鹽之方法亦非經數十手足之力不爲功約計一擔之鹽須積五擔之滷

而一擔之滷須挑三擔之泥而一擔之泥又須灌四擔之海水每擔一百觔爲率其中委曲繁重一顆一粒無非島民之汗血所成茲特臚舉製鹽之次第方法分爲十節如左

甲灌場 鹽出於場岱山之場以山爲界山以外皆大海故場在山裏其潮須由浦通入晒鹽者俟潮漲時用水車戽入場間使之灌足俟天晴日炙四五日場上起有鹽花乃可爬泥如此四五日中遇有大雨則泥淡不能起花又須重灌矣其場大者或十餘畝小者約二三畝

岱山鎮志

卷四

志鹽

十三

不等每場一畝約可晒板十塊

乙爬泥 場上之泥既有鹽花乃用鐵耙耙之其耙前用牛拖上以一人踏之而行縱橫來去循環五六次耙勻又用物名千刀卽剗刀者下以鐵爲之上緣兩竹竿一人舁之而行使細如粉乃用板推攏再以上籠挑入溜中

丙做溜 場中積土爲圓整其名曰溜底鋪稻草周圍墳起卽將爬勻之泥挑入其中并用木錘敲之使實再以海水灌之其泥帶沙者歷一晝夜而有滷其泥結滯者

或五六日而有滷其滷從溜底草間而出溜旁預留一孔貫以竹筍其下埋一木桶名曰滷缸使滷注入桶中丁挑滷 滷既注入桶中則以物試其濃淡然後挑入大桶中其法用蓮子四顆權其輕重以驗滷之濃淡滷濃者蓮浮於上淡者沈於下然蓮子不能經久今有用黃蠟裹錫如蓮子大用以試驗則較蓮子尤準又有用鷄蛋者其法更較黃蠟爲便矣

戊攤板 板以杉木爲之長約八尺闊約四尺狀如門板四圍有闌所以承滷一塊之板如伏天日長光烈則一

岱山鎮志

卷四

志鹽

十四

日可出鹽五六觔至秋後日短則不過一二觔而已如遇天陰則須扛堆一處若遇驟雨淋過則板淡不能出鹽矣

己推鹽 滷既成鹽則用物推攏夏天日長每日須推二次皆以婦女爲之

庚掘溜 溜中之泥既以出滷則泥已淡須用鏟掘出仍須挑開勻鋪於場上再用海水灌之然後再爬再挑如遇天晴每汎可挑二三次一月兩汎有頭黃二黃三黃之名如天雨則不能預算矣

辛產額 每板一方如遇雨暘時若之年每板可出鹽三百餘觔如遇雨多之年則其數遞減至一二百觔不等壬價值 岱山鹽價分官價漁價兩種官價本係呆價向定四文一毫後以災歉艱產遞增至每觔七文近已改爲活價至漁價則隨時漲落向無一定大約產旺則漁價較官價爲廉產衰則漁價較官價爲昂

癸銷路 岱鹽銷路除醃漬魚鮓及居民食用外從前設廠收運興廢不一至光緒七年設立五屬公廠歸浙西甲商經理定期分收運往江蘇之瀏河交卸轉發各地

岱山鎮志

卷四

志鹽

十五

分銷至漁鹽向係就地自由賣買前清之世歸提軍門派員給引漁船每船一引魚廠每家自半引起至二三引爲止一年爲度不論多寡迨綠營裁撤改歸商辦仍照舊章人民國後重重取締設立鹽警巡緝場私近且有人組織魚鮓鹽棧每鹽一擔除買價外先須納稅洋二角并加用錢三分以此遞加不准稍有溢觔一有溢出卽充公罰辦於是民不聊生矣

查大德志漁鹽歲辦不等舊實無之蓋附海之民歲造魚鮓多買有引客鹽爲用官未嘗置局也自至元三十

年昉於燕參政南康人之奏於海邊捕魚時分令船戶各
驗船料大小赴局買鹽淹浥魚鯨然船戶亦有不爲漁
者非官司驅迫鮮有樂於請買自是歲嚴一歲買數愈
增大德元年至買及八百餘引以上皆大德志語觀此則元時
漁鹽已有取締之令至清時歸提標包課給引反從寬
典近來稽核鹽稅日益加嚴每擔收洋二角猶謂輕稅
然商民已受剝膚之痛矣

岱山場鹽戶鹽板調查確數 民國十三年實地調查

甲區 中路 自新道頭起至浪激渚止

岱山鎮志

卷四

志鹽

六

鹽戶八百五十二戶 鹽板六萬二千三百五十六塊

乙區 東路 自泥峙起至外南峯山止

鹽戶六百九十一戶 鹽板五萬零九百十塊

丙區 南路 大小高亭

鹽戶六十九戶 鹽板三千六百三十九塊

加 蒲門港南鹽戶廿一戶 鹽板一千五百六十八塊
長塗鹽戶一百零一戶 鹽板五千六百五十一塊

觀山鹽戶十七戶 鹽板九百五十四塊
秀山鹽戶二十八戶 鹽板一千六百四十八塊

丁區 西路 自塘地起至剪刀頭止

鹽戶一千零七戶 鹽板八萬九千四百八十四塊

以上四區共計鹽戶二千七百八十六戶又共計鹽板二十萬七千二百十塊

除蒲門港南觀山四處戶一百十七戶板九千八百二十一塊

淨計岱山鹽戶二千六百十九戶鹽板二十萬零七千三百八十九塊

附錄戊區 衢山 自樟木山起至小塘隩止

鹽戶四百十戶 鹽板三萬一千二百五十四塊

又附錄定海場所屬板額 甲區二萬七千九百五十四

岱山鎮志

卷四

志鹽

七

塊 乙區二萬八千零三十六塊 丙區二萬三千六百七十一塊 共計七萬九千九百六十一塊

附銷地稅率表

長元吳 江震 錫金 上南川 常路

以上每擔三元二角

武陽 宜荆 江陰 靖江 丹徒 丁舟 丹陽

金壇 溧陽 建平 姚家橋 埤圩 華婁

奉金 青浦 崑新 太鎮 嘉寶

以上每擔二元七角

寶山結減地 上南川減地

以上每擔一元三角五分

上海租界 每擔一元五角

漁鹽稅 每擔二角

醬缸稅 每擔一元

各幫漁船用鹽稅率表 每百斤為一擔稅洋一角五分
五百斤以內者得免稅

溜網船 高亭幫
有三種 大五千斤 清明起
大暑止 稅洋七元五角

中三千斤 稅洋一元五角

岱山鎮志 卷四 志鹽 六

小一千斤 稅洋一元五角

又南峯山只有大中二項與高亭同

又長塗幫 大四千斤 稅洋六元

中二千斤 稅洋三元

小一千斤 稅洋一元五角

又一種 小一千五百斤 稅洋二元二角五分

大捕船 奉化
清明起
大暑止 夏季 一千斤 稅洋一元五角

秋季 立
立 五百斤 稅洋七角五分

象山東 門幫 小暑起 立冬止 一千斤 稅洋一元五角

螺門幫夏季

清明起
大暑止

一千斤稅洋一元五角

秋季

立秋起
立冬止

一千斤稅洋一元五角

又岱山及胸山本幫與奉化幫同

又六橫山等幫自一千斤至七八千斤或一萬斤不等

俱實秤實稅

高亭蟹船

八月起至次
年二月止

一千五百斤分兩期納稅冬季

納一元五角春季納七角五分

各魚廠用鹽稅率有甲乙丙丁四種甲等十二元乙等

九元丙等六元丁等三元

岱山鎮志卷五

志漁

岱山漁業不知起於何時無可考證大約宋元時已有之查大德昌國州志已有漁鹽之名知元時漁業已漸發達然查近來岱山漁業之利多半外溢以捕魚者多係外來客民土人業此者爲數甚微惟高亭南峯山一帶有所謂溜網船者以捕鱮魚爲宗旨舍近圖遠駛至呂四洋放網在江蘇淮海洋面故又名呂四船其捕得之鱮魚載至乍浦銷售此種漁船成本甚重近年每船須費銀幣一千以外其捕

岱山鎮志

卷五

志漁

一

魚期間自清明節開始至大暑節告竣一年生計全在此數月之中至秋季及冬春則捕蟹與比目魚俗呼在嚴冬狂風駭浪之中更爲艱苦所得亦微然皆船中舵工水手人等集貲爲此俗謂之硬腳取腳腳硬撐之意其捕得之魚蟹除賣與本地行販外餘則運至鎮海鄞縣等處銷售此本地人漁業之大較也

至岱山漁汛最旺之時在每年陰曆四五月之交謂之大漁汛土音呼日洋生自立夏節起至夏至節止始終約五十餘日其間漁船以台州臨海人居最多數甯海溫嶺奉化等處

人次之鄞縣象山等處人又次之本縣之螺鈞門及本山
人又其次之

各種漁船另
立表詳之

至其居間交易者則有魚行各種漁船除小對船捕得之
魚均在洋面賣與冰鮮鹹鮮等船直接交易名曰過鮮且
不用秤計以每元幾條論價惟大捕船則岸上均有行家
爲仲裁人

每幫行家均由其
本幫人組織之

其捕得之魚必由行家過秤

賣與廠家做鯊蓋大捕船資本多係廠家所放由行家過
付先於上年九十月間放本每船四艘爲一駁每駁放銀
圓三四百至五六百不等胸山有放至七八百元者名曰
岱山鎮志

卷五

志漁

二

放桁頭不取利息至次年漁汛時收魚還本仍由行家居
間過付

其在岸上設廠收魚者謂之魚廠

俗謂之
做鹹

均在東沙角一

隅有土客兩幫客幫多係鎮海人名曰老漁商係租地設
廠亦有己業者夏來冬歸近亦有長住者土幫則係就地
居民在家設廠名曰新漁商其始客幫居多從前約有六
七十家近來逐漸減少僅存二三十家土幫則有七八十
家然大小不等其大者或進貨數百擔至千餘擔其小者
或數十擔至最小者謂之飯桶係臨時湊合僅一飯桶而

已其所謂大魚廠者須先於上年秋冬之間預備如放柁頭僱工人定劈手等等至次年立夏日開市至六月廿三日止謂之大謝洋至魚鯨種類厥有三種渾圓者曰瓜鯨其魚並不剖開惟於正面上下橫割二刀將其魚膠取出再於背面直劃一刀故又名三刀頭此種瓜鯨用鹽醃漬二三日取出晒乾上篋運往杭州紹興鄞縣等處銷售其剖開者曰潮鯨則運至乍浦及長江內地銷售又有曰老鯨者則於伏天晒之以十日爲度曬足收藏至八九月間運至溫州銷售總計每年出產合新老兩幫共約二萬餘

岱山鎮志

卷五

志漁

三

件多或至三萬餘件然必視漁汛之豐歉以定出品之多寡其確數亦不能預計也

漁汛之際東沙角新道頭兩處人民驟增至二萬餘名其間五方雜處良莠不齊而匪人溷迹往往滋生事端始則橫行街市繼則禦人越貨無所不至濱海居民每屆四五月之間輒惴惴焉如逢寇至其稍有身家者至盡室偕行遷地避之因此間去城窻遠向來官不過問至光緒十九年癸巳土客相爭釀成鉅案經前知廳事趙惟喻通稟各上憲親臨彈壓自是每屆漁汛廳同知到地駐巡沿海各

要隘分劄營哨弁兵晝夜梭巡海面派兵輪往來游弋提
鎮各官亦相率戾止於是匪類潛蹤居民高枕矣入民國
後循舊舉行縣知事會同警備隊管帶督率長警到岱駐
防月餘外海水警察廳長以下亦率隊巡緝在洋面布
防著爲例

各種漁船表

對漁船 每對兩艘每艘四人其捕魚時兩船用互而行故謂之對漁在岱山者以台州幫爲最多
台州臨海小對船 一名紅頭對 約一千二三百對每對成本約

岱山鎮志

卷五

志漁

四

三百元零每船容積約五六千斤於陰曆立夏節後到
岱停泊在新道頭石壁下及東沙角沙河口一帶至夏
至節前散洋其捕魚地點在胸港及魚山洋面早出晚
歸其捕得之魚均係石首魚 即黃魚 賣與冰鮮船 謂之其
賣與岸上魚廠及居民食戶者係少數向有台州漁洋
公所經理現改爲臨海北岸漁會分事務所
甯海花頭對約五六百對半在岱山半在魚山其容量及
捕魚方法與紅頭對相同歸禮安公所管轄

溫嶺白底船 以蒲席爲帆 約四百對其容量等亦與紅頭對相

同歸溫嶺漁會管轄

樂清

玉環白鴨對約一百號零其船與白底相彷彿所無公

鄞屬湖幫大對船約三百餘對每對成本需二三元每船七人其容積約三四萬斤於陰曆八月起至次年五月止其捕魚地點在嶼山大葺壁下黃澤馬蹟黃大洋等處其捕得之魚以小黃魚爲大宗歸永安公所管轄住沈家門惟賣魚則至岱山

定鎮兩屬海山對約六百餘對每對成本容量及捕魚地點與湖幫相同陰曆八月開始分三季冬季至十二月

岱山鎮志

卷五

志漁

五

底止春季至三月半止夏季至五月半止歸人和公所管轄住沈家門賣魚至岱山

又有所謂大小對者一大一小大者容五六千斤小者容二三千斤係溫州樂清幫台州亦有之共約百餘對每對人數五六人或八九人不等皆係各人自出資本集合而成無公所

大捕船 每船五人容積約二三萬斤夏季以清明起至

大暑止秋季以立秋起至立冬止每船成本夏季約七百元秋季約四百元

總計須一千一百元
岱山本幫約八九十號胸山約五六十號

奉化棲鳳幫約二百餘號泊胸山歸棲鳳公所

奉化桐照幫約二百餘號泊念歸義和公所

奉化桐照幫約一百餘號泊念歸義安公所

象山東門幫約八九十號泊鐵板沙歸太和公所

鄞縣大嵩港幫約一百二三十號泊沙河口歸協和公所

象山各鄉零幫約六七十號分泊岱胸兩山歸安瀾公所

定屬螺門幫約一百七十八十號 歸螺門漁會分會

定屬釣門幫約四十餘號 歸靖安公所

定屬沈家門約六十餘號

岱山鎮志 卷五 志漁 六

定屬六橫山糊泥等處約二百餘號分隸仁和保和二公所

定屬各小島零幫約四五十號 無公所

溜網船有大小二種大者容三四萬斤小者一萬餘斤

大溜每船八人成本約一千元零其捕魚地點遠至呂四洋近至大葦山捕得之魚以鮑魚為大宗

小溜一名單溜每船五人或六人成本約三四百元其捕魚地點在大葦及長塗洋面捕得之魚以黃魚為大宗自穀雨放洋至大暑為止

高亭及南峯山大小溜網船共約三百餘號有鎮定保定

南定三公所其間隸鎮定者約二百號隸保定者約三四十號隸南定者約六十號

又長塗大小溜網船亦約三百號而弱

張網船張俗作漲一各陰履其網繫於竹竿在海底打樁有大小二種大者每船四人小者三人其容

量大者約一萬餘斤小者六七千斤每船成本長年約三四千元小者減半大者每船有四五十椿小者二三十椿長年分四季其網有二種冬春所張曰緊網所得魚蝦巨細不遺夏季所張曰稀網所得者黃魚鱮魚鮑魚等類秋季用繩網則所得者海鮮而已鮮俗作蜆即水母也

南峯山計五十七號

兩頭洞約五六十號

記光緒十九年土客之爭

先是台州臨海小對漁船每逢立夏後十日來岱羣泊於新道頭石壁下一帶約有千餘對每對八人漁民不

岱山鎮志

卷五

志漁

七

下萬餘人人數既多而匪徒遂溷迹其間於是岸上搶劫之事時有所聞是年匪徒較往時尤多各鄉村劫案層見疊出於是鄉民憤不能平集議搜查於四月廿八日乘漁船放洋之際聚眾至新道頭挨戶搜查搜至翁姓屋內適有台客潘姓者台人稱之曰老五相衣服行李迥異尋常鄉人疑爲盜魁羣起而格斃之又斃不識姓名者三人并焚拆民房兩家一哄而散事後台人以無故傷彼僑民亟謀報復乃於五月初二日搖旗吶喊蠶擁至宮門焚屋擄掠宮門一村居民三百餘戶盡遭

殃及并焚去民房四五家搶畢乘潮揚帆而去事後經官廳相驗官門被搶諸家聯名告發而台州被傷事主亦先後起訴要求賠償株連多人凡地方上殷實之戶及首事出名之人幾無倖免涉訟年餘至次年始議款結案而地方上之損失已不貲矣

記民國十一年奉東之爭

奉化桐照幫漁民與象山東門幫漁民夏秋兩汛均在岱山捕魚桐照幫船約三百號左右停泊在念畝隩東門幫船約五六十號停泊在鐵板沙兩處距離約三四

岱山鎮志

卷五

志漁

八

里之遙惟遇小汛兩幫漁民登岸皆以東沙角橫街鎮爲總會地向來兩幫積不相能其原因複雜無可究詰循環報復非止一次聞三十五年前曾經一次大激戰其時東門人失敗自此愈結愈深乃至以橫街鎮之財神殿爲鴻溝殿以西爲奉化人之勢力範圍殿以東爲東門人之勢力範圍如東門人越過西首則奉化人必羣起而毆之如奉化人越過東首東門人亦然其小小衝突僅止皮傷者每年必有數起事後各由公所處理亦不費官廳手續桐照幫有公所二曰義和曰義安東

門幫有公所一曰太和自大漁汎以後各公所主任皆回籍僅留辦事員數人此歷年經過之事實也至此次之大決戰且戰事延長至一星期之久實爲從來所未有其近因實甚細微開始以賭博起衅互相爭毆東門人受虧遂至糾眾持械於陰曆閏五月十三日與奉化人決鬪追至沙河口斃奉化人一名於是奉化人一面報官一面大修戰具而東門人一方面則深溝固壘以相抵禦十四日小戰流彈穿入民房幾傷居民於時各店罷市行人裹足而地方商民觀此情形恐遭殃及乃

岱山鎮志

卷五

志漁

九

於十五日開緊急會議僉謂東沙角係岱山菁華所聚若任令借作戰場將來不堪收拾議決兩造如欲奮鬪必須離開市場請由警察分所長及駐岱警備隊哨長暫時負責竭力制止一面專待縣知事到來解決當舉商會分所董事向各方面接洽爲最後之忠告至十六日縣委城區警察所金所長及警備隊張哨官帶兵馳至卽往念畝隩屍場相驗又至東沙角向奉化東門兩公所交涉議定雙方先行停戰撤銷戰具然後言和議至十七日旁晚將欲就緒而兩方又起衝突各不相下

連夜整備武裝約於翌日一決雌雄於是金所長張哨官星夜飛報縣署及營部專請知事管帶親來處理至十八日早晨兩方對壘如臨大敵山嶺要隘遍插旗幟一取守勢一取攻勢是日自九時起至十一時止激戰二小時奉化人有負傷者旋指揮大隊退至念畝隩而東門人仍守原防直至是日夜半知事管帶相率蒞止兩造始各偃旗息鼓紛紛若鳥獸散次日奉化漁船盡數遣去又次日東門漁船亦去而地方始安此兩幫械鬪之實在情形也事後經兩幫公所董事協議善後辦

岱山鎮志

卷五

志漁

十一

法訂立條約呈請官廳備案以後消除意見永禁械鬪磋商數四至次年始行定議勒石財神殿前碑文如左

三等嘉禾章分浙任道尹署理定海縣知事張爲布告各幫漁民永禁械鬪事案據象山太和公所董事胡常瑛奉化義和公所董事江北溟義安公所董事吳銳東等呈稱竊奉化象山兩幫漁船每屆漁汛麋集於岱山東沙角之念畝隩鐵板沙等處爲停繫地點其時賭場酒肆從而弋利者亦紛紛聚集內幫漁民誤入其中遂因細故激成械鬪甚或致釀命案肇禍只有二三人而被害及於多數漁民思之實堪痛心董事等瞻念奉象兩邑均係甯波舊屬彼此又居接壤未便坐視漁民妄分畛域不思兄弟鬩牆之義爲此邀同各幫漁董漁首船戶及各公所董事會議取締漁民規則九條查照光緒十五年奉象兩幫舊約酌量增刪重行訂立合同公據永遠遵守理合抄粘議訂條約呈請備案一面准予給示勒石以

垂永久而安漁業實爲公便等情到署據此查各幫漁民歷年均集定岱捕魚原是各謀生計自應遵守規則不得聚眾違法滋生事端本知事駐岱維持地方治安保護良善漁民倘有違反此項公議規約定卽從重懲辦決不寬貸爲此布告勒石永遠遵守用安漁業仰各幫漁民人等一體遵照切切此布計開公議取締漁民規約九條(一)爲避免奉象兩幫漁民衝突起見業經岱山紳商之公議於漁汛時奉幫漁船得仍停繫於念畝陳象幫漁船得仍繫於鐵板沙各守地址不得逾越(二)照歷年習慣兩幫漁民不得於所定之界限外結隊遊行以免衝突(三)兩幫漁船無論存洋在岸各須因地相讓不得偶因磕碰以滋口舌萬一有不得已事情務各到本公所請爲理處毋許私相爭毆如有不遵規約應責成該管各行戶漁首由公所秉公議處(四)兩幫漁船每屆漁汛凡舵工水手人等上岸各行戶漁首須各嚴加約束毋許在酒肆茶坊等處恃強滋事如有不遵約束者各歸各公所送官究辦以懲效尤(五)兩幫漁船到岱時

岱山鎮志

卷五

志漁

七

均不准私帶槍械如經奉准之有照器械一律交由各該公所保存待漁汛終了各船回家時仍行檢還以資洋上自衛(一)兩幫漁船如再有藏匿器械不交公所者一經發覺應責成該管行戶漁首一并由公所送官如兩幫中在洋在岸遇事爭先持械者送官請依法分別首從治罪如甲持械乙不持械抗拒者將甲送官從重治罪並應將該管行戶漁首一并坐以約束不嚴之罪各公所亦不得徇私轉滋後患(二)兩幫漁船器械既已檢存岸上各無疑忌如別幫中有事不得藉端扛幫爲公報私仇之計如有故違請官照幫毆例從重治罪並應將各該行戶漁首一并坐罪(三)自議之後各公所各派巡查一名隨護船巡查一切遇有事故須據實報告各該公所所以憑處理如有徇私護短情弊一經察出立將該巡查撤辦(四)岱山地主對於任何一幫毫無歧視偏袒但商民身命財產所在亦不能坐聽暴徒之蹂躪焚掠而不爲正當之防衛嗣後無論何幫有糾眾至三人以上不聽勸解以先動手行兇者岱山營警民團對之得施

攻擊以剿匪論 中華民國十二年六月八日給

附記民國十二年之巨魚

十二年陰曆癸亥十一月廿外有巨魚余至水滄蛟青黑山外之筆架山石巖內其身長三十六步無鱗甚腥口巨可容一人其頭部有骨黑色如牛角然其堅如鐵邊有毛如椶櫚或曰是魚之腮其腹內有一骨大可逕尺則是他魚被其所食而未化者其皮肉厚逾一尺取以熬油可以點燈可以擦銅鐵越三四日觀者如堵取未及半又被大風捲去亦一異也或曰是卽鯨魚未悉

岱山鎮志

卷五

志漁

三

然否

又記民國十五年之大龜

十五年陰曆丙寅四月初奉化捕魚人林姓在海中網得大龜一權之得八十四觔長魯尺三尺二寸闊三尺背文與常龜無異惟頭尖如鷹嘴其口大而齒甚利能咬磁石其前二足無爪如魚之划水然後二足一爪尾小而扁尾脊上寄生一物如蟻壳者分瓣六色白可愛其腹下後半部亦有此物左右各三惟較小據云此龜見人輒流淚呼吸亦靈似嘆氣然漁人視如奇貨欲以

六百金代價出售謂其背上有珠云後經好事者醵金
百二十購而放之海中此四月十三日事也

岱山鎮志

卷五

志漁

十三

岱山鎮志卷六

志戶口 氏族

岱山戶口以東沙角爲最繁盛高亭念畝隩宮門泥峙等處次之其餘均散處各山隩或百餘戶爲一村或數十戶爲一村其聚族而居者至多亦不過百餘戶因岱山自有明起遣以後土著老民靡有孑遺至清初展復來此者均係捕魚樵採及負販等爲業大都貧苦者居多故居此者不過四五代及六七代而止大約於乾隆年間始遷者爲多其人多係慈谿鎮海山北等鄉轉徙到此亦有自紹興

岱山鎮志

卷六

志戶口

一

來者如宮門之劉氏則由鎮海北鄉之貴駟橋及牌門頭湯氏則由鎮海之莊市橫溝毛氏則由鎮海之白沙高亭沈氏則由慈谿之沈師橋沙洋葉氏則由慈谿之鳴鶴場念畝隩費氏則由慈谿之費市鎮泥峙陳氏則由鎮海之曲滙塘隩底方氏則由鎮海之山北楓樹整祝氏則由餘姚之周巷姜氏則由鄞縣之姜山泥峙鄔氏則由奉化之禾家橋高亭趙氏則由蕭山之臨浦石馬隩於氏則由蕭山之峽山虎斗任氏則由鎮海之靈緒鄉東沙角張氏則由慈谿之童姚村金氏鄭氏等則由鎮海之蟹浦惟冷坑

之夏氏相傳爲岱山之老民云

岱山向分岱一岱二兩莊每莊十甲

岱一莊一甲大小蒲門二甲高亭大陳至小三甲小高亭高

家起由小高亭嶺下以及浪石馬陳蟹箔陳癩頭四甲山捍門南浦等處

激渚至石馬陳何家陳止激渚至石馬陳何家陳止五甲半塘火燒浦竹行跟王郎整龍眼六甲楓樹整大

路南以及外司基大蛟小蛟等處小長坑裏司基轎行宮門七甲酒坊陳磨心八甲龍眼路北新道頭鐵板沙九甲

虎斗任家村板井王官人陳深十甲水南峯山

頭黃沙潭等處假山頭二甲鯁魚游北三甲沙洋及四甲

獅子潭費家陳底總六甲聚英廟跟至七甲泥峙

岱山鎮志

卷六

志戶口

二

坑朝北八甲石橋頭茶前九甲下塘虞家山嘴林家山

陳宮門山東沙角等九甲嘴半塘小山水白蛟念

畝陳西十甲拷網山青黑山沙角等十甲搖星浦剪刀頭

岱山人口前據自治會調查共計合鎮人口五萬零八百

十二人
戊午民國七年岱山警察分所編查戶口報告總數岱山

鎮編爲定海縣第二十三區

全區戶口總數共計一萬零二百八十五戶

內分本籍戶口九千八百六十七戶客籍戶口四百十

八戶

人數男丁二萬五千九百人女口二萬零一百六十七人共計四萬六千零六十七人

男丁有職業者二萬零零二十八人無職業者一千五百三十五人學齡兒童四千三百三十七人編分一百零七甲一千零三十六牌

共計甲長一百零七人牌長一千零三十六人

甲子民國十三年辦理戶口登記重行編查計分一百零四甲八百九十三牌一萬一千四百八十六戶加特戶三百四十二戶人口總數六萬一千零八十六人

岱山鎮志

卷六

志戶口

岱山鎮志卷七

志田賦

初岱山人民完納錢糧務須航海至城向總櫃投納往返食宿需費需時到城後又被胥役挑剔多方留難困苦備嘗無可告語至乾隆年間各業戶僱船至城完糧船至半洋忽遇颶風人船俱沒慘不可言時有楓樹墜大田衙邱培林者痛死者既已無告思生者尚可補救於是聯合全岱人民公議具狀於縣官請設分櫃於岱山以示體卹屢呈屢斥歷呈多次縣官怒坐以抗糧之

岱山鎮志

卷七

志田賦

一

罪卽將爲首邱培林發押拘禁於是岱民大恐籲府而道而省奔走呼號涉訟經年始蒙批准卽將培林提省訊釋一面批飭定海縣准於岱山設立分櫃俾人民得以就近完納且於開徵之始備酒筵十席邀請各殷紳公議糧價自開徵一月以內無論業戶大小概作紅封每銀一兩作價二千一百三十文踰月後爲白封每兩作價二千三百三十文其銀圓洋價依照橋頭米市核算不得高擡串票每張作錢十一文永以爲例

按以上所述係

前清成案入民國後亦稍變更矣

蓬莊地丁銀八百六十四兩三錢零又抵補金卽舊秋米一百五十五石一斗一升零

萊莊地丁銀六百四十四兩八錢零又抵補金卽舊秋米一百十六石五斗五升零

兩莊合計地丁銀一千五百零九兩一錢零

又抵補金米二百七十一石六斗六升零

蓬莊串票八千二百六十餘戶

蓬莊串票六千七百五十餘戶

頑戶串票二千四百餘戶

岱山鎮志

卷七

志田賦

二

頑戶地丁銀九十五兩八錢零又抵補金米十六石四斗零

岱山田地山蕩塗統共約計四萬三千餘畝

鹽場在外

民田一萬一千餘畝民地九千餘畝

山稅附入地冊內約十分之二

蕩河四千餘畝塗田一萬九千餘畝

鹽場附入塗田亦十分之三

近年徵收實數

原額地丁銀連糧捐每兩折徵銀元一元八角帶徵特捐每兩六角三分附捐二角四分三釐徵收費一角六分二釐合計每兩實徵銀元二元八角三分五釐

原額抵補金米每石折徵銀元四元帶徵附捐每石五角
徵收費一角四分二釐五毫合計每石實徵銀元四元
六角四分二釐五毫

銀元價每元作錢一千文

按前清定海糧價每兩折收銀圓二元三角五分惟
岱山以二元一角三分折收自光緒廿八年和議賠
款於地丁鹽課項下每兩加徵三角由是每兩折收
銀圓二元六角五分岱山則收二元四角三分除每
兩以一元八角解省外其羨餘爲地方官辦公等費
入民國後每兩以一元五角爲正稅以加征三角爲
糧捐以羨餘六角三分爲特捐正稅與糧捐同解省
庫爲國稅特捐爲縣稅此項縣稅以四成爲縣教育
費三成爲警察費二成爲公益費一成爲準備金費
又按民國元年實行地方自治制縣議會議加自治

岱山鎮志

卷七

志田賦

三

附捐一成於地丁項內經縣議會議員王亨彥提議
糧捐折徵各鄉異於岱山同縣異制殊爲非法應照
岱山例全縣折收銀圓二元四角三分以歸劃一另
加自治附捐一成每兩折收銀幣二元六角七分三
釐照舊祇增二分三釐人民尙易負擔旋經議決呈
請縣署核准施行後又每兩加徵收費一角六分二
釐故現完地丁銀每兩合銀圓二元八角三分五釐
又按秋米每石向例折收制錢四千九百文入民國
後改秋米爲抵補金初每石折收銀圓五元五角以
四元爲正稅一元五角爲省稅又加五角爲附捐以
充縣立貧民習藝所經費民國五年省議會議決每
石折收銀圓四元以三元爲正稅一元爲省稅外加
附捐五角征收費一角四分二釐五毫故現定抵補
金每石合銀圓四元六角四分二釐五毫
又按清世有所謂串費者每串一張取制錢十一文
入民國後此費革除惟有罰金一項名爲滯納處分
上忙以五日一日爲開征期下忙以十一月一日爲
開征期民國三年由國稅廳籌備處指定非有特別

事故不得率請變更上忙自開征日起三月為催收期間一月為催傳期間經過催傳期間照省稅一元八角數以二十分之一處罰與下忙併完者以十分之一處罰下忙自開征日起催收期又縮短一月經過一月催傳期與延至次年併完者照上忙處罰民國七年上忙以三月為催收催傳期間下忙又縮短一月經過後照省稅一元五角之數處罰糧捐三角免罰以示體卹

按自民國五年以後地丁銀價至今未改惟抵補金折價屢有變更列表如左

民國四年	地丁銀每兩折銀元二元四角三分米每石折銀元五元本屆	民國五年	地丁連糧捐每兩折徵銀元一元八角帶徵特捐六角三分附	民國六年	同上
------	--------------------------	------	--------------------------	------	----

岱山鎮志卷七

志田賦

民國七年	地丁每兩加收附捐二角四分三釐徵收費一兩六分二釐抵補金每石收附稅洋五角徵收費一角五分	民國八年	捐二角四分三釐徵收費一角六分二釐抵補金每石折徵銀元五元附捐五角徵收費一角五分	民國九年	抵補金每石折徵銀元四元除五年分留抵一元外實徵三元附捐五角徵收費一角五分
同上		同上		同上	

抵補金每石折
徵銀元四元帶
徵附捐五角徵
收費一角四分
二釐五毫

民國十年

同上

抵補金每石折
徵銀元三元八
角附捐五角徵
收費一角三分

民國十一年

同上

民國十二年

同上

岱山鎮志

卷七

志田賦

五

六釐五毫

民國十三年

同上

民國十四年

同上

民國十五年

同上

抵補金每兩折
徵銀元三元五
角附捐五角徵
收費一角二分
七釐五毫

抵補金每石折
徵銀元三元二
角附捐五角徵
收費一角一分
八釐五毫

岱山鎮志

序

拙廬居士謹識



岱山鎮志卷八

志學校

宋時有岱山書院度宗咸淳九年癸酉里人魏渠等請於郡以岱山廢酒坊空官地建立時縣令趙與沃先儒黃震皆有記逮元世祖至元三十年癸巳本處鹽場官徐應舉朱許芳買民屋二間遷於市至順帝至元二年丙子州判官許廣大興建設顏子像仍給富九都沙漲塗田以供祀事許廣大自爲記其記不傳事詳至正四明志今遺址無考惟楓樹墜有酒坊隳名

岱山鎮志

卷八

志學校

一

蓬山書院 在岱東朝北隳一房山麓同治元年壬戌士民募建計中間明樓五楹前有奎星閣一座後爲文昌閣大殿五楹右間附設香因祠以祀創造書院之有功者學使者徐樹銘廳同知史致馴皆有記入藝文門按是院本爲勸善仙館舊址咸豐之季髮逆竄浙有嚴州遂安縣貢生洪自含避亂來岱與鄉先進鄔兆權方炳泰王敬所等扶持風化振興文教設立勸善仙館以勸善爲宗旨兼課文藝是時岱山風氣錮蔽因假神道設教以爲之倡在館中設有乩壇其人善扶箕每逢朔



望開壇降乩所作詩文宗旨純正皆有益於世道人心
刊有覺覺鸞編一冊與他處乩詞迹近左道者大相逕
庭今其書尙在可覆按也後以勸善仙館之名不雅馴
遂改爲蓬山書院然當時若非借扶箕之力亦安能糾
集鉅款遽興此廣廈哉故飲水思源今樓上仍設壇位
示不忘本也

院產 民塗田四十一畝 同治四年里人陳燮朝妻林氏遵夫命捐助

螞蝗灣田一畝二分 光緒二年廳同知陳乃瀚以充公田撥入

石橋鎮市廛八間 光緒二年里人費宗惠捐助

志學校

岱山鎮志

卷八

二

沙洋田一畝二分零 光緒二十七年葉善星捐助

虎斗路下田一畝 癸丑民國二年王春棠捐助

同文塾 在蓬山書院之右光緒十一年乙酉督辦岱鹽
委員翟國棟於鹽務內捐資創建計塾舍五間山長房
二間輔文閣一座大門一座庖厨三間約費洋帑二千
餘元其始延請山長按月考課又於各隕分設義塾十
館延請諸生爲教師俾貧苦無力子弟皆得就近入塾
每館額定二十名不取分文其始設之時且每節獎給
學生紙筆錢每名二百文其獎勸誘掖之心可謂至矣

往時蓬山書院經費支絀掌教者不支薪水始設之時由本地學子公推鄉先正鄔兆權弋仙爲山長每月朔望兩課試士以制藝一試帖一詞弋仙故後由岑港巡檢司呈請定海廳同知命題閱卷生員分超特一三等童生分上中次三卷然膏火微薄生員第一名給制錢一千文童生第一名給制錢八百文以下遞減有差至一百文爲止其得獎者限於前列五名及八名而止自光緒十一年翟國棟輔廷爲督收局委員來岱創設同文塾每月又加上下弦兩課於是延聘山長增加膏火

岱山鎮志

卷八

志學校

三

視前倍之且生員以三十名爲率童生以二十名爲率於時寒峻互相砥礪而文風亦蒸蒸日上焉至光緒三十一年明詔廢科舉而院塾考課亦同時停止茲附錄同文塾歷任山長姓名如左

周清壽

字鑑三蕭山人由翟委員延聘任局命題閱卷歷二年隨翟去任以後山長均由五屬公

厥杭嘉松三所甲商薦任由督收局委員訂約聘請遙主講席並不到院

周官錦

字花丞湖州人舉人

翟伯衡

字葆之金陵人

吳慶坻

字子修杭州錢塘人丙戌進士翰林院編修歷官四川學政湖南提學使

張聯駿

字少秋杭州仁和人壬辰進士戶部主事

金致和

字靄臣壽昌人副貢

陸懋勳

字冕儕杭州仁和人戊戌進士翰林院編修
出任江蘇常州府知府

自科舉停後同文塾內改設蓬山國民學校兼高等小
學校其經費卽以蓬山書院舊產充之不足又由五屬
公廩補助津貼其各村之義塾亦改爲國民學校然不
脫義塾性質因此等學生均係赤貧居多先須在家內
帮工有暇乃始入學諺所謂讀兩書者是也若欲繩以
學校之法則望望然去之矣惟有逐漸改良或可收效

岱山鎮志

卷八

志學校

四

於將來耳

藏書處 在蓬山書院中樓上岱山向乏藏書同文塾本
有尊經閣然有閣無書名實不符殊爲缺憾民國九年
庚申冬由五屬公廩經理方敬輿購置四部叢刊一全
部又二十四史一全部庋藏樓上作爲小圖書館訂立章
程以貺來學誠善舉也

於氏義學 在石馬隩長塾由於氏族人銘勳式良式熙
式尹九成式堯式鳩式尙式乾式訓月亭式坤夢齡維
棧文灝等十五房於道光年間公捐田畝分資生息至

光緒十一年間建造義學計正廳三間左右廂房各六間中門一間繚以圍牆前知廳事趙惟嶮爲之記今亦改爲顯承國民學校內設教員二人凡十五房內子弟來學者不取學費以外酌收其所謂顯承者因此學創辦之初先設顯承會其時於氏文武並重此會係供文武學生應試之用其章程皆鄉先進鄔岷水少仙所定今其廳後猶供文武二聖神位歲時祭享遵先志也

澹智國民學校 在高亭宮前民國初年設立

競新國民學校 在東沙角民國七年秋設立內附競存

岱山鎮志

卷八

志學校

五

女子小學

六姓公會 在念畝隩下塘本名春福會爲歲時報賽而設始於嘉慶年間由鄉民劉世挺世豪帝貴大才張國有陳德聖王邦德倪光法錢岳忠九人創立分爲十一股內世豪帝貴各二股每股月捐大錢一百文米一升每年除報賽過積有餘金購產生息至光緒十一年已有田二十畝經世挺之孫鑑真曾孫彝相繼接辦至民國十三年甲子止增置田四十餘畝又存銀幣二千餘元迺將此幣建造會舍正廳三間大門兼耳房三間延

師設學將田租所入撥充學費凡會內子弟入學者免費與鹽務小學相輔而行

任氏義田 在虎斗嶼邑庠生任宗燮置宗燮以幼年考試蓬山書院及同文塾月課所得膏獎存莊生息積三十餘年置有田地三十一畝零又東沙角市房七間每年所得租息約有銀幣一百六七十圓以之興辦族學俾族中無力子弟皆得就學即以所置田產作爲基金而以租息充常年經費里人湯濬曾爲文記之其詞曰任氏自有清初年由鎮海靈緒鄉遷居岱山之虎斗嶼以耕讀起家世爲吾岱著姓服疇食德代有聞人吾友

岱山鎮志

卷八

志學校

六


槐廷宗燮承累世書香之後幼稟庭訓勤儉好學年甫成童卽肄業於本鄉蓬山書院及同文塾每月會文輒冠其曹及弱冠以後蜚聲庠序間每月仍應文課因以所得膏獎別籌諸肆權其子母銖積寸累歷三十餘年逐漸購置田地三十一畝零又東沙角市廛七間每年所得賃息約有銀幣一百六七十圓仍別儲一處君因念此項田產皆由勤學而得私諸一已何如公諸眾人願博濟爲難施由親始族之聚者數十家勞力者多大都力田自給苦無就學之資乃將所置田產作爲族學基金所有歲入生息撥充學費凡同族中之無力就學者皆給之并爲之擬具規則訂立章程俾世世子孫永傳弗替於戲是可以風矣晚近士夫侈言博愛而於一本之親視如陌路甚至見利忘義而不惜自絕其本根者比比然也昔范文正公以義田贍族千古傳爲美談然范公位登樞府以官俸所入爲任卹之行其事猶輕而易舉君以稽古之力節其膏火之資所入甚微而所成若此尤爲人所難能計當時蓬山書院膏獎首列者不過制錢一千文以下且遞降有差同文塾雖較蓬山

倍之而亦其細已甚其時余亦同在會文之列雖有所
得至今已歸于無何有之鄉以視君之日積月累集成
鉅款得以化私爲公而永作義舉以垂不朽者殊滋愧
焉故知凡事不難於張大而難於持久昔孔子嘗言善
人吾不得而見之矣得見有恆者斯可矣君之此舉是
有恆而進於善人矣可不謂難歟他日耆人材輩起學
術昌明則非特宗族之光抑亦邦家之福也余故樂觀
其成而記之

岱山鎮志

卷八

志學校



岱山鎮志卷九

志廨舍

公所

善堂

岑港司署 在司基蜘蛛壑東嶽宮之右首雍正間建同治間巡檢劉洪恩重修計大門一座二門三間左爲土地祠右爲看守所大堂五楹中三間爲大堂左爲花廳右爲門房內宅門一座上房五間左右廂房各一爲庖湏之所今已廢

上營房 在東沙角高廠壑舊爲定海鎮標右營駐防汛地駐額外一員汛目十餘名自綠營裁撤後廢今已被

岱山鎮志

卷九

志廨舍

一

官產處賣與奉化義安公所矣

下營房 在東沙角高廠壑下舊爲提標派員收取漁鹽引費之所駐千總一員巡丁十餘名亦自綠營裁撤後廢今改爲警察分所

岱山場公署 在石橋鎮租賃民房舊爲緝私局入民國後改爲岱山場公署駐知事一員科員若干員鹽警長一員鹽警四十名

至民國十六年遷入東沙角釋放局內

岱山秤放局 初名南浦支局丙辰民國五年由北京鹽務稽核所派出在東沙角租賃民房有局員一員助理

三員其助理員分駐宮門北峯山念畝隩三處至民國八年建屋於南浦大塘下其支局卽移至南浦至民國十一年改今名又以南浦局舍被風摧折移駐東沙角賃金姓屋爲局所添設南浦姚姓浦高亭東沙角長塗胸山分局連前共計九處每局設監秤一員司秤若干人至十四年將金姓屋購歸添造兵房駐紮衛隊至十六年歸併場知事卽移場署於此

警察分所 在東沙角卽舊下營房屋駐三等警佐一員巡長一人巡士十名 入民國後改編成立

岱山鎮志

卷九

志廨舍

二

警備隊分駐處 在東沙角羊府宮向駐哨長一員兵士二十名

緝私第十五營駐在地 營長駐東沙角隊長一駐北峯山一駐剪刀頭均租民房計營長一員隊長二員兵士一百名 戊午民國七年立

五屬公廨 在東沙角租賃民房俗稱老廨光緒七年立
公茂鹽廨 在東沙角租賃民房丁巳民國六年設立俗稱新廨

岱山分關 由定海口分支丙辰民國五年春設立

陽曆五月

一日在東沙角租賃民房岱山向無關卡有清二百餘年從無有人議及良以海外瘠苦不得不稍留餘地入民國後理財者爬羅剔抉無微不至於是岱山始有分關而商民從此肝食矣

商會分所 在東沙角初名商務分會光緒三十二年間成立入民國後改稱商會分所今又稱商會分事務所老漁商公所 在東沙角財神殿右首租賃民房於乾隆年間由鎮海北鄉僑民漁戶等所設立從前岱山張網捕魚者均係鎮海人其捕得之魚即自行醃曬成鯊運

岱山鎮志

卷九

志願舍

三

往內地銷售因海氛不靖時遇盜劫於是設立公所僱用護船以爲保護之計當時漁戶即廠戶故名曰漁商公所迨後漁戶與廠戶分離而公所則歸廠戶專設仍稱漁商并以後有新公所因加一老字以別之所內例設董事一人每年由柱首等公議延聘下設司事一人司帳等若干人

新漁商公所 在東沙角邵姓屋下光緒九年由本地魚廠戶所設立其初本地廠戶亦附屬於鎮幫老漁商公所內後因本地廠戶逐漸加多乃自行設立始亦租賃

民房並無定所至光緒三十四年購得邵姓之屋即爲永久機關其章程與老漁商公所大略相同

定岱新漁商公所 亦係本地廠戶設立現已併入新漁商公所內

太和公所 在東沙角鐵板沙向爲象山石浦東門幫捕魚人所設其東西鄉亦屬之同治三年甲子購地建立并有義塚在沙山於六月漁汛後公爲薦蘸

義和公所 在東沙角高廠整爲奉化桐照幫捕魚人所設立初亦租賃民房丙辰民國五年構地自造至次年

岱山鎮志

卷九

志廨舍

四

成立

義安公所 在東沙角卽舊上營房屋亦爲奉化捕魚船

所設立

碑記竊我奉邑捕船自乾隆年間到岱山東沙角開埠以來每逢漁汛五方雜處良莠不齊難

保無事同人議立公所名義安聘請司事保護漁人迄今閱二百年矣後因桐照船多人眾又分義和公所而我義安向來租屋居停幫中見此皆曰非長久之計爰邀行家船戶籌集捐資置買上營房基址一所共計平屋十間餘地兩區永作義安公所辦事處以垂久遠惟願後之繼起者改舊換新規模推廣共樂安居豈不幸哉民國七年象山蔣 繡跋

捐助人陳文德陳明瑜陳文淦陳寶生陳璜瑜各五

十元陳謁文二十五元鄔裕生鄔烈豪鄔象初陳生

仁陳登財各二十元陳寶壽八元陳連章六元陳發

興陳豪良鄔方卿鄔如興卓如棠卓如銀任謁勳陳金木各五元陳傳茂陳榮棠各四元陳將維陳能瑜

鄔才友孫友元李謁苟李文祺周興友各三元王謁章謝芝定金生寶林時豐各二元沈能富一元

安瀾公所 在東沙角爲本地捕魚船所立又爲象幫支部隨時附設在他公所內

台州漁洋公所 在新道頭租賃民房或在大嶺整報恩

寺內無定所爲台州臨海縣北岸小對漁船所設立

民國十三年甲子改爲臨海漁會分會乙丑年購得大嶺下劉姓之地建築分事務所

禮安公所 在東沙角租賃民房無定所爲台州甯海幫對漁船所設立

協和公所 在東沙角租賃民房無定所爲鄞縣大咸鄉

岱山鎮志

卷九

志廨舍

五

捕魚人所設立

棲鳳公所 在東沙角租賃民房無定所爲奉化棲鳳幫

捕魚人所設立其捕魚船均在胸山在岱山爲通信機

關以胸山魚價亦聽岱山之盤故也

慶安公所 在東沙角租屋無定所爲舟山東鄉螺門幫

捕船所設立 民國十二年癸亥改爲螺門漁會分會

靖安公所 爲舟山釣門幫捕魚船所立坵設在慶安公

所內 現已停辦

南定公所 在南峯山爲本地溜網船漁戶所組織

北平公所

人和公所

以上二公所皆附設於慶安公所之內

漁引公所 在東沙角租屋爲鎮海鹽商李晉益辦理漁

鹽引票之所 民國八年設立漁蜚鹽廠此所遂停辦

稽查公所 在東沙角

本鎮標右營汎地裁撤後改今名查驗船隻收取號金

仁濟公所 在高亭民國三年由沈祖周韓襄周等創辦

設立天后宮內專管船夥傷亡撫卹等事

岱山鎮志

卷九

志廨舍

六

同善堂 在東沙角高廠墾下有屋三正間兩庫頭兩明

軒乾隆年間鋪戶張大有等捐貲建築爲留養病人之

所兼施棺木收暴露每年并放瑜珈燄口一堂

同仁會 光緒十六年間五屬公廩司事烏程沈肇修發

起就鹽務各同人中籌募集洋一千四百餘元存店營

業生息每年除掩埋過積有餘資陸續置買田產現有

民塗田五十餘畝義地三方計大嶺墾鐵板沙狗嘴哺

嶺墾等處共計地十一畝七分零以爲叢葬之所又置

市屋一間在東沙角橫街頭又造嬰塔一座厝房五間

在小嶺下每年冬至前三日收葬無主棺槨多寡不拘計已葬者現有五百餘具至冬至日施放燄口一堂主其事者爲五屬公廩

高亭同善會 光緒二十三年丁酉由沈景峯發起捐資置有義地一方在磨心嶺南面爲收葬無主棺柩之所岱山鎮自治會 附設在蓬山書院內宣統二年開辦至三年成立議事會議員二十人設正副議長各一人董事會設總董一人副董一人名譽董事二人入民國後繼續有效至癸丑年二次革命國會解散而自治會亦

岱山鎮志

卷九

志廨舍

七

卽停止

岱山鎮志卷十

志社廟 宮 殿 寺 庵 坊

岱山社廟各有管轄之區域分疆劃界各不相混如橋頭之上街屬玄壇廟下街屬聚英廟不知爲何人所定習俗相沿牢不可破從前本稱十八廟後添永興廟爲十九廟光緒初查點鹽板亦以十九廟爲斷然岱山之以廟稱者實有二十三廟除陳君張老相公宋使者順山四廟無管轄之區域此外如玄壇廟所轄區域最大戶口亦最多次則高顯廟聚英廟太

岱山鎮志

卷十

志社廟

一

平廟石馬廟皆在千戶以上其餘或數百戶或數十戶如大舜廟張公廟海曙廟則最少也凡民家如有人死其臨終時必先至本廟拈香報告此通例也

東嶽宮 在司基蜘蛛塹上爲岱山合境之主廟鄉民凡有大事必至是宮開議鹽民有事尤必先聚集於此徵糧分櫃亦設在其內宋宣和間道者徐淨超募建道光二十二年壬寅燬於夷擾二十五年乙巳里人周宏揆等重建光緒初年柱首劉利錦募貲重修添築月臺及旗杆等二十二年丙申柱首費紫章陳永椿馮景孝等

又重修之乙卯民國四年陰曆六月十六日大風爲災
臺門旗杆照牆盡行傾圮柱首湯銘篆毛蔚文規復興
築至戊午年落成

運司廟 在司基象山麓相傳雍正間有虎爲患蒙神佑
擊斃因立廟祀之卽以虎皮爲神座墊其神姓石別號
泉元老 人明初漢陽人帶兵來此

聚英廟 在泥峙朗吟山麓鷹爪藤棚明洪武間始建本
在童家山嘴康熙十三年移建本名小跳廟後改今名
神姓高名天香夫人井氏係秦二世時雲南昆陽人記曰

岱山鎮志

卷十

志社廟

二

本境神靈顯赫由來久矣但尊神底裏向無知者今年
春方子午亭於張大仙降乩時叩及尊神出處姓呂蒙
賜鸞諭神居雲南省雲南府昆陽州姓高氏諱天香二
月初三日爲嶽降良辰夫人井氏其誕辰與神同秦二
世三年至岱岱乃仙居之所故名蓬萊神有孝弟之心
勅封侯王明洪武十二年建小跳廟於童家山嘴我朝
康熙十五年遷至鷹爪藤棚越三年改名聚英廟此皆
乩諭所昭示也云云

按此記爲卽弋仙兆權所作雖託諸乩諭而神之姓
名賴是以傳故節錄而存之

玄壇廟 在念畝隩嘉慶六年士民重建神面黑世稱正
乙趙玄壇云

太平廟 在沙洋乾隆十三年修建嘉慶間重修光緒二

年里人又修之

淡水廟 在念畝隩拷網山舊在山上土地潭側咸豐十一年徙建山麓清初搖星浦一帶均係鎮海北鄉邱王村人張網捕魚須至此處汲取淡水拷網因立廟於此遂以淡水名廟而山亦遂稱爲拷網山云山上有仙牛跡

石馬廟 在石馬隩廟內有石將軍二似是墓前翁仲另詳古蹟門

鎮英廟 在楓樹壑鯉魚壑上宋端拱二年建紹興十七

岱山鎮志

卷十

志社廟

三

年重修進士施知微撰記明廢清初重興雍正十年潘仲茂募資重建同治十一年廟東復增造二聖殿五楹按鎮英廟俗稱總管廟祀隋陳將軍謹案陳公名稜字長威廬江人爲隋虎賁郎將大業六年奉詔征流求提兵出海事詳隋史本傳岱山有廟二高亭陳君廟亦奉是神胸山在唐時亦有陳將軍廟

見程夫人墓志銘

今無考想

當日陳公提兵出海曾至岱山駐劄民感其德故立廟祀之又刑馬礮亦係陳公遺蹟另詳古蹟門 又聞鄞縣東鄉瞻岐地方亦有是廟稱岱山廟相傳明洪武間

有楓樹墜民人周楊二姓因起遣去岱船至半洋遇風有木一株隨於舵後因祝曰木如有靈能保平安至彼岸卽以此木雕神像以祀之祝畢風浪遂平舟至瞻岐卽將此木雕神像立廟祀之其廟卽名岱山廟其神卽陳將軍後因周姓族大分居廟亦析而爲二在東者曰東岱山廟在西者曰西岱山廟鄞縣董沛題聯云自昌國東來到此遂成原廟看琉球北向至今貢自中朝當時琉球尙屬中國今則已爲東人夷爲冲繩縣矣一嘆豐樂廟 在虎斗澳鳳凰山麓咸豐九年己未里人重建

岱山鎮志

卷十

志社廟

四

大舜廟 在孝順澳道光二十六年丙午居民柴乾美等募資重建因其地名孝順澳自古大孝莫如虞舜故以祀之

張公廟 在北峯小澳嘉慶間里人公建光緒三十四年又擴而大之

總吉廟 在總吉澳咸豐八年戊午里人曹世華等重修乙卯民國四年大風牆圯曹其元等又修之

湖中廟 在板井頭

海曙廟 在板井頭澳口俗稱三姓廟

永興廟 在王官人隩舊名王官人廟

高顯廟 在高亭護龍山麓慶餘菴右康熙間建同治十

三年士民公修丁巳民國六年沈景峯又集資重修添

築照牆旗杆等

廟內有一匾記神出處相傳爲神乩諭
記曰侯王高姓諱霖字蒼雨粵人也牛

宋咸淳丙寅年三月初一日午時三十歲乙未科身入
黷宮至戊戌科補廩次年名納一榜當斯時也宋元紛
爭匪氛甚熾侯王力遏之其時與同鄉水師統領張連
福往蒙道經東海波浪甚大因侯王未慣水性在岱山
高亭泊埠履岸見此地人烟寥落可作用兵行臺乃請
命於張統領寄兵一營駐札高亭俾可隨時調用統領
許之卽委侯王爲一營幫帶由是侯王在此常伴嗣後
有大盜千餘名蜂集高亭累害閭里民不聊生侯王心
存不平遂發兵驅逐盜氛卽止民堪高枕是以本境之
人受侯王之恩銘心刻骨侯王返粵立祠奉敬擢爲本

岱山鎮志

卷十

志社廟

五

省番禺縣知縣爲奸遭禍越數年張統領以侯王於岱
山高亭其功歷歷可稽於是代奏冤屈朝廷以爲侯王
心存公道旣稱岱山高亭士民仰瞻靈恩遂敕封爲護
國佑民高顯侯王境上功於國德於民一至於此康熙
年間建廟報德念功故取祠卽新廟貌已歷
八百餘年嗟侯王之功德可謂久垂於世矣 按此記
爲降乩所作語本不經惟過而存之以備一考

龍山廟 在捍門隩始於乾隆年間農人掘地得石鼎一

石爐一石像一爐上刊有龍山廟三字土人結茅爲庵

以供奉之至道光元年里人方敬位於景富捐資建瓦

屋三楹易庵舍而爲廟至同治年間高亭天后宮改造

新殿幹事沈雙春將舊大殿五楹樂助是廟其不敷之

款由於武憲募捐足成之後又添建兩廊及前殿戲臺
等次第擴張至光緒二十二年八月二十二夜災全殿
被燬片瓦無存復由於維清於維水於汝舟等募資重
建

司社廟 在大蛟隩山麓神能醫目居民以目疾求醫者
踵相接

崇福廟 在小高亭隩

大禹王廟 在剪刀頭前岸山麓嘉慶二十四年徐廷侯
等募建相傳是處向發大水因思治水莫如大禹故立

岱山鎮志

卷十

志社廟

六

大禹王廟以鎮之

陳君廟 在高亭大隩卽祀隋陳將軍咸豐二年居民掘

河深丈許得敕封英感靈濟侯陳君木主并瓦鉢一民

婦於蔣氏循址募建廟三楹

內有匾一方記曰岱山向
不知其有陳君廟否也或

先朝戎馬蹂躪毀於兵燹歟抑魯殿靈光盡爲灰燼歟
否則頽垣廢瓦棟折榱崩久之蕩焉無存爲禾黍墟亦
未可料也咸豐二年春二月里中濬河至丈餘得神像
及神牌各一牌鑄陳君侯王字里人咸異之有於蔣氏
者謂神憑在德毋褻爲遂起任立廟之議於是相地度
材庀工構造自殿宇而廊廡而門牆塔闕次第聳新美
輪奐矣爰奉神牌並添飾神像以專祀之工始於咸豐
三年癸丑春竣於咸豐八年戊午秋凡數載而落成焉
時有述其事請余爲記者詢以神之來歷迄無所攷僅
曰陳君侯王云余何敢附會其說第思人有流離飄泊

靡室靡家卽素不相識者亦必見而憫之矧神之爲靈昭昭也我欲神庇忍令神之無庇已乎於蔣氏不惜費而建廟可謂能事神矣且益知神之靈爽式憑其錫茲祉福必有降鑒於是鄉焉不然牌及像沉埋水中匪伊朝夕鮮不隨波逐流汨沒殆盡顧乃不緇不磷堅白如故宜其祀之不斬於今也爰敘其略以堅鄉人崇祀之心云爾賜進士出身欽點主事吏部稽勳司兼考功司主事加一級盛植型敬撰并書咸豐九年春立

按陳君來歷載在舊志彰彰可考此記款署鎮海盛吏部所作盛爲博雅君子何以并此不知殊不可解豈偶未及考歟抑爲人捉刀歟

張老相公廟 在鐵板沙小隩同治間重建

將軍殿 在外南峯山中有石像一戎服仗劍

岱山鎮志

卷十

志社廟

七

宋使者廟 在冷坑山岡上咸豐年間土人重建相傳土人掘地得石像一題曰宋使者因立廟祀之光緒年間燬於火鄉民夏寅和夏三廷等又募資重建之

陸家隩廟 新設在念畝隩狗嘴嶺下有老尼由甯波

西鄉移此

現此廟已取消改爲四海龍王殿

順山廟 在孝順隩楊家岡上本名石佛庵民國二年癸丑民人蔣仁忠等捐貲重建改名順山廟中供石像戎

服仗劍

文昌宮 在宮門初爲鄉里公會僅屋三楹嘉慶二十年

乙亥里人劉傳錦棲以神岑港巡檢徐如蘭題曰文昌宮後六十年光緒元年乙亥傳錦之孫陞薰等募資重建擴而大之

羊府宮 在鐵板沙山上乾隆二十五年庚辰建光緒年重修

天后宮 岱山共有十一所一在司基虎山麓乾隆間僧偉哉重建光緒十八年壬辰僧智成重修添造齋堂至三十年燬於火士民毛蔚文等又重建之一在泥峙老鷹山支山麓道光十七年丁酉建俗稱新宮 一在

岱山鎮志

卷十

志社廟

八

外南峯 一在裏南峯山 一在新道頭初在山巔嘉慶間劉傳錦募建道光二十三年癸卯其子劉運際遷建山麓光緒年羅斌章湯東昇等又拓修之一在拷門乾隆間建 一在燕窩山 一在浪激渚冷隲嘉慶間建 一在大高亭蛇山麓嘉慶二十三年戊寅建同治間士民重新而擴大光緒間又重修之 一在蒲門港北 一在蒲門港南

龍王宮 共有二所一在司基龍山嘴咸豐間建 一在北峰山同治六年丁卯颶風肆虐潰壞堤垣鹹潮入田

間上人見北峰山塗口有神物橫卧捍之一鄉免患民感其德立廟祀之光緒元年建

吉慶宮 在楓樹壑假山頭咸豐年間建丁巳民國六年重建中供石像亦戎服仗劍

海晏宮 在浪激渚嘉慶年間建

澤萊宮 在水白峻火盤有石像一在土中掘出神姓岑初祇小宮求醫甚靈光緒六七年間林金釗募資重建擴而大之

財神殿 共三所 一在東沙角橫街乾隆年間建光緒

岱山鎮志

卷十

志社廟

九

季年商民重建民國十五年陰曆丙寅十月初八夜災前屨及兩廂樓俱燬 一在石橋鎮光緒六年庚辰楊光照等捐資創建 一在念畝陳嘉慶六年辛酉居民公建

關聖殿 在缸窰湖

二聖殿 在楓樹壑鎮英廟左首

泗神殿 在泗洲岡上嘉慶二十年乙亥建道光二十三年癸卯方輔佐方彭齡卽萃賢重建光緒十三年間僧艮山重修

地藏殿 在司基光緒初年普陀佛頂山僧恆山卓錫來
岱募資創建 其門額署曰小九華

三官殿 在小高亭嶺上

都神殿 在小嶺塹光緒二十年僧開通重建

超果寺 在虎斗隩磨心嶺下西南山麓舊志稱在酒坊

隩作超國寺乾隆間僧偉哉重建 寶慶志稱超果院

縣東海中舊名資福晉天福賜今額 光緒間重修宣

統間僧源清又修之改建天王殿添築圍牆山門乙卯

民國四年大風牆倒源清又築之 宋樓鑰清胡御珂

岱山鎮志

卷十

志社廟

皆有記另錄遺文中

資福寺 在橋頭寺嶺下五代時石晉天福八年癸卯建

同治初里人張志高虞永法捐資重修光緒間僧

又募修之入民國後僧廣通又擴而大之

護國寺 在虎斗隩舊名天生堂燬於火乾隆間僧偉哉

重建光緒三十年僧奕濟又改建之較前加壯麗焉

太平庵 在小嶺塹都神殿左光緒三年重修又三十年

間僧開通重建

報恩寺 在大嶺塹本聚封亭舊址光緒中湘僧果法卓

錫來此移聚封亭於右首改建是寺始築大殿五楹又添造東西兩廂各四間并山門一座乙卯民國四年六月十六日大風爲災東西兩廂及山門均被推倒片瓦無存惟大殿無恙丙辰民國五年春僧文定募資重興之

聚封亭 在大嶺墾道光戊申己酉間里人湯文光劉運際陳良謨於渭水等捐建光緒中僧果法移建山右後改建於路中爲穿心亭

慈雲庵 在磨心嶺巔乾隆間趙姓募建以便行人憩息

岱山鎮志

卷十

志社廟

十二

嘉慶六年於嘉隆重修道光二十年長塗莊民婦孔唐氏助田三畝施茶湯立碑庵垣民國四年乙卯大風屋壞六年丁巳僧善光募資重新之

慶餘庵 在高亭高顯廟左

觀音堂 在楓樹墾賢山麓雍正間潘氏建

圓明堂 在東沙角光緒二年陳燮朝妻林氏與妾潘氏悼夫之亡矢志貞守建堂四楹供禮大士像以爲焚修之所并撥田十五畝市廛二間以爲堂產今繼嗣式微此項田產無可查考惟堂仍無恙癸丑民國二年曾由

士紳湯濬等稟請縣知事給示保護照准在案

法雲庵 在北峯山光緒初土人掘地得石像民婦曹

氏始建屋三楹光緒中比邱尼永貞擴而大之改名法雲庵

青蓮庵 在念畝隩梅樹灣光緒初女尼性善募建

寶筏庵 在王官人隩光緒初女尼建

觀音庵 在酒坊隩光緒中女尼鄭洪氏建

善法庵 在泥峙小陳家隩本名孝感堂光緒中民人傅

寶楨之女冬香痛父歿無子守貞不字捨宅爲菴其戚

岱山鎮志

卷十

志社廟

十三

金霖題曰孝感堂今改名善法菴

圓慶庵 在石橋鎮光緒三十二年丙午嫠婦任俞氏與

其女守志焚修誦經禮佛改宅爲菴後又擴而大之

崇聖庵 在泥峙山前本名崇聖宮後住女尼遂改爲菴

守清庵 在泥峙山前由崇聖宮分支爲女尼焚修之所

蓮淨庵 在外茶前山住女尼俗名草菴

清淨庵 在小高亭嶺上今移於嶺下

善慶庵 在義火祠後山上女尼善慶募建因卽以其名

名庵

義火祠 在高亭高顯廟後山上地名掘洞隩光緒二十九年僧開定與里人趙少雲捐建

福壽壇 在寺嶺西首山麓相傳同治初有外方女屍隨潮浮至沙灘初時尚能言自云姓朱行四隨卽氣絕時有瞽者應阿和具棺收殮埋諸寺嶺下後屢著靈異因在其墓旁築室祀之稱爲四花小姐而名其室爲福壽壇云

普明院 縣西北海中古泗洲堂也率堵坡二以鐵爲之世傳阿育王所鑄吳越錢氏忠懿王寘之於此宋大中

岱山鎮志

卷十

志社廟

十三

祥符中賜院額紹興十八年僧曇解侈大之高麗入貢候風於此在蓬萊鄉岱山見光緒廳志轉錄大德志今遺址無考

燕窩山有小宮二一日甯波宮係甯波人所建中供伍子胥及四海龍王左右供劉關張三義及張老相公像其一曰紹興宮係紹興人所建中供張老相公及四海龍王像

岱山鎮志卷十一

列表

職官表

岱山於宋太宗端拱二年戊子始置鹽場立鹽監至甯
 宗嘉定元年戊辰因高亭南亭疑即南二甲相隔一嶺
疑即磨心嶺舟行則經大洋甚形不便於是又分立高南亭
 場逮元世祖至元三十一年甲午又以高亭歸併岱山
 場至明英宗正統二年丁巳裁革岱山場歸併於大嵩
 場而岱山場遂廢今書缺有間合宋元二代其可考者

岱山鎮志卷十一

職官表

祇有四人

宋

鹽監

孝

宗

邵叔豹

有傳

楊大芳

監高亭場
年分無考

元

鹽場官

世

祖

徐應舉

此二人年
分無考當

朱許芳

在至元年
間據大德

考宋熙甯間岱山曾
 設巡檢寨元時亦有
 岱山巡檢司事詳寶
 慶延祐諸志惟其職
 官姓名一無可考至
 明初起遣則當然廢
 止矣

志岱山書院條
有至元三十年
本處鹽場官徐
應舉朱許芳買
民屋二間遷於
市以存其名云
云

無考

岱山場自明正統
間裁革後久已廢
棄至同治十一年
始有緝私局之設
然但稱委員初寓
司基天后宮後賃
石橋鎮張姓民房
為局所其委員由

雍正以前岱山未設
官治祇有駐防汛地
由定海鎮標右營派
駐額外一員配兵四
十名至雍正七年浙
江巡撫李衛奏請移
岑港巡檢駐岱山於
是岱山始有巡檢司

岱山鎮志

卷十一

職官表

兩浙鹽運使司呈
請浙江巡撫部院
遴派委任無定期
至光緒十七年以
後限一年為期至
民國元年廢局改
為岱山場始稱鹽
事長至三年定名
曰岱山場知事

署在司基蜘蛛墘東
嶽宮之右首仍稱曰
岑港司循舊名也入
民國後臨時改為市
政長未幾裁撤改為
島司未幾又裁撤僅
存警察分所駐東沙
角

岱鹽局員

岑港分司

世宗雍正七年
己酉

高宗
乾隆

仁宗
嘉慶

宣宗
道光

岱山鎮志

卷十一

職官表

三

十四年
甲午

二十五年
二十六年
乙巳
丙午

二十九年
己酉

徐如蘭
年分無考

王璪
山東膠州人

蕭貢琅
仙峯
兼理衛頭司

趙廷詔

喬重祁

咸文
豐宗

甲四
寅年

穆宗同
治元年

岱山鎮志
卷十一

壬戌

甲三
子年

丙五
寅年

戊七
辰年

庚九
午年

職官表

陸世瀚
聽江

白蘊華

俞志訓
年分無考

俞鍾麒
兼理衙頭司

于闐

劉洪恩
受之江蘇上
元人

馮瑞元

劉洪恩
回任

十一年 壬申 蕭詩 小春湖北人

德宗 光緒

七年 辛巳 傅澤鴻 少卿湖南人有傳

九年 癸未 湯世侗 同人江蘇武進人

岱山鎮志 卷十一

職官表

十一年 乙酉 翟國棟 輔延安徽涇縣有傳

十三年 丁亥 徐光鑿 菊生江蘇陽湖人

十四年 戊子 何恩燁 培生江蘇

十五年 己丑

十六年 庚寅

十七年 辛卯 鳳藻 二屏旗人

單立勳 功甫代理

姚維鎮 秋亭江蘇華亭人署理一年

李敦熙 厚山廣東嘉應州人

十五年 十六年 三月到任 補缺

十八年 壬辰
十九年 癸巳
二十年 甲午
二十一年 乙未
二十二年 丙申
二十三年 丁酉
二十四年 戊戌

王維煜	慶雲江蘇人
沈三成	韶廷江蘇人
程佐清	理堂江蘇人
儲鴻勳	安仁江蘇人
蔡德培	仲宜江蘇人
廖宇泰	應蘭江蘇人
王瑞年	華亭人
高尙縉	笏堂安徽貴池人甯

岱山鎮志

卷十一

職官表

一十五年 己亥 程汝鏡 紹分司兼岱山小蓉
一十六年 庚子 鄒久敬 穀孫江蘇無錫人

一十七年 辛丑
一十八年 壬寅 蔡德培 復任

一十九年 癸卯 祝良 謙之江蘇元和人
二十年 甲辰 湯仰舒 少南江蘇常州九月

周傳義 宜之代理三月
蔣廷模 若梅江陰人署理一年病歿於岱

蔡承訓 雨亭湖北監利人署理
吳望雲 少汀江蘇華亭人九月到任至三十二年丙午五月撤任

到任

三十一年乙巳

岑兆鴻 達九任廣西西林人十一月接辦

三十二年丙午

歐陽濬 哲文湖南人閏四月接辦

三十三年丁未

史光書 蕩生江蘇陽湖人十一月接辦至元年二月交卸

三十四年戊申

吳毓年 舜百江蘇武進人四月到

陳文份 伯謙湖南人丙午六月署至戊申四月解任

傅文江 潤之丙午五月到代理一月

岱山鎮志 卷十一

職官表

七

宣統元年己酉

周志程 念伊江蘇常州人二月接辦至三月調驗

吳望雲 復任至二年五月被參革職

任署理一年

劉鴻漸 子通江蘇常州人三月由甯奉督銷兼理兩月

二年庚戌

羅永祺 少樾廣東順德人五月接辦

吳毓年 回任至辛亥國變改為市政長未幾掛冠歸有傳

三年辛亥

王受祿 漱六鎮江人八月武漢事起去任

民國

元子年

鹽事長

王廉
清夫定海人 正月到

島司

羅登雲
少卿紹興人 未到一年裁撤

癸丑年

吳嶠
銳東奉化人

警察分所警佐

倪雲翔
吉臣象山人

李觀
子光直隸遵化人

岱山場知事

岱山為二等缺 有文牘會計稽查各一人 鹽警四十名

岱山鎮志 卷十一

職官表

甲寅年

吳嶠
回任

高崇善
怡甫臨海人

乙卯年

舒鈞
少卿安徽懷甯人 三月到六月去

吳怡慶
廣伯杭州人

葛敬年
庭芝嘉興人 乙卯七月到丙辰正月去

任遠
筱芸台州甯海人 乙卯正月到任至戊午三月調往嘉興王店

丙辰年

朱鍾琦
晉叔歙縣人 正月到六月去

秦豐元
章甫湘潭人 六月接

至丁巳十月去

丁巳年

易維辛

稽生湖南人丁巳十月

交到戊午四月

戊午年

段炳元

繩伯金壇人戊午四月

月接手

袁

熙

梅生江西人三月由嘉興

王店調此未到一月撤任

尋

培

翰林由縣知事馮

秉乾委任代理牛月

吳

聲

聞齋義烏人四月中由石

浦調此至次年陰曆三月十五日交

岱山鎮志 卷十一

職官表

己未年

庚申年

吳賢棟

青岑桐城人代理

陰曆七月初十日接手即陽曆八月二十三

葉爾良

仲房杭縣人陰曆八月

月二十五日接手即陽曆十月六日

任

遠

三月十五日回任至十二

月二十五日調省

單

平

伯武永嘉人十二月二十

五日即陽曆九年二月十四日到

侯

武

再生臨海人八月十

九日接手即陰曆七月初六日

卸

十一年
壬戌

趙

沅 虛谷紹興人籍寄京

兆陰曆辛酉年十二月初四日即陽曆十一年一月一日由定海場調署至十四年四月十一日交卸

十四年
乙丑

元殿甲

魁三濟南人

陰曆三月十九日即陽曆四月十一日接手

岱山鎮志 卷十一

職官表

十六年
丁卯

朱祖榮

葆孫紹興人陰歷三

月初三日即陽曆四月四日接手

葉

蓋

雲山甯海人

陰曆八月十一日即陽曆十月一日由普陀山調署

李秀生

俊才直隸內邱陰曆正月

十五日即陽曆二月十六日到任至二十日即去任仍以葉蓋回任

毛祥鈞

陶成義烏人陰曆正月二

月十一日即陽曆六月廿二號代理至五月初二日即陽曆六月初一號交卸

葉蓋

陰曆五月初二日回審察分所長本任

秤放局員

民國五年冬設立初稱南浦支局至十一年春改稱為岱山秤放局

唐芬 馥芝廣東香山人 五年開辦

康葆文 守質廣東南海人 九年接辦

徐世芳 步衡郵縣人 九年七月接辦至

十一年春改南浦支局為岱山秤放局

藍田嶼 欣禾廣東大埔人 十一年六月接辦

十五年三月十五日即陽曆四月廿六日調赴

岱山鎮志

卷十一

職官表

餘姚

黃崇瀚 浩南福建閩侯人 十五年三月十五日

日即陽曆四月廿六日接辦十六年即陰曆三月停辦去職歸併場署

緝私營長

民國六年設立初稱岱山場鹽警長至八年改編為浙江緝私第十五營營長計共十六營駐岱山者為第十五營至十五年又改編照陸軍制編製裁併十六營為十營駐岱山者為第三營營副兼第九隊隊長領排長二兵士六十四人其營長駐南潯

阮榮俊 德軒廣東人 六年丁巳任鹽警長

童霄偉 心毅甯海人 七年戊午任

王德明 錦章東海人 八年己未改編為

浙江緝私第十五營營長

馬金鼎 鑄九河南項城人 九年庚申任

鮑宗麟 振軒吳縣人 十年辛酉任

施占魁 炳臣江蘇淮陰人 十一年壬戌任

王文凱 漢臣直隸青縣人 十二年癸亥任

耿榮生 盛華直隸保定人 十三年甲子任

胡海壽 松山直隸密雲人 十四年乙丑任

岱山鎮志

卷七

職官表

張澄

清齋保定人
十四年乙丑任

趙墨林

西園直隸樂城人
十四年乙丑任

十五年丙寅春改編為
第三營營副兼第九隊
隊長

張玉珊

秀齋直隸東光人
十五年丙寅六月

任第三營營副兼第一
隊長至十六年二月

廿一日即陰曆正月二
十日繳械停職中止

宋誠

鴻生奉化人
十六年五月初九

日即陰曆四月初九日
復立改編為浙屬緝私

第四營第四隊隊長下
有排長二人

岱山鎮志卷十二

列表

選舉表

宋 徵辟

進士

神宗元
豐八年

蔣猷 有傳

乙丑

甯宗開
禧元年

徐愿 毛自知榜 有傳

乙丑

許孚 有傳年分無考
按宋元儒學案

朱介 有傳年分無考
查宋元儒學案

載慈湖門人徵君許
止齋先生孚則其曾

稱進士朱先生介則
其為進士無疑

岱山鎮志 卷三

選舉表

膺徵辟可知

元 無考

明 廢棄

清 舉人

貢生

生員 廩增附皆屬之

順治

康熙

雍正

乾隆

三十六年辛卯

岱山鎮志卷三

選舉表

四十九年甲辰

嘉慶

葉溥 巨源機父

於海 潮宗

於洙 傳景先

以上三人年分無考

祝枝春 惺園

二

葉機 萊山有傳

嘉慶元年丙辰

補廩六年

出貢就職官

至海州直隸

州知州

葉清源

葉樞

葉模

葉紫垣 疑樞之字是否

待查

岱山鎮志 卷三

選舉表

三

道光元年
辛巳年

甲申年

葉樞 歲貢年

葉模 歲貢年

葉紫垣 疑樞之字是也

待查

夏殷傳

劉夢蘭 小宛有傳

祝華封 雲亭以

入學旋補廩 惟年分無考

祝華清 堯封

毛懷琦

葉熊 少山有傳附貢

官至直隸深澤縣知縣

以上十人年分待查

劉夢蘭 恩貢

於式中 掄元

葉炯 番谷附貢有傳

官至四川崇慶州知州

葉培元 守初附貢有傳

十六年
丙申

岱山鎮志
卷三

選舉表

二十一年
辛丑

二十六年
丙午

於九皋式鶴右
榜舉人
第五十四名

官至淳安縣
教諭

祝寶銘

祝寶珊 附玉樹
附貢

鄔兆權 弋仙恩
貢有傳

鍾文華

劉陟 芷香廩
生

以上七人年
分待查

趙玉堂 琴舫有
傳

四

任汝爲 允治

葉 鼇 第一名

劉 海

任肇元

方炳泰 午亭有
傳

鄔兆槐 閒亭

岱山鎮志 卷三

選舉表

五

費汝楷

陳榕 良木

鄔岷水 少仙增 貢有傳

趙昇華 燦雲恩 貢

鄔允懷 會友

祝以棠 春生

趙尊榮

柳廷美

陸鴻遵

趙定位

以上十五人 年分待查

劉克彬 均齋廩 生

鄔兆權 恩貢

於文灝 學韓有 傳附貢

於盛 福卿

任遐程 蓬樵

咸豐元年 辛亥

四年 寅

九年 未

岱山鎮志 卷三

選舉表

六

潘穎 文才第一

姜與仁 靜山

王敬所 傳作之有

馬雲 本泉

葉鍾驊 子駿廩貢官湖

州安吉縣教諭

以上五人年分待查

同治元年 壬戌

二年 癸亥

趙昇華 恩貢

鄔元灝 愛堂贈貢有傳

任遐齡 夢九

韓炳烈 海六

金玉如 子相

是科兼補壬戌學使者吳存義題為今之樂由古之樂也

乙酉
年

己巳
年

岱山鎮志
卷三

選舉表

於敬
寅齋

林桂一

施雲近
第一名

葉麟祥
敏安恩

以上三年
分待查

劉祖琨
介堂

任兆蘭
復初

七

於德元

祝以楨
桂林

祝以杏
書林

是科岱山取
五人學政徐
樹銘題為蛟
一字

毛炳文
伯采有

劉鑑真
葆齡

趙觀光
翼堂

是科岱山取
三人學政丁

辛未
年

十一年
壬申

岱山鎮志
卷三

選舉表

十三年
甲戌

光緒元
年乙亥

三年
丁丑

紹周題為王
日姑舍女所
欲

顧炯星臺附
貢

金霖雨巖附
貢

費琢章子良

何鼎元杏農

是科岱山取
四人學政丁
紹周題為易
其所無者有
司者治之耳

八

韓國棟杏水

張伯憩萼仙增
生

是科岱山取
二人學政胡
瑞瀾題為謂
柳下惠少連

於汝霖

是科岱山取
一人學政胡
瑞瀾題為孔
子兼之曰

徐翰鴻頡秋有
傳

費紫章綏卿有
傳

辛巳年

岱山鎮志 卷三

選舉表

癸未年

甲申年

趙學泗 魯賢

是科岱山取
三人學政黃
倬題為從之
者如歸市

毛蔚文 叔采第
一名附
貢

張晉紳 笏卿

張兆熊 夢飛

是科岱山取
三人學政張
湮卿題為吾
見亦罕矣吾

退

湯 濬 爾規原
名銘箴

第一名入學
庚子補廩已
酉選拔

張鴻謨 水亭附
貢

於汝舟 濟川

是科岱山取
三人學政祚
世長題為其
義

何兆璜 夢生附
貢

十二年
丙戌

十三年
丁亥

十五年
己丑

岱山鎮志

卷三

選舉表

十六年
庚寅

十七年
辛卯
十八年
壬辰

趙玉堂
恩榜
有傳

葉麟祥
恩貢

是科岱山取
一人學政祁
世長題為季
路文學

湯銘策
簡香歲
貢

是科岱山取
一人學政瞿
鴻璣題為居
移氣四句

黃德駿
樞庭恩
貢

是科亦取一
人學政瞿鴻
璣題為堂堂
乎張也二句
任宗燮
槐廷增
生

十一

湯銘篆
璞庵附
貢

是科岱山取
二人學政潘
衍桐題為織
席以為食至
負耒耜

鄔康瑞
翼孫廩
生

劉如衡
筱塘

十九年
癸巳

二十一年
乙未

岱山鎮志
卷三

選舉表

二十二年
丙申

費錫祺 玉年附

是科岱山取
三人學政陳
彝題為子曰
果哉

於汝楫 利川

祝思允 慈孫附

是科岱山取
二人學政陳
彝題為大則
以王

沈祖周 季采

劉紹烈 芸圃

十一

黃鍾琦 楚琛

是科岱山取
三人學政徐
致祥題為齊
人將築薛

張書紳 佩香

徐日銘 新甫

祝元掄 臚廷

祝元春 立甫

是科岱山取
四人學政徐
致祥題為壺
漿

二十四年戊戌

二十五年己亥

岱山鎮志

卷三

選舉表

二十七年辛丑

何其昌 熾堂

祝思明 敷卿附貢

應燮鍾 渭賓

是科岱山取

三人學政陳

學棻題為請

問其目

劉 彝 彝生第一名廩生

生

劉文藻 瑞卿

馮紹異 蘭卿

十二

是科岱山取

三人學政文

治題為見得

思義至見善

如不及

於汝明 采章

孫念祖 繩甫

潘銘勳 高鼎

方蔭喬 樾人

是科岱山取

四人學政李

蔭鑾題為冕

一字

二十八年壬寅

岱山鎮志 卷三

三十年甲辰

選舉表

費錫祐	夢周	金義珍	玉庵	鄔康璠	士章	鄭漢經	心畚	於汝賢	吟庵	夏尊璜	渭玉	是科岱山取	六人學政張	亨嘉改試策	論題為師曠	之聰義
-----	----	-----	----	-----	----	-----	----	-----	----	-----	----	-------	-------	-------	-------	-----

十三

羅燮鏞	澤民第	葉為箕	紹弓	邵玉瀛	滄洲	湯誥	伯扶	杭州府	中學堂優等	畢業	陳昌祖	張家穠	少卿	鄭鴻達	申初	於汝成	集甫
-----	-----	-----	----	-----	----	----	----	-----	-------	----	-----	-----	----	-----	----	-----	----

三十一年
乙巳

岱山鎮志
卷三

選舉表

三十一年
丙午
宣統元年
己酉

是科岱山取
入人學政陳
兆文題為斯
民也一節義

張玉成 竹笙

劉紹基 翊明

韓觀周 慧通

湯 謙 仲持杭

中學堂最優
等畢業有傳

於煥章 振采

張景桓 幼亭

十四

張衍長 燕慶

葉其綦 廣芸

是科岱山取
入人學政陳
兆文題為親
親仁也義

湯銘策 歲貢

黃德駿 恩貢

湯 濬 拔貢
江西試

用直隸州州
判

岱山鎮志卷十三

志人物 甲

名宦傳

宋

邵叔豹字隱甫温州平陽人淳熙年間來監岱山鹽場事初至受前官牒見亭戶借欠錢至六千百餘萬叔豹大驚前官曰已豁其半矣昔吾受牒尙不止此叔豹曰鹽買可足耶陰白於州爲從上遏絕者盡罷蠲之痛抑諸費其甚不可免者則以買鹽有餘錢當之久之亭戶爭煮鹽叔豹

岱山鎮志

卷十三

志人物 名宦傳

一

爲益買零鹽隨稱輕重得增錢十八九右曹上其最進官者再叔豹又禱於提鹽使除紹興年借欠亦且千萬自是亭民不復笞訊始著新衣置家具而厥庾公廨亦次第修葺內外堅好矣初州縣將有土木之事或傭借夫力上司拋買提刑司所謂五分頭子者皆取給於鹽場走書乞索日至提鹽及州縣吏每年帳例緡錢千餘他所取求尙不在內舊常使甲頭持狀名借於官謂之請本煎鹽實剋亭戶錢以應諸費至是盡革除之岱山在大海中居者數千叔豹於監鹽之餘直其鬪訟島民悅服不干守令曰自有

岱山場未有也吏與甲頭故爲借狀者以弊不能作竟訟叔豹妄用隱本錢有司考叔豹一任無借狀用四百餘萬雖買鹽之餘蓋本錢也叔豹無以解笑曰法當是奈何太守極諒叔豹無私得免於罪迨既脫岱山得監造御前軍器不及上紹熙五年六月十五日卒年六十八永嘉葉適爲作墓志銘

事詳葉水心文集

清

傅澤鴻字少卿湖南長沙人浙江候補知府光緒六年庚辰四月奉檄到岱清查鹽板實數時岱山雖已設廠而私

岱山鎮志

卷三

志人物 各宦傳

二

鹽充斥內地官引滯銷梟販橫行迭釀鉅案上憲有勒令減板之諭澤鴻到岱考察情形周歷各隩稔悉困苦情形知減板萬難實行爲力陳於大府請求免減一面籌通銷路以裕生計其稟上憲一稿敘次詳明情詞悱惻將岱民困苦情形歷歷如繪鄭俠流民圖不是過也而岱山鹽民知之者蓋寡殊可惜焉稟稿另錄遺文內

翟國棟字輔廷安徽涇縣人以軍功起家浙江候補同知光緒十一年乙酉奉檄來岱督辦鹽務甫下車卽留意人材訪悉岱山地瘠民貧雖有書院而經費不充齋舍逼仄

迺於院之西偏度地鳩工創設同文塾一所以便士子居住并按月考課延聘山長校閱文藝優給膏火以鼓勵之又於各邨隩分設義塾十所俾貧苦無力子弟得以就近受學至鹽務中應爲之事則利無不興弊無不除商販收鹽章程大半由其手定至今猶利賴之又以岱民僅恃曬鹽恐不足以持久因自著勸茶歌一書刊板印送又親歷各邨隩勸岱民廣種茶葉并柏樹等以闢利源苦口婆心一時無兩無如言者諄諄聽者藐藐當時適爲鹽價減去三毫一事岱民誤會大起反對竟不以爲德而反以爲怨

岱山鎮志

卷三

志人物 名宦傳

三

殊可惜也然同文塾至今猶存岱人士之食其德者固已不少云

吳毓年字舜伯江蘇武進人浙江候補巡檢光緒三十四年戊申宣統二年庚戌兩次奉檄委署岑港司巡檢來岱辦事勤敏持躬謹飭御下以嚴待民以寬體察地方情形洞悉利弊知無不爲爲無不至又能辨別情僞凡有以非禮相干者輒笑却之遭逢國變掛冠去岱是時秩序紊亂人心浮動岱山土匪乘機竊發合境騷然於是岱人士竭力挽留堅請毓年暫維秩序毓年固辭強而後可卽奉軍

政支部臨時暫行章程改爲市政長乃與地方士紳籌辦
民團勸募平糶人心始安踰年秋大局稍定市政長又改
爲島司毓年乃棄官而歸

岱山鎮志

卷三

志人物 各宦傳

岱山鎮志卷十四

志人物乙

鄉賢傳

岱山於宋時稱極盛讀黃東發先生岱山書院記有云
士生其間多俊拔置賢書登上庠而擢高第躋廡仕者
踵相接謂非山海碩大之氣之所鍾而能爾耶云云可
見當日人材輩出文物之盛焜耀一時今書缺有間所
可考者惟舊志所列諸人餘均無傳蓋因岱山自明起
遭以後故家遺族蕩焉無存故文獻闕如後人無可考

岱山鎮志

卷十四

志人物 鄉賢傳

一

證茲先將舊志所載之岱山諸先達臚列於左再益以
近時諸鄉賢錄其有功於社會者各爲立傳如後

宋

蔣猷字仲遠其先丹陽人後避寇徙昌國元豐八年乙丑
進士累遷至中書舍人政和四年拜御史中丞兼侍讀有
直聲尋遷兵部尙書七年知貢舉改工部月餘遷吏部宣
和二年被論罷以徽猷閣直學士知婺州請祠改提舉南
京鴻慶宮四年起知明州到官數日以不樂應奉復丐祠
七年召爲刑部尙書兼資善堂翊善時欽宗受內禪上皇

東巡童貫總兵扈從上貶貫環衛竄池州恐忤上皇意猷
持詔泣告上皇貫得罪天下願黜遠之上皇以爲然亟命
宣詔趣貫赴貶所遂奉上皇還京移兵部尙書累官正議
大夫引疾授徽猷閣直學士提舉嵩山崇福宮尋卒於蓬
萊鄉贈少師特進顯謨閣直學士謚莊簡子謨右朝散大
夫知封州該承事郎蓬萊鄉有莊簡墓或云其子大沙莊
有蔣公廟

事詳宋史本傳及
光緒定海廳志

徐愿字恭先居岱山以詩文入太學登開禧元年乙丑進
士紹定三年任湖州郡守居官以廉平稱分牧平江繼除

岱山鎮志

卷四

志人物 鄉賢傳

二

福建提舉平黃勇亂薦爲司農兼都曹愿嘗受業於袁燮
爲高弟子學行政事卓絕一時文辭亦超出流俗袁甫昆
友咸爲推服晚年歸隱於海東之山徜徉自得

事詳廳志

魏渠字方直岱山布衣讀書尙義爲鄉里師表咸淳七年
辛未率多士請建岱山書院郡守劉黻爲給舊酒坊址助
緡錢數千共成之

廳志有傳

許孚字止齋居蓬萊鄉隱德弗曜力行孝弟引翼後進愛
山水之勝每登臨至旬日忘返知縣趙與沃稱其文行孝
義爲鄉里倡宋元儒學案內載慈湖門人稱徵君許止齋

先生則當日曾膺徵辟者也

廳志有傳

朱介亦居蓬萊鄉由舉首成進士與徐司農愿齊名介與

魏渠許孚等亦嘗受業於慈湖楊文元

簡

絜齋袁正獻

燮

之門爲高弟子見宋元儒學案

廳志有傳

許定宋咸淳間爲岱山書院山長按趙與沃岱山書院記稱許君定職教導又黃震記亦云請鄉先生許君定正席臯比則許君固吾岱之名宿也朱緒曾昌國典錄稱其經明行修潛德弗耀不得以名位不顯而遺之

清

岱山鎮志

卷六

志人物 鄉賢傳

三

葉機字宗藩號萊山岱東沙洋人其五世祖諱泰來由慈谿鳴鶴場遷居來此乾隆四十九年甲辰機年二十補諸生旋食廩餼時浙洋不靖海盜蔡牽撲岸焚掠岱山附近之長塗莊被害尤烈機義憤填膺馳赴中丞玉德行轅上平洋策數千言中丞雖納之而不果行嘉慶六年辛酉遵例就訓導職八年巡撫阮元蒞浙機願散財募勇爲鄉里雪仇知縣事宋如林爲請許之并給礮械授令箭許便宜行事機與弟槐分領船艘督義勇往來南北兩洋獲盜船四艘擒盜五十五名斬首多級事聞陞補雲和教諭仍請

在洋緝匪又連獲巨寇巡撫會同學政保奏授山東金鄉縣知縣蒞任五月政聲卓著尋以疾回籍就醫適阮元再撫浙江遂咨留本籍攻盜未幾聞浙肅清十八年癸酉補上海縣知縣上海民人呼爲葉青天道光元年以卓異薦升高郵州知州二年抵任百廢具舉三年冬擢海州直隸州將去高郵士民攀留不得建生祠以繫去思四年入覲還未抵海州道卒著有海天吟藤花集珠湖詩草若干卷又善劈窠大字至今岱山猶有留存者惟詩稿未見因後遷居甯波郡城水鳧橋故岱山並無遺蹟惟其旁支子孫

岱山鎮志

卷之四

志人物 鄉賢傳

四

尙在岱山云

事詳廳志及行狀

葉熊字呂亭號小山機長子讀書通吏治鄉試屢薦不售援例以知縣用授直隸保定縣知縣地連畿輔案牘煩冗熊悉心清理不數月積案一空改授新澤縣丁外艱未抵任服闋以知府謁選京師聞仲弟勳在籍病故亟束裝歸撫棺慟絕扶歸疾作竟不起熊性慷慨好施與嘗歲暮有戚柴某來訣死別曰負人五千金不能償徒累老母惟有死耳熊趨內室挾四千金出曰吾亦因償債而蓄此計可稍緩姑先解子之厄然猶不足爲更謀諸弟足其數而遣

之曰吾爲其有老母也其好義類如此著有蓉洲詩鈔

事

詳廳志

葉炯原名煒字香谷機三子自少有幹濟才不屑爲章句學居鄞縣辦體仁局購義山葬浮屠棺五千餘具道光二十年島夷陷舟山民皆航海來郡炯造冊核計得八千餘戶擇定海人之勤敏者各率其屬而受賑次年籌善後集貲三十萬增礮臺九復衙署十有三大府上其功敘知州謁選得雲南甯州歸省墓適鄞縣南鄉周祥干以糧東鄉張潮清以私鹽爲有司所持急脅眾起十廟團爲變浙撫

岱山鎮志

卷古

志人物 鄉賢傳

五

常大醇奏留炯籌辦炯故爲衆所信鉤脅從者諭以禍福遂縛周渠以獻鹽匪尙猶豫炯力請於大府調段光清爲鄞令衆亦解事平赴甯州任時尋甸有逆苗馬爾花之擾雲貴總督吳振械聞炯才檄入營軍謀悉與參酌兼權尋甸州事未幾賊敗州境肅清移署威遠撫夷府甚得夷夏歡咸豐四年丁丙艱服闋移官川蜀九年署合江十年補崇慶州同治三年署資陽所至有聲著有惜陰草堂詩文集若干卷

事詳廳志

葉培元字守初熊長子自少善談經濟立論伉爽有父風

道光二十二年由諸生援例授訓導咸豐二年赴淳安教諭任淳安俗悍好鬪士林構訟必先投詞學師理之不服然後送縣培元至一訊卽釋於是有廉明稱而齊民之訟亦不之縣而之學矣知縣許瑤光欽培元才不之忌踰年四鄉民聚眾抗糧勢洶湧知縣集紳士議僉曰非葉廣文不解培元以越俎辭強而後出周厯村鎮召父老諭以禍福平其胥役之苛索者民大悅縛首禍者寘諸法餘釋不問事平知縣欲上其功培元以非分內事力辭乃已居鄉勇於爲義性直言厲排難解紛聞者無不警服其卒也有

岱山鎮志

卷四

志人物 鄉賢傳

六

唏噓泣下者

廳志有傳

胡維榮字紫封號鎮西岱山高亭人幼失怙事母以孝聞爲人有膽略慷慨好義道光年間由甯波木商呈請督勇保護南洋商船二十七年有上海商船陳永泰等被盜追劫駛避鎮海適維榮在鎮督勇護送至羊山洋面復被盜船追逐經維榮擊退各船始獲回滬二十八年上海各號商以海盜充斥呈請蘇松太道公舉維榮募勇在洋保護商船道憲照准授以令箭通詳立案遂統帶勇船二十一艘往來南北兩洋緝匪保商自八月至十一月獲盜九次

生擒盜匪七十一名救回難民八十三名商船十九艘復至海石門地方焚其巢穴經督撫保奏賞戴藍翎授江蘇千總仍令在洋緝匪十二月巡至東窰山相近地方有大隊盜船二十八艘蠶擁前來維榮指揮各勇當頭迎擊自辰至申擊沈盜船擒獲盜匪三十二名救回難民十八名二十九年奏入奉旨以都司儘先升用先換頂戴方期肅清洋面豈知積勞成疾竟於是年八月初八日在洋病故奉旨照一二等軍功病故例給予伊子七品監生卒年四十有二初岱山釣船不許入吳淞口祇准在滙江洋面停

岱山鎮志

卷四

志人物 鄉賢傳

七

泊自維榮駕座釣船緝匪始准進吳淞及上海等處至今岱山釣船至長江內地運米裝貨暢行無阻實由維榮發端云今其後嗣遷居定海白泉莊

廳志有傳

邱培林岱山楓樹塹大田衝人素業農爲人誠樸惟遇事敢爲頗有膽識向例岱山民人完糧須航海至城投納又多方留難備嘗艱苦乾隆年間會各業戶攜銀持錢至城完糧舟至半洋忽起颶風全舟覆沒溺斃多命時培林之弟某業儒亦在其內由是培林痛念手足情深又目擊纍纍且爲完糧遭劫情不能忍遂擬情投狀於縣官請設分

櫃於岱山以圖補救屢呈屢斥嗣觸縣官之怒以爲因糧滋事將培林發押監禁於是地方大恐顛府而道而省涉訟經年始得批准將培林提省訊釋並准以後岱山設立分櫃俾人民就近投納以示體卹今岱山之有分櫃人民稱便實培林之力焉

王金邦嘉慶時人岱山地本斥鹵居民向以煎鹽爲業成本旣重出產亦微金邦創製鹽板易煎而曬岱鹽遂漸推漸廣爲出產之一大宗相傳其初作時因挑鹽匾擔上有鹵見日凝結乃用門板試曬果能成鹽且用力少而成功

岱山鎮志

卷古

志人物 鄉賢傳

八

速於是製爲鹽板相率仿效至今居民咸食其利且流行於江蘇濱海各地實金邦爲之倡也

劉夢蘭字少畹岱山朝北隩人幼穎異讀書過目輒成誦弱冠補弟子員旋食廩餼工制舉文尤善詩詞所爲文自出機杼能發前人所未發每一藝出傳誦一時後進咸奉爲枕中秘家貧以設帳餬口從者如雲成就甚眾鄉試屢薦不售充道光元年辛巳恩貢生以明經終詩無傳本惟蓬萊十景詩載入廳志爲有目者所共賞云

方炳泰字午亭岱山念畝隩人道光時邑諸生少以經濟

自負讀書不屑爲章句學生平遇事敢爲凡鄉里有益之事無不次第舉行在東沙角創設資生公所議訂章程一乘至公爲店鋪貿易之準繩至今資生公斛資生公稱猶相沿弗替爲商賈所信用其立法之善可知矣創造蓬山書院經營規畫亦炳泰之力居多至其他義舉尤不可勝計云

鄔兆權字瑩亭號弋仙居岱山泥峙隩其先世由奉化之禾家橋貿遷來岱遂家焉兆權敦品力學自幼如成人當科舉時代區域之見甚盛故仍回原籍奉化應縣試遊庠

岱山鎮志

卷六

志人物 鄉賢傳

九

後旋食廩餼秋闈屢薦不售退而以授徒自給後充咸豐元年辛亥恩貢生與方炳泰等創造蓬山書院竭意經營不遺餘力旋公推爲書院掌教時院舍甫成修脯無出兆權盡心教授無倦容多士悅服兆權子孫繁多并兄弟叔姪亦同室而居食指百餘人兆權一人主之井井有條門以內肅然也地方遇有公事鄉人每借以爲重道光季年英人陷定海岱山舉辦民團公請兆權主其事後洋人至岱以兆權爲團董惡之焚其屋兆權僅以身免然因公受累鄉里莫不惜之

於九皋字式鶴石馬隩人長身鶴立膂力過人少習騎射中道光二十六年丙午科右榜舉人晚好習靜杜門却掃不預世事斗室焚香誦佛經自娛名利之途淡如也劉克昌東沙角人咸豐季年粵逆南竄蘇州松江等處相繼淪陷克昌在華亭縣所屬之張家厓地方設義勇局保護地方時應寶時以直隸州州同幫辦軍務督率兵團攻松江檄調克昌至松江城外大橋把守橋上置木柵賊匪隨來隨敗殺傷無算無何賊匪大股來撲克昌所帶義勇僅四十名寡不敵衆乃保護應寶時出險其義勇僅傷一

岱山鎮志

卷六

志人物 鄉賢傳

十

人松江一城百姓得以保全者實克昌之力也後松江克復克昌奮勇破敵著有勤勞保升守備嗣奉委署甯波提標後營守備不赴後應寶時爲江蘇布政使專函來邀勸令出山克昌以年老無子不樂仕進謝之以壽終於家張大綱念畝隩人亦於咸豐季年帶義勇截擊粵匪屢戰有功由李文忠保舉候補都司管帶吳淞營水師有年趙玉堂字琴舫居岱山之高亭磨心嶺下家貧力學年二十六補弟子員自此有試必赴凡應鄉闈歲科試五十餘場至光緒十七年辛卯年八十一歲應浙江鄉試由巡撫

崧駿學政潘衍桐彙題以該生青年績學皓首窮經等詞入奏奉旨欽賜舉人至二十二年丙申年八十六歲重游泮水學使者徐致祥給予青燈味永匾額生平嚴取與重然諾不苟言笑相傳其早歲爲鎮江米業董事時有陋規百餘金送至其前玉堂怒而擲諸窗外面斥不受其狷介如此惟談文藝則娓娓不倦其好學之心老而彌篤熟於制舉文晚年猶能背誦數百首卒年八十有七

湯學業字惟勤號薇臣世居岱山之宮門後移居新道頭少時家赤貧年十歲從鄉塾讀書僅二年而棄去父文美

岱山鎮志

卷六

志人物 鄉賢傳

七

向以小本營生往來於江蘇華亭縣所屬之張家庫地方時值粵匪之亂內地糜爛延及海濱學業隨其父在張家庫服賈相傳寇氛已逼其父猶不肯回家學業叩頭流血乃始奉之以歸甫下船而寇至相去一間耳及寇退後學業復至張家庫理舊業見屍骸遍野髑髏當道惻然憫之乃募得有人能收骸骨一具者給錢五百文於是土人皆荷畚攜籠以骸骨易錢學業收而埋諸空地高積如山至今彼地楊公廟前土阜卽埋骨處也其他義舉知無不爲生性伉爽胸無城府雖讀書未久而性愛文墨見惡人面

加呵斥不少寬假以故鄉里惡少皆敬憚之而見善人則矍然意下遇文士敬禮有加當其在張家庫時有一同鄉諸生赴浙江鄉試道出其地資斧告乏肇業素未謀面立資以二十金且買舟送之其好義類如此嘗以自幼失學爲憾令其子皆致力於儒術故後以文學世其家焉

張志高東沙角人以勤儉起家積資數萬豪俠好義凡鄉里有義舉無不首倡以勸資福寺爲岱山古刹年久失修棟宇摧折囑虞姓督工重建大殿七楹其應用木料均志高一人任之年七十餘壽終易簀時遺言將人欠債款一

岱山鎮志

卷之

志人物 鄉賢傳

十一

概免收有單票者將單票檢還有簿記者將簿記註銷其子錫富等奉行惟謹凡豁免一萬六七千之數各欠戶有至其堂前設祭者有至其墓前焚拜者今其子姓繁衍保世滋大知其遺澤長矣

郎岷水字少仙兆權次子亦以奉化籍補弟子員敦品力學具有淵源幼通十三經尤熟於左氏傳弱冠後卽膺聘爲富室西席岷水盡心教授口講指劃循循善誘子弟雖畏其嚴厲而無不樂親其教化厯館三十餘年年未五十而齒已盡落然精神強健聲若洪鐘岱山後輩多從之遊

年七十餘卒其次子元灝字愛堂繼承家學敦行不怠時由奉化移籍定海卽爲定海籍諸生早歲設帳授徒造就甚衆晚得痰喘之疾謝絕門徒閉戶養痾生平嚴於自持不苟取與惜無子以兄子康瑞爲後亦能世其家學云王敬所字作之居岱東之朝北隩自幼穎異讀書異常兒弱冠舉茂才攻舉業兼涉詩詞又能書善畫墨牡丹其最著也其人長身玉立狀貌修偉尤具幹濟才創造蓬山書院時所有勸捐監工等事敬所之力爲多因岱山以鹽爲命脈生平尤致力於鹽務檢閱鹽法志一書見其有關於

岱山鎮志

卷六

志人物 鄉賢傳

十三

岱山者手錄成編故凡至岱山辦鹽務者必就而諮焉惟鹽民愚頑往往不以爲德而反以爲怨論者惜之其生平所辦事皆爲地方公益起見在東沙角設立新漁商公所
在石橋頭設立靖泰公所又爲裝運官鹽事設立官鹽船公所皆手訂章程有益於商民不少至蓬山書院尤始終其事卒於光緒十年甲申時方五十歲

費宗惠一名經傳字鹿松念畝隩人以勤儉起家致資累數萬猶躬親操作與僮僕同苦樂布衣蔬食終身如一日然性好施與尤喜儒術會岱山創造蓬山書院宗惠力助

其成慨捐市廛八間以歲入租金供肄業者膏火需復從形家者言於書院右山之巔建立文筆峯其資皆出自宗惠前知定海廳事陳乃瀚贈歡騰廣厦匾額以表其閭其他善舉尤指不勝屈茲錄其大者云

林金釗字澤甫念畝隩小山人少孤家貧入塾數年讀書能知大意以迫於家境不能卒儒業及長爲人司筆札然不屑寄人籬下迺出門走四方尋至吳淞創辦蓬萊公所爲保護船商起見凡甯屬釣船之進上海及長江以上者無不願出於其門他如鎮江之全浙會館七濠之安瀾會

岱山鎮志

卷六

志人物 鄉賢傳

六

館以及救生局四明會館皆賴金釗之力克底於成當咸豐己未庚申之際粵逆南竄江淮騷然金釗疊奉當道委任籌餉議振不遺餘力嗣復辦理厘捐及課鹽等局亦能各稱其職積功保舉同知銜分發江蘇試用知縣生平酷愛賓客座 upper 客常滿尊中酒不空彷彿似之其辦事之幹練時人稱其智謀膽舉決斷如流雖古之劉穆之不是過云

毛五臣字東萊一名銳穎號少鋒居宮門邨家貧力學幼攻制舉業奮於遇退而以授徒自給館地遠在四五里外

早出晚歸不少懈生平無疾言遽色善氣迎人雖惡人見之亦爲之慄然意下其自奉甚儉雖斷齋劃粥不是過也至老神明不衰計擁皋比者六十餘年課二子皆成名卒年八十有五人皆以爲修德之報云其長子炳文字伯采自少如成人讀書過目輒成誦且生有至性持躬整飭言笑不苟弱冠遊上庠後乃益刻志於學值癸酉鄉舉之年甚至廢寢忘餐昕夕揣摩以操心過勞忽得痰疾由是旋發旋止父母勸其靜心調養而炳文以家境窘迫不忍其父之獨勞廼就鎮海巨室沙河頭陳氏之聘爲西席未幾

岱山鎮志

卷六

志人物 鄉賢傳

七

舊疾復發歸卒年僅二十六歲妻葉氏守寡十年有柏舟之操撫遺孤未及成人亦卒

徐翰鴻字頡秋一字南卿宮門邨人生而岐嶷長善屬文才思敏捷下筆立就又能詩兼通醫理性沈靜寡言笑自幼如成人善事父母家赤貧以舌耕餬口其父力農翰鴻以父勤勞故益刻志於學年二十四補弟子員二十六以療疾卒聞者惜之

費紫章字綬卿宗惠子生而岐嶷幼通十三經稍長出就外傳讀書一目數行下弱冠充弟子員旋餼於庠鄉試屢

薦不售生平喜談經濟有陳同甫推倒一世氣概遇事敢爲見人有急難事必盡其力之所能爲雖被累弗計也岱山居民大半以煮海爲生故鹽務中事紫章尤時時留心有不便於鹽民者力爲之維持而調護之是以岱之人無論知與不知至今猶傳誦弗替云光緒十九年癸巳岱山有土客相爭之事當道以紫章素得民心疑紫章主使興大獄紫章走京師求直不得間由是得咯血疾遂至不起卒年四十有九著有詩稿二卷

俞阿毛孝順隩人駕船爲業父早卒母病割股肉和藥以

岱山鎮志

卷四

志人物 鄉賢傳

夫

進母病立愈家貧平日每有甘旨必以奉母未幾母卒號痛失聲後以駕船往杭州至黃道關遇大風浪溺焉人皆惜之陳瑞春東沙角人亦以割臂肉療母疾秘不告人後於無意中爲人所見始知其事平日奉養維謹雖家赤貧而甘旨常無缺人皆以爲不可及云

虞慶唐字堯卿岱山高亭人家貧操船業咸豐同治間髮逆南竄從蘇省太湖營副將黃公爲水師船舵工屢戰皆捷蒙賞六品軍功至同治九年髮逆雖平蘇浙外洋海賊尙未淨盡蘇松太道某知其熟悉外洋情形稟請兩江制

軍曾公特飭慶唐爲測海輪船鄉導越明年超升二副十二年升爲船主補授通州海門把總光緒三年爲威靖兵輪船主升千總歷任五號六號兩兵輪船主九年調升虎威兵輪船管駕晉守備十六年調任寰泰兵輪船管駕以儘先都司用是冬巡防外海積勞成疾咯血失音至明年請假就醫卒於滬寓年五十有七慶唐以貧賤起家習於勞苦管帶兵輪三十餘載周歷日本朝鮮諸國於東海洋面水道沙綫瞭如指掌歷任管駕從無失誤洵爲外海水師中不可多得之員也

岱山鎮志

卷古

志人物 鄉賢傳

七

黃大炳岱東總吉陳人務農爲業至老精力不衰猶日勤操作光緒季年年至九十七歲以壽終說者謂之人瑞云又有毛五中者至民國丁卯年九十八歲尙健在尤爲難得

於文灝字學韓居岱東蟹箝陳邑諸生三歲喪父賴節母姜撫養成入延師課讀文灝亦能仰承母志勤苦自持日夕佔畢無少懈成童通十三經全書皆爛熟胸中至老猶能背誦無遺生平無他嗜好足不履城市口不言權利惟遇公益事則輒引爲己任於氏自蕭山遷岱卽爲望族其

族有顯承會者由其伯父銘勳所創聯合同族十五房捐貲公積爲興辦族學培植子弟之基礎至是日積月累逐年除增置田產外并有餘金可以爲建造學舍之用會其族人中有異議者覬覦財產欲爲分肥之計文灝力持不可卽建議庀材鳩工尅日興築其時異議者又多方阻撓文灝獨力仔肩不爲少動卒底於成至今講舍宏開僉謂非文灝之力不至此卒於光緒二十八年時年七十有一湯謚字仲持肇業孫幼慧從其父濬受經書習詩文頗穎悟年十七成諸生卽赴杭州入蕙蘭學堂又改入安定中

岱山鎮志

卷六

志人物 鄉賢傳

六

學堂以最優等畢業轉入法政學堂適值國變棄去次年知縣事金國書聘謚爲縣立高小學校校長兼教員又二年甯波甲種商業學校聘爲教員謚秉性純篤而才具開展遇事敢爲雖置身於教育界而地方公益事每引爲已任其長縣校時年方二十四歲而管理諸生井井有條先是縣校學風甚囂塵上自謚主斯校爲之肅然論者歎服惜天不永年歲在戊午三月卒年甫三十著有遺懷集

岱山鎮志卷十五

志人物 丙

寓賢傳

宋

袁甫字廣微號蒙齋先儒絜齋先生燮之子嘉定七年甲戌進士第一授秘書省正字遷校書郎敍歷湖州徽州衢州建甯等府皆有惠政持節江東五年賑饑治疾全活無數諸郡咸立祠以奉累遷至兵部吏部侍郎兼國子祭酒奏鄭清之履畝之非斥史嵩之和議之誤上備邊十有四

岱山鎮志 卷十五

志人物 寓賢傳

事嘉熙四年權兵部尙書兼吏部尙書帝方欲相之以病卒謚正肅甫少承庭訓又從楊簡問學慨然以斯道自任興白鹿書院於廬阜創象山書院於貴谿又建番江書堂時朱陸之說各分門戶甫一以貫之嘗曰道一而已和而不同乃所以和也家居嚴正中年絕嗜欲嘗言吾觀草木之發生禽鳥之和鳴與我心契其樂無涯此自道其所得也甫之先世爲開封人燮籍鄞又嘗往來於昌國甫居岱山久學者多從之遊故燮與甫並祠於昌國鄉賢甫墓在岱山梁家橋西或云在鄞未知孰是宋史有傳

事詳光緒廳志

陳著字本堂奉化人一作鄞縣人寶祐四年進士咸淳間
昌國縣令趙與沃岱山書院記稱癸酉冬本翁陳先生董
治之初落成焉先生朝家之柱石吾道之津梁正學之標
準宜是役之克始克究云云按此則著曾至岱山矣其云
董治之則非一朝一夕之故矣因補列之

元

陳麟字文昭温州永嘉人以進士爲慈谿縣尹慈有趙寶
峯者私淑楊簡之學麟從之學北面問難尤邃於易其爲
吏善通下情爲慈谿第一循吏會台州方國珍破昌國奉

岱山鎮志

卷五

志人物 寓賢傳

二

化入鄞使人要麟相見麟單騎往勸以勤王國珍脅以兵
欲臣之麟正色曰吾不欲兩虎相鬪使民塗炭故隻身來
見爾殺我非勇也國珍愧謝然終忌之乃置昌國之岱山
麟卽自稱足疾扶杖著道服葺田園種牧自給國珍時遣
人偵之以爲真廢乃不復加害岱山故有書院麟重興之
與山中子弟講學行鄉飲酒禮父老因名其臺曰陳公臺
時海盜充斥獨相戒曰勿登此山恐驚陳公朝廷屢遷秩
自承事郎至中順大夫秘書監丞國珍留之不遣寓居岱
山十年旋卒

按温州府志云陳麟羈縻於岱山朝廷屢遷秩不得赴卒是麟卒於岱山也據戴良所作

陳麟傳云尋改溫州路瑞安知州以疾辭歸不云卒於岱山又黃宗羲宋元儒學案云凡拘留海上者十年入鄞而國珍亡乃南游閩中竟卒於閩與戴良所作傳亦異

清

洪自含字子泉嚴州遂安縣增貢生咸豐季年粵逆竄擾浙東嚴州失守自含率其邑人出走從之者數千人流離轉徙沿途募捐隨地安插同治元年航海至岱是時從者猶千餘人到地分頭安置雞犬無驚及聞內地寇退軍事稍定卽隨時資遣回籍已最後歸計在岱二年有餘惟孜孜以勸善爲己任暇則與鄉父老考求掌故振興文教查

岱山鎮志

卷五

志人物 寓賢傳

三

宋時有岱山書院遺址久湮海隅學子無所適從迺謀於鄉人士方炳泰鄔兆權等募資興復今岱山之有蓬山書院其端實由自含發之旣成集諸生立課程第其優細而獎勵之輿論翕然又於各邨隩設立善會每逢朔望宣講鄉約他如惜字惜穀卹廢放生諸會皆次第舉行岱人士知與不知皆稱先生而不名其爲人所重如此先是咸豐初年自含在杭州創設浙江總節孝祠於南屏山麓至同治三年又監衢州文廟工程旋卒同時馬治準字西園亦來岱勸善其人并工繪事云

劉芬字芷人鎮海縣廩貢生成豐間避難來岱講學授徒一時學者多從之遊其學以治經力行爲主蓋崇尚王學者也爲楓塹姜氏修宗譜若干卷後歸鎮海爲柏樹邨方氏經理義莊之事一切善舉多由其手定云

王希程字雲鴻江蘇鎮江府金壇縣人咸豐初年避難挈眷由上海轉徙到岱寓居宮門邨時希程更姓名曰程希玉能詩善文并通醫術其妻某氏亦知書能詩惜無傳本希程所著詩曰鷗寄軒詩存凡五七言詩一百五十餘首皆其手自抄錄詩格清高寄託深遠讀其詩可以想見其

岱山鎮志

卷五

志人物 寓賢傳

四

爲人希程及其妻并其弟慕劉均歿於岱山其子金城字爾堅亦能詩後家於岱山以舌耕餬口及門甚眾未幾亦卒初希程等之柩叢厝於荒地後於乙卯年由門徒馮紹異湯輔唐等醵資營葬於宮門善福隩之山腰蓋去希程之歿已六十餘年矣

莫文田字雲軒湖州歸安人光緒十年間來岱任五屬商厥經理十三年丁亥有板戶劉咸茂等以岱山洋價每元作錢一千八十文厥商收鹽別欲昂價每元作錢一千一百四十文相去六十文板戶受虧不起等詞稟請緝私局

轉呈運司時文田在岱已允板戶之請減去四十文後據三所甲商許慶增沈謙吉沈昶興議以收鹽洋價開辦至今未有漲落若洋價核減捆價必增有礙運銷種種不便稟請豐運司衛撫部出示仍照原價不准變動文田聞而駭然星夜至省與甲商抗議終不獲許怏怏返甬以食言無以對岱人遂投甬江而死人咸惜之

查禧字芝庭安徽甯國府宣城縣人光緒十一年乙酉隨督收局委員翟國棟來岱襄理文牘以後遂僑居岱山歷任委員倚之如右手爲人謹飭不預外事能詩善畫墨

岱山鎮志

卷五

志人物 寓賢傳

五

蘭其尤著也著有蘭因館詩草二卷居岱山垂三十年甲寅年歿遂葬於岱山

周慶森字蓉史別號占城冬至生湖州南潯鎮人爲溫州平陽縣校官以佐理鹽務來岱寓五屬公廩夏來秋去歷七八年秉性澹定顧視清高詩有逸致暇時每與諸文人考求掌故遊覽山川飲酒賦詩以寄其志其所作詩多有關於時事不肯率爾操觚著有敝帚集一卷

岱
山
鎮
志

利

拙
廬
居
士
謹
藏



岱山鎮志卷十六

志人物丁

列女傳

凡郡縣志所載列女一門多以節孝爲主必先廣爲採訪庶幾無濫無遺是編係私家著述並無采訪之人一人之耳目有限誠恐掛一漏萬姑從蓋闕之例但就平日所知者錄之

陳林氏東沙角職監陳燮朝妻夫卒無子以民塗田四十畝助入蓬山書院其識見固加人一等又因悼夫之亡與妾潘氏矢志守貞長齋繡佛築室四楹供禮大士像名曰圓明堂蓋一以資冥福一以保遺產也

方於氏隩底職監方彭齡繼室性柔順歸方氏適其姑孫

岱山鎮志

卷六

志人物 列女傳

氏年邁患風痺之疾卧起需人而性尤燥急稍不當意卽加呵責於氏先意承志躬親侍奉夏則爲之洗澡冬則爲之按摩無論酷暑嚴寒恆徹夜不寐歷十餘年無倦容亦未嘗有怨言至夫歿後年方三十餘歲其時家門鼎盛而荆釵布裙望之無異窶人及後家中落亦處之泰然不以炎涼變色不以順逆移心生平無疾言倨色足不出戶庭不入佛寺不誦經禮懺卒年八十有四以夫歿時年逾三十格於例不得旌然其人之德之行實足爲女中之模範云



鄭翁氏民人鄭傳金妻年十五歸鄭至二十四歲傳金卒撫孤守寡家赤貧以紡織度日事翁姑以孝鄰里鄉黨無間言守節四十餘年

趙任氏民人任汝梅季女年二十適趙舜山二十二而寡家貧苦志守節言笑不苟鄉里稱之年至六十餘而卒

王周氏小岐山民人王春標妻年三十而寡無子家赤貧姑老目盲周氏以十指易錢米奉堂上孝養維謹數十年如一日年至七十餘卒

毛葉氏諸生毛炳文妻年二十五而寡守節二十年而終

岱山鎮志

卷六

志人物 列女傳

二

徐沈氏諸生徐翰鴻妻年二十六而寡無子事翁姑以孝未幾抑鬱成病而卒

方陳氏在城人年十七歸方彭齡爲副室二十二歲彭齡卒矢志不移長齋奉佛守節四十餘年始終如一卒年六十餘

劉張氏民人劉光熊妻年二十七而寡撫繼子敬承刻苦持家守節三十餘年

徐陳氏民人徐成訓妻年二十八而寡家貧茹苦守節三十餘年而卒

費鄭氏諸生費琢章妻年二十八而寡撫遺孤成立守節二十餘年卒年五十一歲

鄭方氏民人方武彥女適鄭賜聰爲妻年二十九而寡氏上侍翁姑下撫遺孤晝操并白夜勤紡織辛苦持家守節三十餘年

張劉氏誥封朝議大夫候選縣丞張九疇之妻民國二年癸丑年八十有八親見玄孫五世同堂經里隣親族等臚具事實呈請旌表由縣知事金國書轉詳到省經浙江民政長朱瑞褒給民國麻徵四字匾額鄉里榮之

岱山鎮志

卷六

志人物 列女傳

三

湯應氏誥封奉政大夫太學生湯肇業之繼室夫歿撫遺孤三子皆得成立并廣第宅置田產晚年長齋奉佛樂善好施守節四十餘年享壽六十有八事詳慈谿沈廉所撰湯節母墓表

邵虞氏商民邵美榮妻年二十九歲夫故無子以姪聯芳爲後守節四十餘年宣統二年請旌如例現已七十餘歲孫陳氏儒士孫鳳章之妻年二十二而寡撫遺孤矢志不苟言笑善事翁姑雖家本素封而勤苦自持衣不見絲食無兼味守節四十餘年現已六十餘歲

邵瑞香儒士邵憩棠女性沈靜寡言笑幼字職貢張鴻謨子芳梅爲配將及笄未婚而芳梅病殤瑞香望門守寡矢志不再字人父母屢勸弗聽遂亦不忍拂其志母方氏素有心疾瑞香侍奉周至頃刻弗離迨其母卒乃長齋繡佛不茹葷不衣錦現年四十九歲人無間言

傅冬香民人傅寶楨女以父歿無子與其妹某守貞不字終身奉父祭祀誦經禮佛以資冥福并捨宅爲庵初名孝感堂今改爲善法庵又有林壽香宮門林紹元女亦守貞不字在家奉佛現年已六十矣

岱山鎮志

卷六

志人物 列女傳

四

陳湯氏年二十歸鎮海僑商陳某泉爲繼室撫前妻李氏之子芝靈如已出未幾喪所天時年二十七歲已無所出僅生一女未幾芝靈亦不祿遺一孫祉元甫二齡家有藥肆世業也氏內撫孤孫外主家政并理肆事秩如井如措置咸宜迨祉元成立而家道且較前益隆皆氏扶持之力也卒年八十有一

其節婦有壽者如韓立才妻夏氏任遐聲妻於氏徐成乾妻陳氏劉頤楷妻方氏等皆青年守寡壽至七十餘歲至婦人壽登九十者則有官門湯肇基母余氏在光緒初年壽至九十三歲而卒大峻戎阿奎母王氏於民國甲子年壽至九十五歲而卒又南峯山包大芳母魯氏自十八歲守寡至辛酉年九十五歲尙存又高亭趙景榮母某氏於丙寅年壽至九十一歲而卒時景榮年亦六十有六猶有孺慕之忱云又泥峙邱煥康母某氏於丁卯年壽至九十二歲而卒又如高亭沈景峯與妻趙氏夫婦齊眉重諧花燭一卒於甲子年一卒於丙寅年二人皆壽至八十有六尤爲難得又有官門劉咸海於丙寅年九十三歲而卒補記於此其他不知者不錄

岱山鎮志

卷六

志人物

列女傳

五



岱山鎮志卷十七

志人物

方外傳

秦

徐市又稱徐福盱眙人秦方士也始皇二十八年發童男女數千人遣市入海求三神山不死藥三神山者蓬萊方丈瀛洲其所稱蓬萊者謂卽今之岱山云

元

王天助字致和號歐庵按鄞縣志作頤庵宜從之蓬萊鄉人學道於袁

岱山鎮志

卷七

志人物 方外傳

松溪元秦定間入侍內祠以精於禱禱數遣代祠名山京師大旱祈雨輒應有司治河決投其鐵符水勢漸減主鄞之元妙觀興建玉皇大閣一座奉勅賜號太虛元靜明妙

真人

清

僧偉哉慈谿人乾隆初年飛錫來岱興建超果護國等寺并司基天后宮規模宏遠而超果寺尤壯麗爲岱山之名刹至今巋然其功固不可沒云事詳胡御珂所作超果寺

記

岱山鎮志卷十八

志風俗

岱山風俗向稱質樸男女皆有職業東鄉山田較多男以耕作爲業女人除帮田工外均以紡紗織布爲生近自機器紗盛行即洋紗紡車已不多見然布機則家家有之惟織成之布則遠不如前之堅實矣西鄉山土較薄田亦稀少男女皆致力於塗場終年以曬鹽爲生活沿海一帶如高亭南峯山等處則男以捕魚爲業女以搖網線織網爲業民情似東鄉較厚而智識之幼穉無分彼此如欲教育普

岱山鎮志

卷六

志俗風

及開通風氣將來尙需時日耳

東沙角一帶五方雜處人煙輻輳男女服物較爲奢靡從前岱山無綉緞及洋廣各貨等店近十餘年來則洋廣貨及綉緞等店開至四五家每年每家各有一二萬至三四萬交易又東沙角南貨肉店向祇大有一家

岱山南貨店兼賣猪肉大

有店開至二百餘年故入皆呼爲老店 自大有閉歇後近來增至五家而營業亦視前加大此亦可見生齒之蕃息與夫俗尙之奢侈矣

岱山市鎮共有三處一在高亭宮前一在石橋頭一在東

沙角高亭店鋪營業恃漁戶爲大宗

上半年溜網船
下半年捕蟹船

東沙

角則漁汛時爲最盛紬緞洋廣貨店在漁汛時反停止營業恐人多滋事至漁汛過後乃始開張至石橋頭爲岱山之中心點常年如一至陰歷臘月底則市面較別處爲盛以鄉人置備年貨必至橋頭故也又臘月底橋頭肉市亦最爲興旺大約十二月廿二三起至廿七八日止鄉民養豬之家各自宰割擡至橋頭擺攤任人買取從前多至數百攤近因收屠宰稅逐年減少矣

岱山自明代起遣以後本地老民靡有孑遺至清初展復

岱山鎮志

卷六

志俗風

二

來者係鎮海慈谿各縣之鄉人居多故風氣與鎮海慈谿相近卽口音亦約略似之若與本縣之舟山人相比則口音風氣迥不相同矣

岱山婚嫁等事向來本甚儉約從前結親男家初次行禮名曰過書大約酒一擔果包二對制錢四千文多或六千至八千足矣女家則尙有一半回禮至第二次行禮名曰發聘則有豬羊牲禮而聘錢則多者不過五六十千少或三四十千故俗有半聘廿四千全聘四十八千之說近則逐漸加多今且初次行禮卽非五六十元不辦又益以銀

飾現更加以金飾矣至發聘則非百餘金不辦又加金銀
綉緞等飾逮迎娶時又須禮物金錢大約現娶一親至少
須二百餘金矣至女家妝奩則視其家之有無上戶人家
聘錢尙不過豐而妝奩則除細軟衣服外若木器錫器銅
器等類色色皆備至少非千金不辦至中下人家則聘錢
不能減少且有反比上戶加多者而妝奩則大減矣或備
四隻板箱或二隻板箱甚有并此而無之者諺所謂喫一
肚穿一身者是也

典妻之法最爲惡俗

凡人家婦人夫死或遺有子女或少
有田產不肯遽嫁招夫上門名之曰

岱山鎮志

卷六

志俗風

三

典其價甚廉每年僅須出洋十餘元或廿餘元至多三四
十元又有年限或十年或二十年如生育子女俾其領歸
然愚夫愚婦貪其兩便在婦人以爲不必再離仍可照顧
前夫家事在男人則以爲不必多
費另娶可以借胎生子此風不能驟行禁止殊可浩歎

岱山喪葬之禮尙屬從簡惟喜用鼓樂非禮宜禁大約稍
可敷衍者必有鼓樂亦敝俗也

人死後七日一奠謂之做七至五七日則有女婿者其祭
品皆婿家所備無婿者則爲內戚岳家所備至七七日期
之滿七十旬謂之做百日自後則周年二周年三周年而
卒哭除服以後則除生死二期例作祭祀外俗謂之每逢
做羹飯

清明七月半冬至除夕新年亦必設祭如余家則每逢令節無不設祭蓋一爲生人過節亦須略備酒肴故先將此物供奉祖先以示報本追遠之意

岱人過節以端午重陽兩節爲最盛凡已嫁之女必於是兩節餽肴饌於母家初嫁者三年內必用擔挑或四色六色八色不等以後則用籃挈多寡不拘從前送節多用饅首或糗子

卽角黍

近則必用油包矣

陰曆正月初上從前有拜年之舉朋友親戚互相往還自革命後此風稍息矣惟新婿至岳家過門會親則仍於正

岱山鎮志

卷六

志俗風

四

月間行之

又正月間各備酒肴相邀謂之辦歲飯從前此風甚盛今亦稍替矣

正月初八日超果寺向有佛會而一般游手之徒亦皆於是日紛紛到寺賭博雜耍寺中不堪其擾今已革除

正月初十至十二日迎賽東嶽會計聚英廟元壇廟蓮司廟太平廟淡水廟五廟偶像連東嶽宮主座及靈官神共計七尊出巡加以旗鑼鼓船擡閣高蹻十番龍燈等雜耍於初十日聚會至司基取齊由東嶽宮出發經小岐大岐

竹行跟龍眼山嘴至石橋頭過小嶺整至東沙角財神殿
休息過夜至十一日由東沙角出發至念畝隩過低嶺下
至水白峻經園田灣至剪刀頭由後岸至前岸過拷網山
淡水廟經塘整至外茶前山過裏茶前山又過石橋頭至
宮門文昌宮息焉至十二日由宮門出發經黔整朝北隩
泥峙至聚英廟轉方家隩底過泗洲岡由冷坑至沙洋太
平廟再由北峯山至虎斗鳳凰山酒坊隩楓樹整至司基
東嶽宮而散如遇天雨則須延長至五六日或十餘日不
等現在此會久不舉行矣

岱山鎮志

卷六

志俗風

五

二月十五日迎賽都神會此會每逢閏年舉行由小嶺整
都神殿出發第一日至橋頭司基宮門再轉橋頭過小嶺
整至東沙角財神殿休息過夜次日由東沙角出發至念
畝隩剪刀頭等處經茶前山過橋頭回至小嶺整而散其
次日路程與東嶽會一式此會名曰小會而會器及諸般
雜耍等則有過之

岱山各鄉邨每逢七八月之交早禾登場之後各社廟例
有演戲之舉此亦秋冬報賽之遺意未可厚非惟一般游
手之徒趁此時機開場聚賭甚至乘轎張燈招搖過市明

目張膽官不過問鄉愚被誘者至傾家喪生不可數計此亦惡習不可不禁

岱山僻處海外理亂不聞往往內地有事而岱山尚不得知其風氣之錮蔽在此其風俗之渾厚亦在此至近來輪船交通報紙風行亦稍變從前之舊習矣岱民以鹽爲生故父老相傳童謠有曰大難不用憂大荒不用愁單怕白馬沿江走六月濃霜一筆勾按六月濃霜謂鹽也白馬不知何指說者謂指緝私兵輪云

岱山鎮志

卷六

志俗風

六

岱山鎮志卷十九

志物產 天然品 人工品 天然兼人工品

物產一門品類繁多書不勝書普通物品各處皆有且他志已載無庸贅述茲擇其為岱山所特產兼與他處有異點者錄之分為天然品與人工品及天然而兼人工者三類如右

天然品

海產之屬 岱山即管子所謂海王之國故首列海產

黃魚 即石首魚長年有之但四五月間最多行銷內地 鱸魚 由呂四洋捕得者最好謂之呂

岱山鎮志 卷九

志物產

四鱸行 帶魚 冬天所出者最好 鮓魚 俗呼

銷各處 夏初亦有之不佳 鮓魚 俗呼

俗呼箸鱸又呼邊魚即比目魚冬天者佳又有大箸鱸在塗邊捕得者最好又有小箸鱸俗名箸鱸胡亦在塗

灘網得者最鮮 鮓魚 即米魚亦即鱈魚秋初最佳其味在腦者最鮮 鮓魚 俗有甯可棄掉念畝稻不可棄掉米魚

腦之 鮓魚 夏初最佳然 鮓魚 即子魚其小 鮓魚 者各盛魚 鮓魚 紅

俗呼蝦魚 馬鮫魚 青鱸魚 鱸魚 三笑魚 紅

蒸食最鮮 娘魚 鱈魚 其骨亦可 鬼魚 即河豚之類有毒不

食 鯊魚 小者冬天最佳其大者在夏季所捕種類繁多有大至數百斤者魚翅即在此魚身上所

出 鱈魚 俗呼毛撞亦有數百斤者其腹 黃魚 而大亦有至數百 墨魚 即烏鰻魚本地所出 鮓魚 內有膠可食即作廣肚用者 鮓魚 似

曬乾曰 梅魚 頭大 肉肥 鱗魚 大者曰刀魚 塗邊者佳 蝦蟇 八月

佳 黃鯽 多刺 味鮮 鰻魚 有時鰻狗鰻箭鰻沙鰻之分時 鰻最好狗鰻冬天最佳其風乾

者曰風鰻 蟹 種類最多其在海中捕得者曰白蟹冬 頗名貴 蟹 天最佳用鹽滷漬之曰搶蟹頗名貴又

有黃甲蟹即青蟹生塗場中秋初最佳又有沙蟹生塗 灘上台州人每於七八月間來岱釣取法用竹竿一緣

以細繩繩端繫鐵鈎一有四刺取蟹甚捷此外如彭元 蟹管門蟹亦生塗灘間毛蟹生田間不多又有名沙裏

鈎者出沙洋塗中形似沙蟹其味最鮮又 彈胡 即彈

有和尙蟹其形圓關爺蟹宛然神面不食 海鮮 即水母俗寫

黑味鮮生塗灘 塗鰻 形似土魴 作蜇字書所

中土人不常食 無七八月間最多有頭子皮 蝦 小蝦有紅白二種兩

子二種愈陳愈佳可常食 蝦 頭河南峯山所出其

大者名菜黃蝦出泥峙塗 泥魚 生塗 望潮 亦生塗

以菜花黃時所出為最佳 烏鰾魚而無骨身短 螺 泥螺即土鐵以泥峙塗所出

鬚長七八月有之 螺 為最佳 香螺 拳螺海中

所得 海蠲 黃蛤 俗呼海瓜子以形似 蛤蜊 俗呼

長年皆有春季最佳 蠣王 即牡蠣生於海口巖石上 蛤蜊 俗呼

有販至甬江銷售者 蠣子 生塗 蠓俗作蜡 讀作錯亦生海

蠓 蠓子 中 地產之屬 五穀類 早稻 最多以清明下 晚稻 糯米居多

早地可以播種至 晚青 夾種在早稻之 翻稻 早稻收過後再種 內與晚稻同收 霜落青

蘆白 早黏 蘆稔 高粱之別種 陸穀 即包米又即 不多 稻粟 小粟 大麥 小麥 雜麥 蕎麥 處

岱山鎮志 卷六

志物產

後種立冬後收其性溫病人可食
黃豆 綠豆 豇豆 蠶豆即元修

倭豆 扁豆俗呼布日豆 梅豆以黃梅時可食 帶豆其形似帶 番

薯岱山最廣剪藤可種隨處皆宜生熟均可 落花生

出沙洋鮮食最佳有熟而曬之者曰花生乾可以常食 草子滬人召爲草頭杭人召爲金花菜當

作蔬菜食岱人則種以作培田之肥料於九十月間下種至清明後耕以肥田又有留作種子至漁汛時賣與

台州人者其出產亦頗不少云

菜類 油菜即小菜最種廣其子可榨油 芥菜醃漬爲齏終年可食 蕹菜

黃矮菜 雪裏鬚 菠菱 蒿菜 女菜即荳蓬 大頭

菜 小白菜 莧菜嫩時食葉老時食梗醃之終年可食 芫荽即香菜不見多

岱山鎮志 卷九

志物產

三

蘆菔俗呼蘿蔔沙洋出產最多亦最佳有客收買切條醃漬運至長江內地銷售 紫菜生於

海濱巖石間燕窩山所出者爲最佳名曰燕菜然所出不多

瓜茄類 小瓜 脆瓜即稍瓜 水晶瓜 南瓜 西瓜

東瓜 青皮瓜 江西瓜 絲瓜俗各天蘿不食 長蒲甬人呼夜

開花 葫蘆不食 匏瓜 松蕈出松樹下雨多時有之味鮮 地蕈

雨後生 草地上

木類 檉柳鹹地可種春分前剪枝插之即活其葉可作退火藥小兒痘瘡後服之最宜

棟 沙樸 櫻欄 柘 桑 柏 楓

槿 刺桐 楊柳 梧桐 檀 樟 松

柏 橘 榴 桃 李 梅 棗

榆

竹 各種皆有惟所種不多

桂花 東沙角小嶺下有桂一株其樹高而且大蔭庇數畝數百年前物也秋時開花香聞數里樹下居人以花易米可資數月之糧其地即以此樹名稱桂花樹下

茶葉 以石馬陳劉家陳所出者為最佳色香味皆勝惟所出不多

棉花 扁蒲 作蒲包

藥物類 益母草 百合 孟貞子 金銀花 枸杞子

枸橘 夏枯草 蓼 菊

岱山鎮志 卷九 志物產

四

蜈蚣 春夏之交鄉村兒童上山採捕以竹箭撐之賣與收客用火焙乾裝往甬江轉賣與藥行內每年所出不下數十萬條 案昌國典詠云磨心嶺土人種蜈蚣以為田供藥肆之採用則此物由來已久但今未聞有種者耳

人工品

鯊類 潮鯊 瓜鯊 老鯊 皆黃魚 所為 螟蚰鯊 係墨魚 所為

魚膠類 長膠 即以黃魚腹內之膠取出用女工拔長瞭乾有上海甬江等處莊客來收行銷天津

等 片膠 亦黃魚膠但不 鱈膠 俗稱毛撞膠係大魚 拔長作肴饌用 之膠作肴饌用銷上

海等 黃蜃膠 作補品最名 貴不常有

蟹糊 係高亭所出頗名貴冬月有之

布 岱山布向以堅厚得名經久耐用其布幅亦視別處較廣今則概用洋紗即機器紗織成其質較從前為薄而

花色則過之有柳條格子等種

石灰 他處燔石為灰故名石灰岱山則以蠣蛤諸殼燒之為塗飾牆壁之用其功用似較石灰為勝又修船及

彌鹽板皆須用此種灰

酒 岱山酒與紹興酒相彷彿其色香味皆視甯波舟山為勝往時種田人家每至秋禾成熟之後各在家自釀以

為卒歲之計今因酒類捐稅重重既有缸捐又有公賣費又有印花稅疊牀架屋有加無已而承辦此事者又

以為生財之道狂搜冥索無微不至於是人皆視為禁物矣

岱山鎮志

卷九

志物產

五

天然兼人工品

鹽 用板曬成手續繁重已詳前志鹽門

兩頭洞石 兩頭洞即雙合山同治初開石礦俗稱石宕始祇十餘宕今則有四五十宕近且立有公司運

銷上海等處石質雖不甚佳然以作庭階牆壁之用則適相宜

岱
叢
鎮
志

貞

拙廬居士謹識



岱山鎮志卷二十

餘錄 古蹟 藝文 詩詞

古蹟

刑馬礮 在岱山之東北父老相傳昔隋驃騎將軍陳稜奉命征流求國領兵至此刑馬祭神今之英感廟靈濟侯是也以上之說見光緒廳志錄大德志按英感廟即今之鎮英廟在楓樹壑又查康熙縣志內英感作英威

陳公臺 在岱山元陳麟習禮之所戴良鄞遊藁云陳君以海鄉僻陋為興岱山書院嚴師弟子之職暇日復與

岱山鎮志 卷二十

餘錄 古蹟

其里人聚石為臺陳簠簋爵弁盛升降揖讓如鄉飲酒禮父老見而榮之爭令子弟為學變其習俗且名其臺

為陳公臺云以上見光緒廳志按廳志但云在岱山不言何處今無考

石馬廟翁仲 在石馬隩石馬廟內光緒廳志第二十七卷祠廟門石馬廟下

注康熙間民於石人塗掘獲石將軍供奉廟之兩廊相傳係宋袁甫墓前翁仲又廳志第十二卷寓賢門袁甫傳末云甫墓在岱山梁家橋西或云在鄞未可知也查岱山並無梁家橋且甫係鄞人寓居岱山其本傳云嘉熙四年權兵部尚書兼吏部尚書帝方欲相之以病卒詳其文義似非卒於岱山則所云墓在岱山者固未敢信以為然且墓前既有翁仲則墓中宜有碑志今石馬廟內之石將軍其為翁仲無疑而碑志訖無可考究不得遽指為袁墓之物余竊查廳志塚墓門內有宋徽猷閣直學士蔣猷墓下注云在城北蓬萊鄉紹興三年遷

葬於明州鄞縣翔鳳鄉隱學山之東岡謹案蔣猷以避寇徙居昌國廳志列於人物門傳言尋卒於岱山延祐志亦云卒葬蓬萊山則石馬廟之翁仲要以蔣墓之物爲近是且與塚墓門內遷葬之說亦相合蓋此物視尋常較大甚爲笨重想當時以艱於載運故留存於此至其他可遷之物固靡有孑遺焉然年湮代遠文獻無徵姑作此說以備參考

石人塗華表柱 在石馬隩石人塗光緒廳志石馬廟下注云今石人塗猶存華表柱一袁墓疑在是未知是否也今圯

黃郎整華表柱 在司基黃郎整土人相傳云是黃侍郎墓前石柱今尙存惟墓無考黃侍郎亦不知爲何許人

岱山鎮志

卷十

餘錄 古蹟

二

節孝坊 在石馬隩長整道光十七年丁酉閩浙總督程浙江巡撫烏學政史題奉旨欽旌故民於嘉菱妻鄔氏之碑石柱有聯曰玉潔冰清千年不易松貞柏操萬世流傳

文筆峯 在一房山蓬山書院前右山之巔光緒三年丁丑里人費宗惠輸資建造計筆端高一丈六尺六寸盤高九尺四寸監工者鄔岷水王敬所張寶三及岑港司劉洪恩等

文昌宮基地 在司基蜘蛛整東嶽宮左首相傳嘉慶年

間葉萊山先生爲上海縣知縣時捐貲購地一方以爲建造文昌宮之用後宮未果建而地則至今尙存

陣亡義勇塚 在大蛟隩凸肚山上道光二十二年壬寅英人據定海揚威將軍奕經遣批驗大使鄭鼎臣督江南沙民攻定海自乍浦出洋泊舟於岱山遇敵船欲以火攻克之離遠放火反風自燼人船俱覆英兵遂登岸焚東嶽宮事後土人將遺骸埋葬於此山上

趙公去思碑亭 在小嶺壑都神殿右首光緒二十五年己亥士民公建爲前知定海廳事南豐趙惟喩立石亭

岱山鎮志

卷三

餘錄 古蹟

三

一座內置石碑一方題曰民不能忘碑陰湯濬爲記其

詞曰

岱山居定海之北去廳治百餘里四面環海魚鹽之利甲於一郡而捕魚者多係外來客民每當春

夏之交漁船麇集不下數千艘沿海一帶帆檣林立而岸上肩挑貿易者流亦百倍於常時熙熙攘攘往來如織洵海島中之一大市集也然而禾稼之叢狼莠生焉芝蘭之區荆棘茁焉況以茲土僻處海外爲上官耳目之所不及兼之近年以來海疆多事各處失業之人往往託爲漁民乘機竊發始猶出沒於波濤之中繼乃實逼處此橫行街市越貨禦人濱海居民不堪其擾每屆漁汛鄉民輒惴惴焉如逢大敵夜不安眠至於紛紛避地者不可勝紀歲癸巳南豐趙公來宰是邑下車伊始問民疾苦得悉僭民窘狀即親蒞其地櫛風沐雨督率緝捕獲悍盜數人立決之餘黨悉平於是商賈林與慶於市農夫相與忭於野向之夜眠不安者今則高枕而卧矣向之紛紛避地者今則奠厥攸居矣勞之來之還定而安集之恩德之隆無以復加越五年公以秩滿超

遷岱人士德公之深思公之甚謀所以表公者爰於公所嘗經之地建亭立石以誌不朽昔何武在相州所居無赫赫之名而去後常見思况公之於岱其赫赫者固已在人耳目耶是烏可以不記

岱山鎮志

卷三

餘錄 古蹟

宋

徐愿除直秘閣依舊福建提舉制勅

具官某皇華之詩曰每懷靡及膚使之職馳驅咨度必有常如不及之意民瘼其少瘳乎爾氣和質美學有師承絲尚書郎出持庾節歛散合宜亦既活吾赤子矣頃建卒之叛爾勇無所避親行撫諭者再焉不有其功繼以自劾可謂每懷靡及者歟寓直中秘庸爾褻嘉服此休光益思稱職朕將圖所以進爾者

見光緒應志轉錄袁甫蒙齋集

岱山鎮志

卷三

餘錄 藝文

英感廟封靈濟侯勅

按大德志云陳大王廟在蓬萊鄉之岱山王諱稜姓陳氏字長威隋大業中航海伐流求國俘斬頗眾事見隋史廟記云一夕風雨如晦海潮奔湧有巨石浮潮而上岱山場亭戶莫姓者負至數里豎其石於壑上若有神物憑之稱曰吾隋朝陳將軍也語竟罔然如聞空中隱隱有甲馬聲踰時不絕鄉民聚觀撼之莫能動因異其事即其地而廟焉一境之人惟神是賴雨暘以時疢癘不作遂請於朝賜英感廟額時往宋甯宗慶元元年乙卯也理宗淳祐九年己酉進士周毅夫述侯之陰功率人士詣府以白加進爵焉其

詞曰

敕慶元府昌國縣岱山鎮英感廟神朕聞海上神山煙霞縹緲為靈異所宅昌國相望蓬萊而岱山固非尋常島嶼

也爾廟食茲土禦菑捍患事跡暴著舊矣邇者雨旱愆於一區風寇帆於午夜闕市之民賴以甯輯庸非爾力哉部使者以聞宜啓崇封特加徽號尙思靈濟之義以庥我民特封靈濟侯

保壩道場疏

宋封史 浩 鄆人 越王

曠其乾矣斯成萬壩之儲雨以潤之則失一年之計敢憑佛果上動天慈伏願慧日流空仁風扇海上有波瀾之地悉爲冰玉之區三日之霖利不遺於農畝六月之汎課自足於版書惟微不獲之一夫庶顯無邊之大覺

見鄆峯真隱漫錄

岱山鎮志

卷十

餘錄 藝文

二

宋武翼郎新製造御前軍器所監造官邵君叔豹墓誌

銘

宋葉 適 水心 永嘉

自名司顯吏之外碎曹徯局無不因人廢興其職任雖卑近而倖門弊穴更爲深遠而難治傲胥豪客之所噬攫官人徒縮氣肯首反得善譽奮而自爲未嘗無禍也君之子持正爲余言君監岱山鹽場時事曰場監至賤也走書乞索日至州縣將有土木之事或備借夫力上司拋買提刑司所謂五分頭子皆於此乎取提鹽及州縣吏每年帳例緡錢千餘他所須求尙不預舊常使甲頭持狀名借於官

謂之請本煎鹽實尅亭戶錢以應諸費君初到受前官牒
亭戶借欠錢至六千百餘萬曰已豁其半矣昔吾受牒蓋
不止此君大驚曰鹽買可足耶陰白於州爲從上過絕者
盡罷蠲之痛抑諸費甚不可免則買鹽有餘錢足以當矣
久之亭戶爭煮鹽中官君爲益買零鹽隨稱輕重得錢增
十八九右曹上其最進官者再焉君又禱提鹽除紹興年
借欠亦且千萬自是亭民不復笞訊始著新衣置家具君
亦治敖庾飾公廨內外堅好矣岱山在明州昌國縣大海
際居者數千君直其爭訟島聚歡服不干守令曰自有岱

岱山鎮志

卷十

餘錄 藝文

三

山場未有也吏與甲頭故爲借狀者方大怨君竟訟君妄
用鹽本錢有司考君一任無借狀用四百餘萬雖買鹽之
餘蓋本錢也君無以解笑曰法當是奈何惟處置耳太守
極諒君無私得免然瀕於罪矣世常曰仕不舉職爲可愧
然而有人之過有法之患夫法不爲人計也所以待有罪
而已世不獨貪情不材而後得罪於法也廉善有能亦未
免焉人之情無以勸而法有所待則雖名司顯吏將畏悔
而不勇爲者多矣况如君者亦幸而免爾而猶勇爲之夫
合碎曹徯局之事無一不治而後得稱治其治之難如此

然則余於君之事所以載之詳者非以君能監一鹽場爲可傳也嗟夫君諱叔豹字隱甫姓邵氏温州平陽人曾祖膺祖錫父倬贈忠訓郎君有逸氣通識從進士試不中募造戰船補官監吉州龍泉縣酒稅恥之不赴後數年乃監光化軍酒稅軍無苗額惟視酒稅耗登十官九稱乏以爲常君旣足郡經用又賑流民之來食者去且二十年余友王道父爲守其人陳某計有某利曰往邵監稅能之後不能也又監鎮江府榷貨務都茶場門總領使專酒事賴君材欲倍賣辭曰某之於麴蘖無異故不欺而已矣日增月

岱山鎮志

卷三

餘錄 藝文

四

長可也驟倍之使市皆化飲他日無以見爲士者矣君不幸埋沒鄙事然其剛難屈其正難狎所遇多敬禮之蓋亦有所蓄而然也旣脫岱山得監造御前軍器不及上紹熙五年六月十五日卒年六十八十二月甲戌葬尙仁原娶周氏封安人子持正持志女嫁林杓先卒次嫁朱至幼與浮屠爲尼持正有籍春官工文詞用君遺恩調監台州路橋酒諱弗肯稱手叙君行告曰始父常自課薪米使持正學於先生今之爲先人榮者其不在此也銘曰 可俎豆也而下夷可蔭覆也有杖之猶有可傳僅毫絲若又泯泯

當語誰慶元年八月日

見葉水心文集

超果寺記

宋樓 鑰大防

明有邑曰定海

按明謂明州此所云定海卽今之鎮海

去郡一百里而近山

橫海中名蛟門潮汐之所吞也出門則爲巨浸便風乘潮而後至昌國遠矣岱山名蓬萊鄉其去縣若縣之去定海也則益遠矣山有僧廬自石晉天福二年建於高亭下號資福困於寇鈔不甯厥居嶺西有白石峯尤爲秀拔林樾蒼潤時有白霧蒙其巔人以爲福地皇朝乾德四年徙焉茅茨草泐僅合數楹治平二年明堂恩收賜今額四年惟

岱山鎮志

卷十

餘錄 藝文

五

吉始建大殿法堂丈室紹興初慧寶增葺之遂得苟全歲久腐敗相尋一殿之外殆不足蔽風雨淳熙十禩如一來主是刹喟然曰地雖僻乃吾徒所宜居室雖壞若一日有必葺磨以歲月尙庶幾乎有成當盡吾力以聽緣法失今不爲後不可爲矣勤爲從事不憚寒暑以次修立增廣舊規不及十年院以告備外建三門旁翼兩廡堂以處僧殿以覆藏下至庖湢悉撤而新之輪奐俱美道俗稱歎一嘗聽學於延慶者因深器之舉以居此人徒知其有得於教乘不知其才具又足以辦此也蓋以因爲知人當天福時

有主僧惠詵於高亭西隩請海塗爲田崇甯政和間仲章復田於馬乳山大隩谷隩之地遇上熟才足以支半歲近又得寺僧惠興捐鉢孟募眾緣一力經營莊成遂卒歲之望鄉之士民歡喜和會相與言曰吾鄉邈然海中山他處佛屋相望補陀孤絕又去我不遠獨此山未有爲衆植福之所今一公作此殊勝恍若化城且又有以飽其徒是皆可書也前旣不得如天台章安諸公爲之倡苟無以紀之其何以傳不朽乃撫邑之圖經考院之契券詳建立遷徙之由因周仲觀之先求記於余仲觀鄉之善士也其母與

岱山鎮志

卷十

餘錄 藝文

六

吾母俱王出少同研席實兄事之嘗寓是邑又與一厚余亦喜一之能有成興克佐之故併爲書之以告來者

岱山書院記

宋昌國縣令 趙興沃 天台人

岱山居昌國縣蓬萊鄉之西斷海中環以鯨波浩渺無際書院之建自咸淳辛未春邑人魏方直等聯詞請於縣縣爲轉聞於府制使蒙翁劉先生如所請給舊酒坊基且撥儼直償寨助以緡若干縣亦有所捐以相之邑紳王一桂趙若諤請許君定職教導癸酉冬閣學尙書本翁陳先生董治之初落成焉二先生朝家之柱石吾道之津梁正學

之標準宜是役之克始克究許君遣二子請記歲月與沃以謏聞辭不獲書院有記固嘗聞之矣朱文公於石鼓則曰養其全於未發之先察其機於將發之際善則擴而充之惡則克而去之呂成公於白鹿洞則曰挹儒先澗固慤實之餘風服大學離經辨志之始教張宣公於嶽麓則曰率性立命知天地而宰萬物者也嘗試察乎事親從兄應物處事是端也苟能充而達之則仁之大體豈不可得乎及其至也與天地合德與鬼神同用至於武夷精舍出於韓無咎之筆亦曰元晦儒者也方以學行其鄉善其徒非

岱山鎮志

卷三

餘錄 藝文

七

若畸人隱士遁藏山谷服氣茹芝以慕夫道家之流也是數者天下之名書院也記之者皆天下之名君子也今岱山有書院不範諸此將奚範歟想夫潛心游志於此則尊吾德行裕吾詩書茂吾藝文岱華其高山岳其神功崇惟志知崇效天崇高節而抗浮雲斯無愧於斯矧斯地也昔有名卿徐大農恭先有舉首朱進士介有布衣許止齋孚皆以文行孝義爲鄉閭倡有開斯學許君請曰茲卜築已定輪奐方新士友相聚言曰熙甯立邑以來吾地特海嶼耳淳熙間宸寵以鎮鼇之名山川改觀諸鄉老負笈於慈

湖絜齋二老之門師友漸摩儒風日盛今又祠先聖以儀
後進居賢德以善俗是有功於名教也請以岱山名書院
不亦有光於斯道有迪於後人乎愚載思之士有志於詩
書道義映雪囊螢冬不爐夏不扇雖囊牖繩樞環堵蕭然
一性之充裕如也矧高堂大宇明窗淨几良朋益友切思
麗澤云乎道尊而人知敬德盛而人不侮吾德行海岱也
師友淵源汪洋大肆吾學問海岱也事業日以彰聲名日
以起吾聲譽海岱也有舍生而取義雖頽嵩岱不吾壓吾
節義海岱也若希孔孟之徒苟能效石鼓白鹿嶽麓武夷

岱山鎮志

卷十

餘錄 藝文

八

之成規縱未能孔孟伊周甯不朱張呂韓乎縱未能朱張
呂韓甯不徐魏朱許乎善則善矣猶自恕之論也若夫充
石鼓擴充之善固白鹿涑固愨實之風率嶽麓天地合德
之神宏武夷學行其鄉善其徒之學則充其徐魏朱許者
可以朱張呂韓矣充其朱張呂韓者可以孔孟伊周矣有
志竟成斯不負蒙翁本翁之所以教庶幾乎涑熙之中人
以上者此今日祠先聖建書院之意也咸淳癸酉良月通
直郎知慶元府昌國縣事主管勸農事兼岱山昌國鹽場
弓手寨兵軍正賜緋天台趙與沐記

岱山書院記

宋黃震東發慈谿

四明枕大海爲郡居天下極東又其東而中於海爲昌國縣又其東而中於海爲岱山岱山尤遠在鯨波浩渺間去三韓幾一杭而近士生其間往往多秀拔冠鄉書登上庠擢高第而躋膺仕者踵相接非山海碩大之氣之所鍾而能爾耶余固聞風而爲之興起久矣一日士有家於岱者忽航海過余而言曰朱文公嘗歎佛老之區徧天下至於學校乃一郡一邑而僅一置蓋謂講學之地不可以不廣也況岱山阻大海士雖欲擔簦負笈一至郡邑學不可得

岱山鎮志

卷三

餘錄 藝文

九

士果何以爲麗澤之地古者五百家爲黨黨有庠今岱山可三千家而反古者一黨之不若咸淳七年魏君桀等因請於郡太守劉公徽得酒坊廢基創岱山書院以祠先聖而講求其說劉公旣捐公帑以爲助又歲減酒息錢乃得請鄉先生許君定正席皋比與鄉之人士日藏修游息於其間距今五年而書院大概成矣願爲記之以發其意余聞之益敬而歎曰岱山多士殆地之偏而學之正耶我宋三百年崇尚正學所以涵養成就光大其澤者於是不可尙已請因以學之正者而言之夫所謂學之正者何也理

有自然而然歷萬世而不可變者正也天高地下萬物散殊莫不具此自然之理人生其間秀於萬物莫不明此自然之理大之爲三綱五常細之爲起居服食莫非自然而然有不容於不然者堯舜禹湯文武以是而見之行事吾先聖孔子以是而見之垂訓皆未嘗加毫末於是是所謂正而已風氣日開世變日下楊子爲我墨子兼愛非正也孟子闢之而復於正老子清淨佛氏寂滅非正也韓子闢之而復於正談空者過高功利者過卑非正也濂溪周子河南程子又闢之而復於正每一異說興必得一正論以

岱山鎮志

卷十

餘錄 藝文

十

救其後天佑斯文若是信乎此理之正出於自然者終不可得而磨矣世乃又有借周程之說售佛老之私者謂愛非仁直欲掃除乍見孺子入井之心謂心卽道而直改用大舜人心道心對立之說以爲證謂六經爲注腳謂孝弟爲支離謂講學爲邪說幾於前聖所未有之論時則有若文公先生出乎其間又辭而闢之天地爲之重開日月爲之重明有人心者宜知所嚮方矣奈何好高之士習慣其說猶或卑正學爲不足道而必求其說之勝不知此非文公之言也吾先聖孔子以來相傳之言也非吾孔子自爲

之言也天地間自然而然自堯舜禹湯文武以來斷斷乎不可易之正理也夫豈加毫末於其間而必欲外立一說以求勝耶岱山之講文公之學正矣然世之攻文公之學者尚多也其幸精思而實得篤信而力行使正論日興異說日消海隅蒼生日出之地聖朝崇正之化洋洋流動端於岱山書院占之矣敢敬書以勉德祐元年八月 日朝散郎新除浙東提舉黃震謹記

岱山鎮志

卷十

餘錄 藝文

十一

清

議覆設立岱山渡船文

定海 知縣 繆 燧 蓉浦

案康熙五十年有魏伯瑞往岱收割早禾帶有酒米在松浦司掛號出口被營盤往通報奉撫部院王批查岱山等處從前買運食物有無定數作何稽查禁止不致藏奸等因知縣繆燧奉文議覆其詞曰

岱山懸居海中耕農聚處其往來行走及買運食物非舟莫渡卑縣稔知海洋多盜時加申飭責令保甲朔望具結兼有汛防稽查自有設渡以來並無違犯今奉飭查作何稽查禁止放行誠仰見上憲防奸便民之至意但該山居

民數百戶大都外縣僑居不特一切日用必需郡城購買而耕作之時俱於本籍措辦而來收穫之後復以其餘運回本籍又該山種植宜荳不宜稻墾民多運荳易米往來之間實難預定且人口多寡時日久近收成豐歉食用饒嗇更難定數但恐奸徒借稱往岱偷運接濟固不可因噎而廢食尤不可以便民之舉而反便盜再四思維物數雖不可定而船可定裝載之船可保無虞則裝載之物不必定數而奸弊自絕是定船卽所以定物數也今就該山酌量公置小船三隻船尾船篷大書岱山渡船字樣着令公

岱山鎮志

卷三

餘錄 藝文

三

僱本地有田產家室誠實之人充當舵工水手通鄉里保鄰佑出結公保卑縣核明給照此往彼來在岱載者自岱及定到甯而止在甯載者自甯及定到岱而止不許偷漏他往出入必由鎮關查驗掛號不許偷越外口物非岱山者不裝人非岱山者不載內不許越甯郡外不許越岱山一有違犯卽作奸船拿究保結諸人一體連坐如此則物數不煩定而自定防奸便民並行不悖矣

興修超果寺記

胡御珂

岱山居巨浸之中浴日浮天層巒疊嶽且與洛迦屹然並

峙爲定邑之屏藩實東南之砥柱古稱蓬萊之鄉相傳秦時徐福寄跡於此乃浙海之名島也稽宋列入版圖煙村稠密廬舍毗連而蘭若招提亦多興建島中最稱勝者有寺曰超果基宇廣延肇造宏麗松竹環山蓮池繞宇覓景尋幽者莫不於此流連稱賞不置迨至明紀倭侵中華民無孑遺邨舍禪堂俱成荆棘超果一寺僅荒址而已追想之下令人興嘆但事之盛衰古今不易物極必返理所固然乃幸逢我朝定鼎天威遠播鯨鯢效順而岱山一區復隸版籍於是居民漸聚而環處焉康熙間有僧人名自修

岱山鎮志

卷三

餘錄 藝文

三

赤足蓬頭鋪砌道路觀超果之毀廢悵佛地之荒蕪隨舉重興之念開闢荆棘草創殿宇改其寺曰超國雖不能復昔日之舊觀然而堂廡粗備矣是可稱僧之智德者惜遽爾圓寂志不克終厥後莫爲之繼鐘聲岑寂佛號無聞法像塵封苔蘚繞砌幾成昔年倭踞之景矣然佛力無涯否去泰生迺有慈邑善知識號偉哉者錫飛至岱闡揚宗教凡屬居民望風景附先於寺之東相距里許有天生堂燬於火遺跡無存偉哉力圖鼎新闢地營堂中拱大士而椽桷翼如鐘鼓皇如杖錫靄如顏之曰護國禪寺巍然海濱

之名刹也寺成眾信慮超國之將傾相延偉哉爲住持於是隨續入超國寺焉偉哉不憚辛勤矢志修整岱之善男信女暨漁艇商舟皆踴躍歡騰輸金恐後將大殿兩廊以及寮舍齋厨修飾一新且更添建山門裝塑金剛並於岡前嶺畔種竹栽梅翠碧參天白雲滿塢將數百餘年之超果又復增輝於今日矣是偉哉之竭力沙門誠得衣鉢之真傳且又不獨此二寺已也蓬萊舊有天后宮宇結茅崇祀傾圮已久復爲之經營募造凡殿宇廊舍之材坊陶木石之工無不咸備不俟落成之日其巍峩壯麗又可想而

岱山鎮志

卷三

餘錄 藝文

七

知也衆信因敬其德之高功之溥恐至今而泯沒也丐記於余余承乏定右分轄茲土巡歷於是稽往古之興而復廢觀今日之廢而復興偉哉之功修實足以垂永久無怪乎輿情之欣馳也爰泚筆而爲之記乾隆四年己未大呂月上浣穀旦浙江定海鎮標右營遊擊加一級懷遠將軍芝城胡御珂撰

誥授奉政大夫江蘇海州直隸州知州加三級顯考萊

山府君行述

葉熊

府君姓葉氏諱機字宗藩號萊山先世居慈谿北鄉鳴鶴

場七世祖諱元字鳴皋明季爲江西餘干縣少尉甲申之變殉難任所部民葬於邑之南郊築亭祀之五世祖諱泰來由慈徙居定海之蓬萊鄉岱山高祖諱埏國學生高祖母氏俞曾祖諱錦國學生曾祖母氏韓氏徐先大父諱溥字巨源邑庠生先大母氏李氏鄭先大父生三子長卽府君次叔父諱萬年原名模歲貢生先府君一歲卒三叔父名應三原名槐國學生府君生而岐嶷八歲居先大母李太宜人喪卽能擗踊盡禮長益嗜學稟承庭訓文名日起乾隆壬寅先妣夏宜人來歸甲辰歲試受知於寶東皋學

岱山鎮志

卷十

餘錄 藝文

五

使補博士弟子員五月先大父患虛氣足腫之症府君奉侍晉郡就醫供湯藥滌垢穢皆手自爲之未幾疾革府君哀毀幾絕然自旅邸小斂以迄歸殯次第經營勿少懈越數年繼先大母氏鄭曾大母氏徐先後棄養哀慕敦篤骨立日甚府君自入泮後連遭大故久不與試嘉慶丙辰阮芸臺學使歲試考列一等補廩膳生並以古學特加識拔戊午庚申省試兩薦不售是時浙洋不靖定海孤懸海外實當其衝邑東北長塗莊被害尤烈海賊蔡牽幫鳳尾幫撲岸焚掠府君義憤切胸特赴中丞玉德公行轅上平洋

策數千言中丞深加獎納尋爲將弁忌抑計不果行辛酉
府君遵例就訓導職癸亥四月海賊益肆猖獗商船民居
屢被焚劫府君目覩時艱不忍膜視值今貴州廉訪宋如
林宰定邑乃與悉心籌議稟請捐備船餉僱勇緝匪蒙中
丞阮公給發軍裝飭令出洋督緝府君探訪盜蹤運謀定
策與三叔父分領船隻督率義勇在南北兩洋追捕兜擒
是月廿一夕偵知盜船在小羊山寄椗乘雨往捕盜匪棄
椗逃遁府君於大霧中嚴督義勇直衝過船擒獲陳蔡林
祿林刁陳品各盜犯五月廿八日駛至大戴洋面瞭見盜

岱山鎮志

卷三

餘錄 藝文

六

船多艘往來梭織府君揮義勇追剿羣盜分竄獲該盜心
腹潘正盛等三人并斷桅船一及刀斧鐵彈新興洪記木
戳等件先後解訊并辦六月初府君巡至旗頭洋面突遇
盜船四艘隨令義勇架發火器擊壞盜船一艘餘盜且拒
且逸節經鄉勇輪環鈎距鎗斃二盜義勇莊思全奮躍過
船被盜格傷落水身死餘勇怒激決戰斬首多級生擒盜
匪顏添禮等十七名起出槍械多件六月廿日晚蔡逆駕
大船十三號突由北洞入長塗放舳板登岸燒網廠擄男
婦不計其數府君帶熊於黎明赴長塗從山背上岸將義

勇分作四隊埋伏要隘另飭各船救渡避難老幼過岱蔡逆時坐紅桅大船發鼓攏岸正在放火剽掠埋伏各勇伺間猝發鎗刀並舉當斃盜匪一名斬首一級奪獲長刀一柄該逆倉皇失措遂狼奔豕突掛帆遠颺八月十七日夜於小羊山瞥見盜船數隊乘月揚帆東走當卽漏夜窮追連續發礮盜船急將牛皮帳幔周遮躲閃府君招呼義勇首領夏凱孫克等齊用撩鈎鈎倒皮帳將頭目搦死獲匪首謝阿交各義勇奮力連擒二十九盜斬首一級其赴水溺斃者不計奪獲器械無算以上計共獲盜船四艘生擒

岱山鎮志

卷三

餘錄 藝文

七

盜犯五十五名斬首多級經阮大中丞暨護撫軍清平階會同學使文遠皋保舉陳奏奉旨着加恩遇有教諭缺出卽行補用又承准廷寄八年十一月廿三日奉上諭阮元奏請將試用訓導葉機遇缺卽選一節已明降諭旨加恩以教諭卽用矣葉機祇以文職微員自以世居海濱熟悉洋島情形呈請捐資僱船募勇下海捕盜經阮元與文甯准其出洋竟能先後拏獲盜船及盜匪多名洵屬勇於任事而該省水師各營將弁捕拏洋盜是其專責及出洋等事轉仗一試用之訓導是該省水師平日廢弛玩忽已可

概見着阮元卽行嚴飭水師各營將弁以現有試用訓導捕盜奮勉業經奏明加恩陞擢嗣後爾各營將弁等如果奮勇出力捕盜報獲多案卽當據實保奏倘再不知奮勉因循曠職必當嚴行參辦如此諄切曉諭庶足以勵營伍而靖海疆特此諭令知之欽此先是阮大中丞之信任府君也倚之若左右手凡盜蹤之出沒營務之勤弛諭令隨時密報手付人淡如菊小印一方以資徵信又以保奏稱旨嘗集唐人知愛魯連歸海上還如何遜在揚州之句製爲楹帖並石鼓文碑刻全帙遣營弁賫贈舟次以示優異

岱山鎮志

卷十

餘錄 藝文

六

所帶出力鄉勇疊次發給銀鏢銀牌有差府君感激恩眷益圖報稱義膽忠肝指示天日是年十二月選授雲和教諭仍請在洋緝匪甲子春新興幫趙金等在溫州梁灣洋面肆劫府君與三叔父分駕船隻乘北風揚帆衷甲衝擊盜艦該盜俱穿紅衣包紅巾開礮拒敵各勇冒死向前旋轉擊刺羣盜驚竄生擒趙金等二十五名獲船二艘斬首四級大礮六位旗械多件又獲陣亡之建跳營營員腰刀一把係水師三百三十七號夏五月仁和幫盜首張達夥同各盜在大叢洋面劫去者府君假扮商船直搗狼窩賊

眾速駛巨船四隻鏖戰及追逼窮蹙則棄尾後一船計欲以所劫客貨誘令義勇拾取希圖兔脫府君麾令義勇務獲前船除砍死淹斃外全幫首夥無一漏網者計起獲大礮紅旗撩刀雙刀金刀點鎗鈎連鎗大鐵彈各件又仁和幫福勝幫盜印各一顆劫贖人船號簿一本偽照八十四張該幫盜船稔惡有年至此始滅是年冬吾浙海氛稍息阮中丞檄赴雲和教諭任府君勤懇訓士不敢存五日京兆之心其前任之歿於學署者栗宝塵封爲之置田以祀之乙丑正月海盜復竄浙洋阮中丞札調晉省復令在洋

岱山鎮志

卷三

餘錄 藝文

七

緝匪先於江南呂四外洋有沙盜船二艘打劫山東客船隨帶鄉勇在江浙交界洋面瞭認篷花追躡至畚斗隩卽施槍礮打損一船該盜亦用槍礮還擊府君身冒鋒鏑於驚濤駭浪中親督旗鼓各義勇踴躍用命以一當百該盜狼狽不支覺水奔潰府君飭用撈鈎擒捕一面鈎住船稍奪取兵器趁勢剿戮活擒孫加觀潘增長等多名並在巖洞搜捉羽黨四名隨查各巖洞如壁下花腦六華等山皆爲盜藪小販雜處其中奸匪名曰坐山又曰畫眉盤踞該處偷運接濟要劫勒贖府君洞燭其奸經線民導至大巖

洞搜拏坐山楊阿升一名並搜出小肥幫禮合圖記盜照
起出埋藏之桐油鐵釘煤丹等貨又在花腦拏獲小肥幫
坐山李阿昌並搜出木戳盜照銀局等物丙寅四月又有
和尚幫順天幫坐大閩船二十餘艘乘二汎緊要刦勒賣
照府君跟蹤遮邏至川湖馬蹟等處遇有蹺嘴幫在該處
兜刦漁船隨督鄉勇進擊於茶山洋面盜匪抵死抗拒飛
擲碗石自辰至申擊斃盜犯多名生擒莊阿火等十一名
查獲旗幟軍械無算八月蔡逆由普陀竄入北洋馬蹟等
處復回竄長塗之北洞經官兵追勦緊急該逆逃遁府君

岱山鎮志

卷三

餘錄 藝文

三

四路遏截途經西霍洋面拏獲閩盜陳田一名又於寨子
山邊盤獲面刺強盜字樣之閩匪周卽一名兩年內連獲
巨寇阮中丞暨清中丞會同學使潘芝軒保奏送部引見
奉旨以知縣用六月選授山東金鄉縣知縣九月赴任府
君以民社責重悉心撫字並因案多留牘加意清理積勞
致疾次年二月稟請解任調理冬杪回籍就醫適阮中丞
再撫浙江以洋匪尙未肅清一面咨會壯烈伯李長庚帶
同閩浙四鎮協力會勦一面咨留府君團練敢死之士分
路夾攻府君重將洋務通盤籌畫特上招勦兼施之策謂

羣盜蟠結已久非力併計招無以離其黨而殺其勢稟請
頒發憲示一道刊刻木板數百片浮布洋面諭之以皇上
好生之德感之以國家法外之恩俾得回心向化歸命投
誠閩浙各幫匪由此漸形星散全活無數其始終負固者
翦滅務盡三月在黎洋一帶訶有紅篷巨艦帶領多船嘯
集肆劫府君督同堂叔樞分作兩翼左右犄角時狂風暴
作緊注巨艦先用大礮轟壞舵牙打斷撩繩連擲火瓶飛
燒篷桅羣盜被焚氣奪紛紛入艙避匿義勇奮躍過船手
縛大盜沈振大等三十五名卽在舟次解案奏辦是役也

岱山鎮志

卷三

餘錄 藝文

三十一

不孝勳

侍焉親見兩船接並之時戈矛葦列彈丸雨集義

勇李成名被彈殞身而府君出入生死上下策應百折不
回決勝之奇收功之險當其時有茫然者迄今思之翻爲
驚顛不已義勇李成名當經府君具稟暨前案莊思全併
請附奏奉旨賜卹入祀昭忠祠五月府君於黑水洋瞥遇
匪艇卽協同兵船合擊盜犯王允有等二十餘名力竭被
擒越月蔡逆又趨集定洋放腳船上衢山燒廠府君密踵
追緝泊船登岸從山林中偃旗息鼓乘其不備襲取首級
二顆掖擒頭目曾洽一名當時提鎮之威首推忠毅義勇

之舉獨賴府君羣盜望風披靡見忠毅兵則曰李家軍來矣見府君兵則曰葉家軍來矣先聲奪人爲鄉國捍衛者凡八年忠毅以府君一書生乃能自張一軍使船如馬殺賊如草嘗與論韜鈴詢及生平得力處府君但口占一夜秋風起兵從天上來十字忠毅相視而笑擊劍起舞儒將風流一時傳爲佳話江南焦循雕菰樓集中所記神風盪寇事甚詳如黃葵之見破於小羊山李葛之被擒於崇明界駱盧仔之會勦於温州定海兩鎮記述戰功於府君有特筆焉蔡逆旣斃以次策勦中丞奏請議敘奉旨特加軍

岱山鎮志

卷三

餘錄 藝文

三三

功一級三月赴部引見奉發原省時山左各大吏以府君才幹絕倫倍加倚畀委在會垣鞫讞疑難之獄多所平反適南河漫口辦事需人文敏公百齡奏調工次委辦睢南邳北引河又派管東西兩壩料廠府君晝夜宣劬不遺餘力催工儻料屏除陋規壬申李家樓工竣保奏蒙恩賞大緞二端奉旨山東金鄉縣知縣葉機着免其坐補原缺留於江蘇補用欽此當奉百節相委查葦蕩營民佔地畝稽核澚野關徵收稅額承挑淮揚下河工段興利剔弊一秉至公癸酉八月上海縣缺出卽以府君奏補九月豫東三

省教匪李文靖馮克善等起事由曹滑兩縣延及定陶金鄉鉅野等處制府慮與江省徐屬密邇或致竄擾以府君曾剿賊立功特委赴東省探查賊蹤隨同升撫前觀察毓星屏在馬良集招集義勇李士元等日夜防堵是時戎馬恹惚人心惶惑府君不動聲色督率義勇連在夏邑虞城單縣諸地盤獲劉幅巾等六名又獲教匪頭目許定邦一名審明正法并請移兵重地以扼要衝此皆先事預防是以三省教匪從未攔入江境並念脅從可憫議以剿撫兼施時有盱眙縣民孫國柱首告周永泰等習教一案制府

岱山鎮志

卷三

餘錄 藝文

三三

承淮廷寄飭委帶兵密拏府君改服潛行盡數拘獲虛衷研鞫訊知此案衅起挾嫌迺帶赴憲轅瀝情乞命奏請反坐甲戌閏二月赴上海縣任是邑商民輻輳獄訟繁多府君聽斷持平輿情悅服嘗題廳額曰耐煩蓋卽宋呂文穆明耿恭間遺意也遇事關名教尤加意激揚已故曹簡廷侍御風骨嚴峻詳請入祀鄉賢又有潘孝子者少孤常馱老母至父墓前飲泣祭掃居恆力食娛養雖匱甚必覓甘旨以進府君聞其孝分俸贍養授室續嗣并詳請旌表爲敦行者勸海船進出向祇給照驗放自添設門牌兵役輒

借查點爲名刁難需索爲詳請除免以便商旅川沙廳率
指茹素誦經者爲教匪通稟提究府君訪係愚民祈福並
無逆跡星夜赴省力爲解救從輕發落吳淞江爲太湖諸
水入海要路向借帑疏濬分年帶徵歸款然借則有費歸
又有費胥吏因緣爲奸於是有用一而費倍者府君議先
啓徵存儲省其解領功成而民不困歲時濬支河資灌溉
秋禾屢豐致有二穗三穗之異邑人以爲瑞應繪圖徵詩
庚辰夏疫癘盛行府君出資購藥施舍全活不可勝計又
城內外停櫬纍纍飭令各自安葬其無主者捐資掩埋計

岱山鎮志

卷三

餘錄 藝文

三

八千餘具增置義地歸同仁堂董事專任經理府君之以
實心行實政不遺瑣屑如此道光元年辛巳舉行計典孫
寄圃節相魏愛軒中丞以府君首薦九月送部引見奉旨
葉機准其卓異加一級仍註冊回任候陞旋奉奏陞高郵
州知州二年三月抵任積案如蝟不數月掃數清結又捐
葺育嬰堂修理珠湖書院設巡卡以安閭閻施衣食以濟
困窮百廢具舉頌聲載道郵境爲洪湖下流數被水災府
君籌築護城長堤改掃岸爲磚工永垂鞏固又浚城內市
河濯衣河以資水利七月湖水增長奉文開放南關車邏

等壩時壩下民田萬頃晚禾垂成府君酌量暫緩啟放諭令星夜趕穫俾免蕩析而於濬洩事宜仍無阻礙復以歲防河終非善策稔知五壩減水去路至范公堤甚爲紆折距海口遠隔三百餘里故道久淤不若於灣頭插鳳凰橋壁虎橋等處河道挑挖寬深湖水入江出海僅四十餘里其勢較捷旣紓七邑民田之患且省頻年蠲振之資詳悉建言極陳利害蒙各憲嘉納立飭估挑癸未冬大府以府君才具開展辦事幹練加考保奏陞補海州直隸州知州奉旨允准高郵士民赴省乞奏留不得乃建祠設位以

岱山鎮志

卷三

餘錄 藝文

三五

志云思甲申正月奉文引見尙未交卸卽蒙韓三橋中丞調赴吳門辦理江省通省清查局務府君因款項糾紛殫心清釐勾稽四月盡瘁從公六月初事竣北上閏七月展覲南旋歸途抱恙抵蘇月餘竟棄

不孝等

而長逝矣嗚呼

痛哉府君少有大志襟期闊達言論爽朗胸無城府內外若一宗族親故及賓朋幕僚惟相待以誠一切從豐而自奉甚約生平無他嗜好公餘之暇喜仿晉唐人法帖尤善劈窠大字兼耽吟咏所作詩半因地方利弊而發有海天吟藤花集珠湖詩草若干卷府君性極肫摯雖身繫一官

常追緬先澤敬念桑梓不少置嘗謂熊曰我家鳴皋公身
爲縣尉忠義塞天况汝等身膺民社可不勉力報効以期
自靖乎吾甯張忠烈公焯言墓在西泠歲久圯壞特捐廉
修飭又令三叔父至鳴鶴場繕完宗祠以隆胙饗鳴皋公
配范孺人懸厝慈北西溪闢之坡特令堂叔樞遠赴江西
餘干祭修鳴皋公墓製具衣冠奉歸合葬以妥忠魂嗚呼
府君行備忠孝才兼文武出處咸宜家國倚重何天不弔
遽奪之年耶府君按生於乾隆二十九年甲申 月
日歿於道光四年甲申十月 日享年六十一歲子三

岱山鎮志

卷三

餘錄 藝文

三六

長熊附貢生原任直隸保定縣知縣新選深澤縣知縣次

勳國學生出繼從堂叔本爲嗣三煒女六長適國學生任

維慶次子天球次適候選州同慈谿胡韶三子紹定三適

乾隆壬申進士原任都察院左都御史仁和趙佑孫原任

江西臨江府知府日煦次子祖金四字嘉慶己未進士前

任戶部右侍郎蕭山湯金釗次子脩五字候選鹽大使錢

塘陳京孫嘉慶辛酉拔貢原任淮安府同知鴻壽次子寶

咸六未字孫五熊出者三培元娶慈谿楊氏嘉慶己卯榜

眼現任陝西道監察御史九畹女培誠聘鄞縣董氏候選

州同師媛孫女國學生燦女 培仁 聘慈谿葛氏嘉慶丙子

舉人現任戶部郎中朝三女 勳 出者二 培德 聘慈谿洪氏

國學生民懷次女 培義 聘鄞縣趙氏嘉慶己卯進士翰林

院庶吉士存洵四女孫女三 熊 出者二長字乾隆甲辰召

試中書現任太常寺少卿前任河南安徽等省巡撫錢塘

姚祖同公孫現任江蘇嘉定縣縣丞前署荆溪縣知縣大

成次子近韓次字鄞縣國學生王廷鏡公孫道光辛巳順

天舉人議敘訓導淑元四子光頡 勳 出者一字鄞縣國學

生候選州同鄭鉉公孫道光甲申年考取選拔生澧長子

岱山鎮志 卷中 餘錄 藝文 三七

瑞椒曾孫二 鍾秀鍾英 俱長孫 培元 出 不孝 等苦幽昏迷

語無倫次倘蒙大人先生賜之銘誄以光泉壤 不孝 等世

世子孫感且不朽

母命稱哀不孝孤哀子葉 熊 泣血稽顙謹述

降服子 勳

姻愚弟 在制蕭山湯金釗頓首拜填諱

書葉機

龔自珍 定庵 仁和

甯人葉機者 原本作 可謂異材者也嘉慶六年舉行辛酉

科鄉試機以廩貢生治試具凡竹籃泥爐油紙之屬悉備

忽得巡撫檄曰貢生某毋與試機大詫初蔡牽朱瀆兩盜爲海巨癰所至劫掠戶口以百數歲必再三至海濱諸將枕息俟其去或揚帆施槍礮空中送之寇反追衄不以聞故爲患且十年巡撫者儀徵阮公也素聞機名知沿海人信官不如信機又知海寇畏鄉勇勝畏官兵又知鄉勇非機不能將八月寇定海將犯甯機得檄號於眾曰我一貧貢生吮墨執三寸管將試於有司售則試京師不售則歸耳今中丞過聽檄我將鄉里與海寇戰毋乃哈乎雖然不可已願諸君助我眾曰盍請銀於文官不可盍借礮於武

岱山鎮志

卷三

餘錄 藝文

二十六

官不可事亟矣何以助君葉君則揜臂大呼且誓曰用官庫中一枚錢借官營中一秤火藥而成功者非男子也飛書募健足至行省假所知豪士萬金假縣中豪士萬金遂濃墨署一紙曰少年失鄉曲歡致凍餓者有拳力絕人者漁於海者父子兄弟有曾戕於寇者與無此數端而願從我者皆畫諾夜半賫紙者反城中邨中畫諾者三千人天明簿旗幟若干火器若干糧若干機曰烏用衆以九舟出餘聽命是日也潮至大神風發於海上一槍之發抵巨礮一櫓之勢抵舢艫殺賊四百餘人九月又敗之於岸十月

又逐之於海中明年正月又逐之於島浙半壁平出軍時
檣中有紅心藍邊旂者機之旂也自署曰岱山其所居邨
名也朱濱艦中或爭軋詛神必曰遇岱山旂阮公聞於朝
奉旨以知縣用今爲江南知縣爲龔自珍道其事

洩湖入江議

道光三年

高郵州知州

葉機

竊洪澤湖之水洩於寶應高郵邵伯等湖由運河各壩淹
及下河州縣高郵地勢實當其衝運河東堤五壩而高郵
居四是以受水最先最甚溯自黃河奪淮淮水盡歸洪澤
而黃河各閘壩盛漲減洩又趨洪澤淮黃同入洪澤之患

岱山鎮志

卷三

餘錄 藝文

二九

滋大不得不開兩壩三河合淮黃而入高寶等湖每逢壩
水暴至湖面與運河一片漕堤民命節節危險是以前人
籌議於高郵建設南關中新車邏等四壩由下河各路東
至范公堤之少海丁濱草埝等閘歸范公堤外之古河口
王家港二河入海此湖水入海之道也甘泉縣邵伯鎮下
於運河建設金灣六閘鳳凰壁虎灣頭等閘使湖水東南
入江各閘下之廖家溝董家溝石羊溝芒稻白塔等河皆
入江之要道也但自高郵至范堤各閘二百里堤外至海
又一百七八十里及二百里頻年壩水下注堤內之河間

段淤阻堤外之古河王港亦久已淤塞涓滴不能入海機
昔曾身歷其地訪之士著僉稱近年高郵壩開水流一月
尚不到堤下之串場河兩三日間溜尙湍急後則漸緩而
平以致運河一綫單堤內外交病萬一堤根浸透百里長
堤難保無事且開壩能先期出示民猶知避若黑夜倉猝
一概淪溺識者常惴惴焉竊謂海口不通旣難挑辦其各
邑田圩則小民自出財力築圍田作壩水一至極力保護
若欲毀平勢必激生事端爲今之計不能入海惟有導之
入江入江卽入海也考乾隆二十二年嵇相國協辦總河

岱山鎮志

卷三

餘錄 藝文

三

時曾奏言湖河水勢歸江近而歸海遠歸海則紆迴歸江
則逕直多一分入江之水則少一分入海之水今查邵伯
以南運河歸江之路董家溝石羊溝廖家溝芒稻河金灣
六閘金灣壩東西灣壩鳳凰橋壁虎橋灣頭閘等處共寬
不及二百丈河道年久淤窄洪湖二壩三河計寬三百數
十丈加以蔣家壩十八丈是去水僅及來水之半無怪歸
江雖有其路而連年漲易而消難也機謂入江之利有四
稍不便可轉而爲利者有一高郵四壩至海口凡四百里
分挑各河每河須挑四百里若入江應挑之河道不過三

十餘里至四十餘里較入海之路十僅得一錢糧省而葢工速利一一晝夜水行可五六十里高郵壩開一月水尙不到范堤堤外至海尙有二百里其遠可知今入江止四十里路近則水行疾一日行數日之水消滅必速利二治水無他法順水之性而已水性無不就下地勢河形自寶應至揚州由高而下本年八月高郵啟南關壩湖水誌椿深一丈三尺五寸同日下午游揚糧廳具報水漲至一丈七尺四寸形勢高下此其明證至江口自必更低導之入江勢如建瓴利三百姓耕田而食所謂以民自養則有餘也

岱山鎮志

卷三

餘錄

藝文

三十一

國家歲入有常豈能使災民歲歲仰給倉廩今災緩遞緩費以億計緩數積久仍歸邀免若計歷年賑蠲之費以挑歸江之路朝廷旣紓司農之急小民亦免墊溺之災利四其稍不便者人字河芒稻河爲入江眾水會歸之地亦爲淮南鹽艘經由之路故閉閘堵壩則運鹽利而歸江之路關填若開閘洩湖則江路通而運鹽之船淺阻欲求兩利惟有照穡相國奏議以芒稻西閘底爲度挑深五尺使運鹽河長存五尺底水以利運行則各閘壩可長啓放旣利河工亦無損運鹽且通江路暢下河州縣可以永免水患

乾隆二十三年奉旨嗣後芒稻閘永遠不許再下閘板業
經恭刊上諭立碑以昭遵守夫洪湖驟漲臨時始圖宣洩
故至壅滯難消若能長年開放俾高寶等湖底水不大雖
洪湖驟漲亦有益無害今能照挑深五尺之議辦理則不
惟無礙鹽舟且轉而爲兩利矣或有慮導湖入江恐江潮
頂託難消不知江淮與河源流各異互有盛弱乃理之常
萬無湖河與江並漲之理且潮由海至海潮一月大小兩
次一日長盛亦兩次大潮盛漲不過數日每日亦不過三
五時其餘則退潮可從江水而去以江之大豈有不能容

岱山鎮志

卷三

餘錄 藝文

三三

二三百丈口門之水使隨退潮歸海者乎或又慮導水歸
江揚城當其衝查揚州南瓜儀兩口本湖河入江之路只
恐洩少來旺或有溢及郡城之患若將揚州北之各河道
開通暢瀉則瓜儀兩口輸洩甚速而何患及於揚城此皆
不足慮也惟挑辦必籌經費此役不易興舉但歷歲賑蠲
豁免積欠計其費亦足相當且衆水入江下河永絕水患
從此正供無虧緩蠲可免是日前動用之銀數年後不獨
可以取償且有贏溢也否則如歷年泛濫民田下河百姓
自築圩岸以爲救護本年節令較早尙可以水小搶救一

遇節暹水大之年雖有圩岸堵護不及田廬漂沒一望汪洋士農寄民悉捐溝壑見者傷心聽者酸鼻此歸江之路費雖不貲似不容緩議者也至挑深運鹽河五尺今雖商力告絀亦似未易措辦但百姓行田之河尙係業食佃力自行挑浚若河爲運鹽商人坐視不挑且壅遏水道以害民田民心實不能平是挑鹽河以佐公家商人亦誼不容辭也機自分疏愚不習河務然聞之人事盡則災患可弭事可設施不敢因循苟默謹議

勸善仙館記

遂安

洪自含

子泉

岱山鎮志

卷三

餘錄

藝文

三三

善動氣天善聲震地兼善天下固能致君而宣化獨善其身亦可顯親而揚名要非主善爲師焉知惟善爲寶人性本善而習則相遠人情好善而勸則易從以言勸善在一時不若以書勸善在萬世而世人猶多陽奉而陰違不若以神道勸善而天下皆心悅而誠服此善勸安得遇有神仙而勸善安得設有仙館耶有之自岱山蓬萊鄉始予浙東新定人也生平以勸善自任二十年來足跡幾遍江浙兩省所遇鸞壇不下四十餘處若浙西湖州荻港之雲怡江南歙縣篁城之思源江西廣豐排山之四香杭州之小

覺慈雲甯波之雲華彤雲金華之登善畢鸞衢州之祥雲
萬善此皆仙佛神壇之最著者也而以勸善仙館名壇者
獨於蓬萊鄉見之夫蓬萊鄉何地也仙居之地也以仙居
之地而設仙館豈非羣仙高會快樂逍遙之境耶乃至以
勸善爲事憂天下之憂而憂木筆沙盤手揮目送婆心救
世昕夕不遑其有信從者固不辭津津樂道卽有疑謗交
加而終不棄絕而加憫之而愈勸之噫態亦甚矣豈亦惡
逸而好勞乎夫亦有大不得已於勸善者也今何時也變
亂極矣干戈四起數載於茲此何地也盜賊至矣鬼蜮多

岱山鎮志

卷十

餘錄 藝文

三六

端實逼處此雖風俗近古其間之秀者讀樸者耕亦知勤
謹自持奢華悉屏然而善之及人者少不敵不善之害人
者多海盜揚帆害命因謀財起見妖言惑眾邪教與逆賊
無殊吾恐習俗移人賢者不免而況此蚩蚩之氓乎予至
甯郡鎮定諸邑勸善有年未嘗不爲寒心者久之倘非去
年春予因資送難民得邀張仙下降迨八月有勸善仙館
之設而何以一二年間型仁講讓俗易風移有如會輿勤
儉福鄉掩埋惜字惜穀以及助賑卹孀放生戒殺諸善舉
而且立愿行五十善者二萬餘人朔望則輪講善書三八

則會課文藝捐建仙館以永爲勸善地竟不疾而速化馳若神有若是哉予因之有感矣自來人心之敬肆天下之治亂關焉而能起人之敬畏使不敢肆者莫如奉仙壇尤莫如奉聖壇振賸發聾非恪遵仙教不可黜邪崇正非力扶聖教不可今仙館之設位正乎中樓居高聳前奎星閣後文昌宮中堂正位上一層立倉帝與孔聖之神牌每年春秋二祭懸聖像而禮拜之祭畢撤其像而藏之懼褻也左立忠義右立節孝是皆賴我張大仙師繪圖示訓有開必先而後鄔君瑩亭方君午亭諸君子踴躍從事而速觀

岱山鎮志

卷十

餘錄 藝文

三五

厥成者也其爲訓俗型方計者固重以周而爲黜邪崇正計者更深且遠也否則此館不設勸善不行他日此地未必不變於夷也然則勸善有此館永遠行之他日用夏變夷亦未可知也嗚呼仙師之勸善豈得已哉是卽我至聖先師當日周流行勸知其不可爲而爲之苦心也是卽我子輿夫子不得已而非好辯之苦口也誠如是也仙館之設其與古者家有塾黨有序國有學無以異也大都以扶持名教培養人材爲首務正所以造就多士爲朝廷備植幹之選也從此養成毛羽振鵬翮以高騫駕得風

雲望龍門而直上簪纓鵲起科目蟬聯蓬島因此以增輝
海岱亦爲之生色兼善獨善致君顯親是真主善爲師莫
不惟善爲寶大化同流於海外聲名洋溢乎國中而又何
疑於善氣動天善聲震地也哉堂構雲成人文蔚起吾知
張仙師顧而樂之喜可知也予今爲捐賑來此得邀適館
授餐者數日海上移情盤桓仙境不忍去而所遇同人無
非勸善亦大快予懷矣諸君子以序請予不敢以不文辭
遂援筆而樂爲之記同治二年癸亥相月中元後三日浙
東遂安子泉洪自含撰

岱山鎮志

卷十

餘錄 藝文

三六

蓬山書院記

定海廳 史致馴 佳若 同知 陽湖

從來維世道者在正人心正人心者先端士習士習端而
學校隆古來庠序之所由設也我朝文明啟運培植人材
故於學校而外復建書院便士子觀摩集益俾得陶淑身
心造就品詣而後著之於文章發之爲經濟坐言起行胥
在是焉若第視爲文藝場則殊失國家建立書院之義定
海北有岱山誌稱蓬萊鄉也自南宋咸淳間發帑創建書
院一時文教聿興掇巍科而登仕版者後先接踵蒸蒸乎
海宇文風於斯爲盛逮元中葉徙建於市尋廢去已五百

餘年矣今予下車伊始紳董方炳泰者振興有志欲復舊規爰偕明經鄔兆權等廣勸捐輸卜地於東岱構造堂舍爲士子肄業所顏曰蓬山書院卽延鄔明經主講誠盛舉也第規模旣具資斧宜充查書院捐田止五十餘畝計歲入未足供脩脯膏火需則是有書院之名者無書院之實何以示來茲而垂永久且詩書食報不於其身未必不於其子孫所願在籍殷富無論士農商賈或助田畝或捐市廛務必慷慨輸將以上體棧樸作人之至意下培膠庠風化之本原是不特學校隆而士習端士習端而人心正矣

岱山鎮志

卷三

餘錄 藝文

三七

行見多士濟濟挾藻天庭和聲以鳴聖天子雅化之盛此乃予所期望之深衷願與有心世道者共相勸勉也於是乎記同治四年乙丑權知定海直隸廳事陽湖史致馴撰

蓬山書院記

浙江學政徐樹銘
壽菴長沙

建安之傳盛於婺州何王金許篤信謹守蒸嘗弗替尙已象山並起心學方盛明州上下數百里間慈湖絜齋爲陸氏高弟廣平定川出入朱陸所謂四先生也純明廣博深造有得而於朱子道問學之指引而申之羽而翬之或不無遠近大小之殊我於越黃先生東發氏生四先生後鑒

於承學之流失於是力斥精剖發明心性一崇朱子曰鈔
一編與朱子之說似有異同而其所以敦本實斥虛鶩則
與朱子之力闢釋氏同功固學者所當矜式循守者也案
先生本貫定海靈緒鄉宋定海卽今鎮海後徙慈谿罷官後仍居
澤山宋亡以餓死於寶幢則首陽之節也儒者立德立言
皜然不污磊磊軒天地間其風者頑夫廉懦夫有立志宜
也昔元至正中靈緒鄉人嘗建澤山書院以祀先生今遺
址荒矣昌國舊有岱山書院昔先生爲史館檢閱時嘗爲
之記圮於元脩於明明末又圮按此有誤考岱山書院創於宋季至元世祖時遷於

岱山鎮志

卷十

餘錄 藝文

三六

市順帝時增建至明初起遺乃廢事詳學校門今定海升爲直隸廳海隅學子抗
心往昔志先生之志言先生之言近先生之居謀所以仰
止先生者乃建復舊宇名之曰蓬山書院中堂三楹奉栗
室焉衣冠練學肅肅階庭俎豆莘莘罔不規矩昔先生篤
志新安今多士由先生以溯新安卽由新安以希鄒魯可
也抑余聞大海之濱殊方異教之所通焉異端之蠱起吾
道之螫賊也鄒嶧之於楊墨昌黎之於釋氏其攻之也曾
不遺乎餘力而其所以攻之之法則在乎各守其家學君
君臣臣父子子夫夫婦婦而不爲邪說之所惑是則真

能心先生之心衛道衛民因以衛國而不徒虛祠崇奉以爲侈觀美之具云爾也願海隅賢士大夫之繹思吾言也同治九年歲在庚午署禮部左侍郎提督浙江全省學政長沙徐樹銘撰并書

稟請疏銷岱鹽文

定海廳 張致高 遜侯
同知 太和

竊定海岱山地方濱臨海口居民向以攤板曬鹽爲業各所引地無不浸灌屢因設局滋事是以停收堵拏近來稍爲斂迹惟岱私由來已久原爲島民生計自應設法變通俾鹽務生民兩有裨益飭卽親詣確查該處曬戶計有若干

岱山鎮志

卷三

餘錄 藝文

三十九

干曬板若干應否酌定引數添設場員妥爲經理以免漫無限制仍遵前札查明雨暘時若之時每年每板約計出鹽若干以合引數刻日核議開冊繪圖具覆等因卑前廳汪丞未及查詳旋卽交卸卑職抵任接准移交遵飭查訪定地所轄各島錯處海洋土盡斥鹵春耕秋穫僅敷三月之糧設遇大汎風潮盡成荒白而該島民向不稟報災歉不請蠲緩賑卹者以其生業俱在鹽斤與嘉湖之蠶桑相似也故於雍正初年奉憲奏發帑本先將岱山秀山長塗三莊出產之鹽責令提標收買運乍分銷額計一萬餘引

其餘各莊產鹽准就地方民食年完包課銀四十二兩有奇嗣因餘鹽充斥越境侵銷復於乾隆三十六年奉前憲奏奉諭旨續發本銀四萬兩分飭本城鎮營及有司衙門建倉收運配銷松江提標額定鹽引四千三百餘剩之鹽再歸商人捆掣以補場煎之不足爾時中外救安閭閻繁庶官收商配尙無積滯之虞迨海疆不靖經費未充官局停收改辦抽釐之法事不便於島戶以致官滯私侵漸行漸止洎至髮逆竄擾場竈停煎嘉松引地盡食定岱之鹽各島鹽販幾至二十餘萬自戡平髮逆諸務更新凡在食

岱山鎮志

卷十

餘錄 藝文

四

鹽均已分別官私整頓引地定岱之鹽亦奉減數酌收此誠各大憲軫念海陬格外優卹之至意乃該島民不知恩施之厚時事之艱輒以收數未多給價未足逞私滋事實屬形同化外卑職前奉委辦嘉屬牙釐兼管鹽局訪悉鹽梟之害深堪痛恨亟思請兵剿捕以絕根株惟是產鹽各島環列海中汪洋四繞倘非巨船高桅不能飛渡一旦會集重兵驅除盡絕則孤島虛懸必爲盜匪淵藪如遷內地居民使之耕鑿則風潮所至不宜稻梁恐難資其口食而欲按照鹽法請設場員則島嶼星羅橫流隔絕與內地場

竈炊煙相接得以隨時稽察者迥不相同深恐經費虛糜而場私益甚此由海隅地勢使然似非民情之過頑稽察之不周卽如滋事各犯差提未獲節經卑前丞諭飭地方紳耆就近捆送而該紳耆亦以停收之咎由於各犯無不痛心疾首而欲設法送案以開生路奈其犯事之人盡屬積慣販戶非曬丁之均有室家者可比早已聞風遠竄無從緝拿茲奉諭飭前因俾見洞燭隱微恩施法外卑職忝膺民牧叨隸帡幪敢不上體離網下籌生計復查岱山鹽板自奉停收廢棄而後計尙實存十二萬方有奇每方日

岱山鎮志

卷十

餘錄 藝文

四十一

可曬鹽一舫綜計兩場時若之時每年可出鹽十餘萬引其餘各島尙未確查如必儘數銷售則官鹽無從行運而欲勒減曬板亦恐陽奉陰違徒事具文第際此時屆隆冬民盡失業提兒挈女丐食於道者不可勝數若不卽爲籲求恐履霜堅冰飢寒交迫更有不堪設想者卑職籌思至再請免計其出鹽之多寡惟期先開銷路以拯其目前亦未敢仰求引目之驟增惟願推廣舊章以資其週轉緣奉前因合肅查議稟請仰乞察核轉詳仍由吳淞設局月收定岱晒鹽二千引餘剩島鹽准賜招商完課捆配並乞於

定地分銷之中稍賜推廣加成之法則於鹺務無所窒礙而島民之積鹽待售有路不致起意販私一面仍勒拿滋事各犯另行詳辦外是否可行伏乞批示祇遵

稟報查點鹽板文

浙江候補府 傅澤鴻 少卿 湖南

敬稟者竊

粵府澤鴻

奉委清查岱山曬板實數遵卽會同

卑職致馴

於四月初一日到岱設局傳集紳耆柱首詳爲

開導當經備文申報在案查岱山私鹽充斥官引滯銷年來梟販橫行不次釀成巨案旣荷憲臺設法清釐萬難稍事姑息惟小民困苦無告下情正宜上達粵府等旬日以

岱山鎮志

卷十

餘錄 藝文

三

來周歷查點計岱山十九廟附長塗一莊共板十九萬塊有零按之同治十二年分所查西路如禹王淡水玄壇三廟各增數千板不等東路如太平等十六廟遞有短缺合之仍覺有絀無盈迭據紳民求爲代乞恩施謹將岱地大概情形敬爲憲臺陳之竊維岱山孤峙海中俗尙勤儉近數十年生齒日繁苦於無田可種凡有可植包穀番薯之區雖峻嶺亦無隙地石多土瘠生物不豐往往終歲勤動不足資一月之糧易柴於甬易米於蘇日用衣食之需在在惟鹽是賴東路板少其民兼漁而農西路數十里所種

惟蘆其苦爲最每遇霖雨愆期糧無隔宿恆有朝不謀夕之憂其困苦有如此者請帑收私始於李敏達道光初柴價日昂改煎爲曬如有板人習聞海水爲瀆杉木爲板之說知有天時可乘而不知其實由於人力也 粵府 等每見其治塗治場車瀆曬瀆耙土運土以及過壩過曬人無虛日老幼婦女通力合作往返六七次始能成鹽或潮夜至恆至四五更起不憚其勞蓋較之煎燒所省者惟柴薪耳若論人力則實倍之其豐歉視雨暘爲斷其貧富視場板爲歸有板則生否則無以度日瀕海數千戶相率晒鹽

岱山鎮志

卷三

餘錄 藝文

四三

以鹽往卽以米歸蓋恃鹽爲生者已十居六七矣間有一二戶尙堪自立所恃板數略多非於板之外別有錢米之蓄也至於引課攸關私販固干例禁而輸將自昔塗場亦有徵糧將禁其曬則五穀皆非所宜幾成曠土仍令其煎則柴薪較前倍貴貲本尤多旣不能煎復難禁曬不得已爲籌搭銷而出於減夫減板之說以爲礙銷計則誠善矣然日來遍歷海口老少哀求有板與命依多一日板卽多活一日之語言者情切聞者酸心在 粵府 等有奉查之責每於多少破廢之數務須逐一察實以杜虛冒而防私添

蓋與其礙銷而至於減不若核實而嚴於先惟清點不可不嚴而措置不可或刻若與餘姚一律議減不特窒礙難行未免目覩不忍此孟子言仁政所爲有見牛未見羊之喻也刻幸現查板數按之原查相合以每板每年三百餘筋計之約成十五六萬引而本地尚有漁食之需如嚴添板之令由局員不時抽查并責成董事柱首出具連環保結如有私添立將該戶奉查全數一律弔燬則將來晒板尙有限制議銷似覺不難而議減或可邀免卽或試辦一年所銷不敵所收小民具有天良尙可隨時補救

卑府等

岱山鎮志

卷三

餘錄 藝文

四四

各路清查已得實數留心考察略悉民情并據先後哀求未便壅於上聞因體大人曲全之意爲之代乞洪慈如蒙允許全數准留則岱民有生之日皆憲臺再造之恩伏乞垂憐格外批示遵行所有按戶板數甫於二十六日點完爲數尙有出入容俟核對詳確造冊呈核合并聲明除按廟開具曬板總數清冊呈乞察核并稟藩臬運司綱鹽局甯道外謹肅寸稟敬請鈞安伏乞垂鑒

光緒六年五月日
稟撫院

鹽務紀略

王敬所作之
鎮人

廳治沿海一帶民盡刮煎爲業內港十五隩額設風調雨

順四厥由前定海縣知縣管轄收運名曰文厥其懸山內洋二十二喚額設河清海晏四厥由定海中營遊擊統轄收運名曰武厥而岱山產鹽尤夥額設公盛豐濟四厥又添設板北剪水四厥由提中府遙轄管理名曰岱厥岱厥所出之鹽核與定轄文武八厥有盈無絀此大較也國初雍正十三年岱山由徽商方一元報陞鹽課奏准發帑設厥煎戶就厥交卸官爲捆運乍浦由乍浦再撥靖江江陰行銷計六千四百六十二引後增開長洲元和吳縣三邑計五千引共計一萬一千四百六十二引每引計鹽四百

岱山鎮志

卷中

餘錄 藝文

四十五

觔每百觔官給帑銀五錢二分嘉慶年間銀貴每百觔改給制錢五百二十文此官運法也至道光二十年洋務大興庫款漸絀厥弊漸滋鹽仍收運給帑無期咸豐初髮匪肆逆軍書旁午帑遂停給鹽亦停運自此舊章廢新法行官厥閉私販盛矣咸豐二年鹽民乏食赴省呈請調劑蒙運憲示准化私爲官著岱鹽權運張家庫委員設局飭同橫浦場兼收未及半載以帑銀不繼停止岱民又赴省呈請運司繆又有軍餉緊要鹽帑接濟大營不敷爾等自行調停等諭岱民奉批各自裝載赴沿江售賣覓食旋遭匪

徒勒費劫奪無路可通復呈請運司繆暨委員祝再赴張家庫設局抽釐每觔計釐錢二文補課助餉旋遭髮逆衝散停收至三年間奉議立票運法經前知廳事劉蒞岱設立票局又設總辦於吳淞立驗票局每觔抽課錢五文釐錢五文局資錢一文合計先繳錢十一文然後給票赴淞口驗售眾丁裹足不前時有鎮江米船七十餘隻經前知廳事劉勸將米本先繳局捐令各裝鹽赴淞許到埠五日卽俾銷通領帑等語詎到埠被留延至四五閱月尙未全銷內有換埠求售數船輒被捉作私梟懲辦船貨充公因

岱山鎮志

卷三

餘錄 藝文

四六

此破家傾產者不可勝計此票運法也至四年間又議改爲官運法巡撫部院左委飭督辦馮赴吳淞立報運局酌添蘇松常鎮太四府一州引地各板戶三五品搭代官裝鹽赴淞冀換銀以贖家口無如鹽至淞起儲惠豐棧內其價俟售通後給付延至二三月遙遙無期船愈積而愈多鹽愈堆而愈耗致板戶積欠滋事上千憲怒此又官運法也同治十一年撫運二憲諭飭委員蕭詩督同甲商許慶曾厥商陳寶康查實曬鹽板數共計拾九萬有奇綜計雨暘時若每年每板約產鹽一引印給板照分設元亨利貞

四厥除魚蜚食鹽外籌充拾萬資本舉立董柱按板盡數稱收每觔給價四文月定四千引捆運江蘇張家庫與場鹽分成搭銷蘇松常鎮太四府一州引地十二年十一月知廳事陳晉省傳集各甲商於場鹽六萬六千引地中稟請撫運二憲劃出三萬三千引地又將靖江三千引地合併專歸岱鹽銷路不及兩年商本短絀閉厥停收上有虛恩下無實惠此商運法也光緒四年間又奉撫運二憲推廣引地撥銷常江交界之永壽沙二千引共計岱鹽引額三萬八千引核之產數已得五分之一歷奉大憲體卹島

岱山鎮志

卷三

餘錄 藝文

四七

黎推廣銷地飭商收運海島窮民具有天良豈不知感跡從前變通試辦漸行漸止之由非不便於商卽不便於民不便於商則折本停運不便於民則私充官滯夫產鹽爲島民之生計販私非窮黎所樂爲官商停收民庶望鹽噉噉坐斃者不得已就近島嶼向銷魚蜚之處載易升斗逼而走險外來匪徒逆計販私干禁不敢出首控官乃冒充緝私扮商沿海劫奪轉而販賣由此海氛漸熾而岱私之名目愈振此實島民所痛哭流涕而無告者也夫惟照舊設廠按月收鹽節省浮費寬籌商本將所產之鹽儘數收

繳完課捆配並請於定地分銷之中推廣加成之法則醜
綱無所窒礙而島民積鹽待銷有路不致起意走私則私
販絕官銷暢而鹽政肅矣

岱山鎮志

卷三

餘錄 藝文

四六

岱山鎮志卷二十

藝文下

同文塾記

翟國棟

輔廷涇縣

鹽制之設裕國便民利至溥也我朝軫念民依於兩浙鹽政尤三致意焉近年以來加筋減費蠲課賑災隆恩疊沛一時商民莫不鑿鼓軒舞踴躍歡欣思效野人獻曝之忱以上答昇平於萬一岱山地本斥鹵民俗勤儉有山樞蟋蟀之遺風焉然而風氣未開往往因誤會而滋事變則以教化未及之故也余自海門分防奉檄來此監理鹺務凡

岱山鎮志

卷二十

藝文

舊章之宜斟酌而損益者無不悉心鉤稽期臻美善整釐數月商民皆以爲便余竊自慰因思士爲四民之首欲振民風先作士氣古者立學於國設序於鄉廣其校舍董之師儒修孝弟忠信之事養禮義廉恥之風民遂相觀而善於是型仁講讓說禮敦詩此君子觀於鄉而知王道之易易也岱山舊有蓬山書院在一房山下地甚幽雅講學爲宜惟是房宇不多經費亦絀岱人士有謀擴充而未果者余查岱厥鹽船公所每年有津貼岱局辦公經費洋二百四十元擬將局用樽節移爲增課設學之用願區區之數



何足濟事因以此意馳書巖商沈君平章與之商權得其復函甚爲慇懃且慨捐洋帑二百元以爲開辦之費又於岱厥名下每年捐洋六百元以爲常年經費然則余之得成斯舉也實沈君成之也基本既定於是又向鹽務各機關隨時勸募蒙都轉覺羅成公首捐洋帑一百元并手書講學興賢四字匾額一方以贈嗣是次第籌集得有成數遂於蓬山書院右偏度地鳩工創造齋屋五楹名曰同文塾其後又添造山長房二間尊經閣一座未及一年塾舍告成迺延聘山長釐訂章程每月上下兩弦增課生童文

岱山鎮志

卷三

藝文

二

藝二次評其甲乙而獎勵之又於岱東西各邨隩分設義塾十處俾貧苦無力子弟得就近入學以正蒙養一年以來經營締造日昃不遑今幸規模粗具居然絃誦之聲邨邨四起余方喜輔助之有人而得覘是役之告成也乃草創甫就忽奉憲檄量移去岱乃進諸生而告之曰是舉也得毋以創辦者爲專望爾等發策決科耶士君子一言一動皆爲風俗教化之原故居國則善於國居鄉則善於鄉吾願諸生以一邨之善士進而爲一國之善士斯無負興學增課之意也若僅爲科名計亦淺之乎視斯學矣我將

去之諸君其勉乎哉諸生曰然爰退而書此以志鴻雪之
因緣焉至於各友捐款另詳碑誌茲不復贅云光緒十有
二年歲在丙戌秋八月之吉涇縣翟國棟記

同文塾後記

顏駟午 馬亭
邑人

蓬山書院之建數十年於茲矣雖規模宏遠而房宇尙仄
膏火無多其何以勵士氣而振文風耶前緝私局委員翟
公生長世家奉檄來岱離務暇餘留心培養首撥鹽船公
所餘款再捐鹽政各友已資鶴俸頻分狐裘頓集經之營
之僅半載而厥功告成焉內設考課外增義塾措置裕如

岱山鎮志

卷三

藝文

三

構茲廣廈初築同文塾書室五間後又添築山長房間二
并輔文閣一垂爲永遠根基其足以增蓬山之勝者何如
哉房宇旣寬膏火亦重雖士各有志奮興不盡由鼓舞而
鼓舞端恃乎根基然補苴點綴益精益求精尙有待耳不意
甫告成而公適遷任於餘姚則由草創而潤色全賴後之
接斯篆者踵事增華盡美盡善將藐茲荒島安知不與鷺
湖鹿洞諸書院後先輝映人才輩出足以齊驅而並駕也
乎光緒十三年丁亥二月之吉潯左馬亭顏駟午謹識

於氏義學記

傅巖 子霖
邑人

嘗聞菁莪啟化辟雍肇自周京芹藻流芳領水彰於魯國
聿稽前代不少造士之規載頌熙朝更盛作人之化良以
陶鎔之始有藉栽培鼓鑄之先端資教育國原應爾家亦
宜然我定海地限方隅民鮮殷富氏族未瞻其鼎盛閭閻
多處於蒙顛而岱山雖號蓬萊伊古僅傳仙跡自開荒蕪
只今競尙商營不意仿家塾之風遵義莊之制裁成子姓
佑啓後人有如於氏者溯其緣起銘勳公有開創之功垂
之今茲學韓君乃成全之首蓋自道光之季先收集腋之
緡亦越咸豐三年遂置膏腴之壤增高繼長精金已足稱

岱山鎮志

卷三

藝文

四

豐積厚流光聚鐵果堪鑄鼎然而鸞湖設教首重門牆鹿
洞傳經要需館室惟鱣堂宏敞愈見師道之尊苟蝸舍湫
囂曷壯蒙求之所學韓君肯堂志切作室情殷因就土名
長整度地鳩工量材鴻築講堂輪奐氣象巍巍學舍周迴
規模井井從此一廬風雨琅然聞絃誦之聲百歲星霜允
矣煥絳帷之色聚族獲觀摩之效佳兒臻漸進之途更望
拔萃羣占榜先登甲豈但塞茅可免日已識丁也哉所願
繼志有人不愧裕昆之錄顯承共勵毋忘倡會之名庶幾
館設庇寒廣廈之千間再續德隆瞻族宏規將萬善同收

則又事所當充而人宜共勉者也余也日覩告成心儀善舉仰范希文之遺軌何讓古人媿張公藝之敦宗再見今日爰書拙記俾壽貞珉至於田產若干課例奚似冊籍具在茲不復贅云光緒十一年乙酉嘉平月之穀旦同邑子霖傅巖謹撰

於氏義學記

定海廳 趙惟嶮 漁珊
同知 南豐

余蒞官茲土屢易星霜海疆多事日昃不遑文教寢衰人材消闕安所得振興而作育之者則不敢不引爲己責春夏之交例以彈壓漁汎駐岱徑月俯仰蓬萊之島徘徊習

岱山鎮志

卷十

藝文

五

禮之臺猶是鯨波浩渺磅礪鍾靈求如魏渠許孚其人師表鄉里引掖後進流風餘韻尙有存焉者乎輒爲神往久之己亥夏五於役將返於生文灑以狀來言其先人銘勳公於道光年間糾合同族十五房捐置田產分資生息將以建造義學爲其子姓讀書之所迨光緒十有一年該生等踵成先志度地鳩工旣告落成迺訂章程俾資遵守歷年旣久恐湮沒而不彰乞爲文以紀其事嗚呼是可以風矣昔范希文先憂後樂盛德大業固足以廉頑立懦聞風興起而義田贍族之舉至今猶津津人口稱道弗少衰況

蒙養聖功乎所願於氏雲初世世芬誦毋墜毋荒行見芝
蘭玉樹生於庭階杞梓榲楠貢之王室邦之彥家之光也
推斯而言雖謂文教昌明人材蔚起海濱鄒魯之風將復
見於今日可也是爲記光緒二十五年歲在屠維大淵獻
仲夏穀旦在任候補府知定海直隸廳事南豐趙惟喩撰
重脩東嶽宮募資啟
費紫章 綬卿

竊維萬物發生始於東洞淵集東岳主發生萬物羣峯宗長謂之嶽五
通義泰岳爲五岳左傳有出乎震而爲帝入乎祀以建宮功德於
之長亦曰岱宗民則祀之大清會典凡不入此岱山所以有東嶽宮也禮
於祀典者不許建宮立廟

岱山鎮志

卷三

藝文

六

也夫其巖巖氣象壯秦魯之觀瞻泰山記其最高峯爲秦觀峯可望見長安詩秦

山巖巖魯邦所瞻赫赫規模闢仙神之閭府漢武帝封東岳禪石間應邵注曰石間在

泰山下一名仙人間道書福地記泰山東巖多芝草玉石有洞天周廻三千里鬼神之神府探重巖之深

隱玉几金床列仙傳岱宗有室重巖深隱中羨三廟之巍

我香泉石釜從征記東岳有上中下三廟廟前有大井泉極香冷不知何代所掘前秦錄處士張忠曾

隱於此鑿石爲釜漢祠古柏爭傳武帝之遺東岳記山南有大柏相傳

漢武秦世喬松不改大夫之號又記小天門有松一讀元

宗磨崖之頌呵護有神摹李斯篆石之文精靈未泯潛確

唐明皇東封泰山於磨崖作八分書頌最稱鉅麗絕頂有秦皇沒字碑又有李斯小篆石至今尙留數行信爲神物

所阿金雞曉唱覽八極而霄空易林泰山失金雞注金雞

八極目遠東岳之精李白詩憑崖覽白馬朝看指三吳而如繫論衡孔子與顏淵登

繫白馬者引顏淵示之曰汝見東岳見吳閭門外有三宮空洞上徹重霄茅君

吳閭何有曰有若繫練之狀內傳東岳有洞周三千里舊唐書高宗詔

名曰三宮空洞之天改東岳介邱臺萬歲高臺下臨無地莊子易姓

為萬而王封秦無論勒石者千八百處封土者七十二家而王封秦

山禪梁父者七十二代其勒此皆天子所以紀功要非吾

石以紀功績者千八百餘處濟所敢奉祀然而配天惟帝旅之者一人維嶽降神禱之

者萬姓藐茲蓬島敢忘蓬元之尊葛爾岱山詎廢岱宗之

祀洞淵集東岳名蓬元我岱自崇廟貌疊迓神庥揆厥由是即太昊為青帝

岱山鎮志

卷三

藝文

七

來匪伊朝夕蓋宣和舊址既莫考於蛛螫而嘉道故宮復

見燬於羊刼溯徐道人之創始緬周處士之重興定海志

岳宮在蜘蛛螫宋宣和間道者徐淨超募歲月既深風霜

建道光間燬於夷里人周宏揆捐資重建歲月既深風霜

易蝕欲翦茅茨之樸陋端藉鳩工思更棟宇之摧頽惟資

妖翼於戲天年修短玉策可探舊說東岳上有金篋玉策

入因倒讀曰入知人壽修短漢武探得十地獄森嚴精魂能召博物志東岳一名天

十其後果驗孫主召人魂故所在多壘乘青陽而出治望重天孫輔蒼昊以行權功推春帝

爾雅春曰青陽又春莫不歲增五祀秩視三公漢書五岳

為蒼天皆屬東方皆惟東岳歲五祀白帖則日觀本崇何補塵埃之附而雲宮

雖廣奚辭土壤之成

漢官儀注東岳上有日觀鷄鳴時即見日出又謝承後漢書楊喬云塵附

泰山雲集滄海雖無補益猶不能嘿也又光武封東岳雲氣成宮闕又李斯諫逐客書泰山不辭土壤故能成其大

况火德水仙共耀丹青於昌國

定海城內有丙德殿水仙宮等

豈奎纏充

鎮不修宮闕於蓬萊

東岳上纏奎垣為兗州之鎮

爰集同人亟謀興築

命成風之侶來不日之民

莊子匠人運斤成風

討青獲於巴功

巴功二山

名多青獲可以繪壁出山海經

徵梓材於徠甫竹以苞而鳳翥藻在椀而

魚游務使南浦雲霞飛來畫棟東巖芝草移種雕梁則俎

豆常新馨香自遠所幸萬家煙火集狐腋以非難庶幾兩

岱明禋指翬飛而可待光緒二十一年

岱山鎮志

卷三

藝文

八

重修玄壇廟記

費紫章

竊我岱山之有玄壇廟者山連青黑沙繞東西襟大海而帶小湖披高塘而排峻嶺歲時伏臘結五千家香火之緣利用厚生掌億萬姓泉刀之府金鞭所指則弱水不流黑虎遙臨則刁風自戢用能佑庇庶彙福惠羣生登比戶於絃歌阜四民而康樂矣在昔英夷擾攘髮逆披猖秦地山河幾剩寶雞之野漢家墳隴半依金狄之川逃亡則雞犬爲虛流離而雁鴻皆是我岱以孤懸海島僻處荒陬非夜郎之可恃較黑子而猶微倉無道濟之沙客少田橫之氣

藐茲水國古稱蜃蛤爲鄉况值隆車雖作螳螂奚補我神
乃飛鸞徧諭騎虎下臨怒目低眉發婆心而救世沙盤木
筆通帝謂以牖民不須術運五丁石隨鞭轉便勝靈飛六
甲化洽鸞翔故風聲偕鶴唳無聞燹火與狼煙俱靖至如
海若尋仇波臣挾忿水濱廬舍曾逐浪以浮沈竈戶出場
共隨波而漂蕩加以燕飛以石大風助拔木之威蟻戰於
庭淫雨肆偃禾之虐惟我邨其蘇共慶乃粒如常良由鐵
面神奇障狂瀾於旣倒何異錢王武肅射駭浪以俱迴至
若粵匪渡江台盜登岸閤屬遭厥蹂躪鄰封恣其劫掠黃

岱山鎮志

卷三

藝文

九

童白叟攜良民爲奇貨之居放火奪財煽漁父爲逋逃之
主岑港竊據者一十餘載宮門被搶者四百餘家惟我邨
桑梓不驚枌榆無恙微呵護之靈不及此故烝嘗之盛有
以夫今者廟貌寢衰神旂易奕欲資鳩工以報德須集狐
腋以成裘爰究經營規乎更始於是命成風之侶來不日
之民討青虜於巴功徵梓材於徠甫輦題矯天龍首軒駢
春窗則青鳥交窺雕檻則班虬並簇珍禽奇獸繪畫壁以
如生瑤草琪花栽文梁而欲活豈徒雲飛南浦雨捲西山
見四民共樂昇平爲兩岱聿新氣象

章

叨依宇下忝列膠

庠恐墜淚之沈碑希聲刻鵠乏磨崖之健筆尋恥雕蟲嗚呼與其社建樂公共肅春秋之俎豆何如祠尊正乙克壯宮闕於蓬萊是爲記

同仁會記

岱山之有同仁會創自烏程沈竹君肇修竹君以襄理艱務來岱智謀贍舉決斷如流有古劉穆之之風公餘之暇周歷山隩見夫荒煙蔓草之中屍棺暴露骸骨縱橫惻然憫之因謀諸同志首捐緡錢倡以勸并遍告諸有力者陸續補助集腋成裘始造嬰塔收拾殘骸繼置義地建築墳

岱山鎮志

卷三

藝文

十一

塋并置田產以爲永遠之基歲有增益逐漸擴充蓋自始事以迄成功歷十七八年之久除殘骸入塔不計外其叢葬屍棺已有四百八十餘具又增置田產至七十餘畝先後所費緡錢不下一萬餘貫是真可謂生死人而肉白骨者矣至今過大嶺之壑見夫叢葬纍纍如櫛比如崇墉僉曰非竹君之力不至此乃不意事甫就緒而竹君遽歸道山繼其事者爲方君佩紳敬輿旣爲之訂立章程又約同人請於當道給示勒石以垂不朽昔西伯掘地得死人之骨而埋之人謂其澤及枯骨嗚呼如竹君者亦足以風矣

予故不辭固陋而爲之記至其章程田產具載碑示茲不
復贅時在光緒三十有四年太歲戊申十月之吉遯齋氏
謹識

岱山鎮志

卷三

藝文

十一

詩詞

驚海歌

宋屯柳 永 耆卿
田郎

驚海之民何所營婦無蠶織夫無耕衣食之源太寥落牢
盆驚就汝輸征年年春夏潮盈浦潮退刮泥成島與風乾
日暴鹹味聚始灌潮波溜成滷滷濃鹹淡未得間採樵深
入無窮山豹蹤虎跡不敢避朝陽出去夕陽還船載肩摩
未遑歇投入巨竈炎炎熱晨燒暮爍堆積高才得波濤變
成雪白從瀦滷至飛霜無非假貸充餼糧稱入官中得微
直一緡往往十緡償周而復始無休息官租未了私租逼

岱山鎮志

卷三

藝文

驅妻逐子課工程雖作人形俱菜色驚海之民何苦辛安
得毋富子不貧本朝一物不失所願廣皇仁到海濱甲兵
淨洗征輪輟君有餘財罷鹽鐵太平相業爾惟鹽化作夏
商周時節按此歌為公監曉峯鹽場時所作因與岱山情形相同故錄之

岱山操

元 陳 麟 文昭

按徐兆昂四明談助載勾餘土音前上琴操有陳
大令岱山操又云詩話慈谿大令陳文昭名受麟
業於慈之大儒寶峯趙氏楷以傳慈湖之學方國
珍軍入慶元獨公不屈國珍執而投之海或諫而
止乃囚之岱山終不屈而死今翁
洲志謂公避方氏於岱山者謬

昔年寶峯兮北面受教晝則鳴琴兮夜則講道聖學有真

兮惟忠與孝詎以城邑兮齎彼羣盜憤彼元帥兮喪其旌
燾空令下吏兮義憤慘慘洋洋東海兮岱山其隩追擬蘇
卿兮困於雪窖西瞻寶峯兮靈光有曜不負吾師兮臨流
長嘯

送岱山書院陸山長詩

明鄭真千之

盛時文治似唐堯庠序煌煌碧海遙藩省故人多薦剡瀛
洲仙子失招邀沙田如草秋無雨鹹地浮花夜上潮講道
從容雲榻靜閒將風物寄清謠

寄慈谿令陳文昭

元沈夢麟

岱山鎮志

卷三

藝文

二

因風問訊慈谿令每怪來鴻不寄書風俗過江不閉糶亂
離爲客歎無儲公田七月收紅稻山縣千家食大魚見說
海東時序好欲攜妻子就耕鋤

殘元三仁歌

清全祖望謝山人

按徐兆昂四明談助載全祖望勾餘土音甬上雜
歌有此詩又據全氏詩話云高昌帖木兒守昌國
死方氏之難最烈元席帽山人王逢浚溪集有帖
侯歌予嘗欲建殘元三仁祠一爲王學錄剛甫一
爲大令陳文昭其一
一卽高昌公也

浙東三郡亦巖險

明州台
州温州

方家軍

謂方
國珍

忽席捲心傷沿海

諸元帥開門揖盜交鑰管烈丈夫高昌公翁洲彈丸之提

封百戰不折嬰凶鋒何人勸我徐圖曹柯功我敗而走世
莫容握節而死乃我分怒潮爲之生赤暈吁嗟是時若有
援兵來詎教睢陽城隍一網盡元季勾餘有三仁元史誰
爲表沈淪前乎公王學錄分守鄞江城折衝鼠輩敢登陸
一自解官去飛矢奄集大吏屋後乎公陳長官獨據慈水
城大罵賊曹真詐諛遂遭蹈海厄岱山雪浪吞寒羶三仁
角立且鼎撐一洗勾餘降臣穢德腥我今作歌補史殘高
山長水溯精靈

昌國典詠

錄其有關於岱山諸詩

朱緒曾

述之上元

岱山鎮志

卷三

藝文

三

岱山

鸞甲乘潮醬瓿開玉峯雲氣結蓬萊高亭堆雪陽烏曬不
信夷吾賁海才

錐砧山

大德志云屬岱山北海最險處
中有磁石或云鐵板沙卽其地

錐砧勢接燕窩山叢水族加恩簿不窮鐵板沙中撈璪蛞

磨心嶺下種蜈蚣

岱山龍潭

尺書大蟹捧雙螯雨躍靈鰻草木膏一紙浮沈誰拆看欲
尋龜殼問盧敖

岱山鹽場

五分頭子困斯民猥局誰知大有人能使水心傳一事亭

民歡喜着衣新

謂葉水心述岱山場監邵叔豹事

岱山書院

楊袁教澤尚如新

按楊謂慈湖楊簡袁謂絜齋袁燾

道岸茫茫孰問津不

乏名儒如許定

按許定曾為書院山長

豈無好義魏方真

按方真即魏桀字一

作方直

短篷

原注宋周密癸辛雜識續集揚大芳嘗為明州高亭鹽場監場在海中或天時晴霽時見

匹練橫天其色淡白則晴雨中分土人名之曰短篷亦蜃氣之類也

岱山鎮志

卷十

藝文

四

變幻陰晴顧盼中世人只解愛青紅仙臺排出金銀氣更

遣神舟揭短篷

漁鹽

驗船增引力艱難驅迫年年苦上官參政但求魚鯨利

謂元

燕參政始辦漁鹽者

不思文學議桓寬

陳公臺

即陳文昭麟為慈谿縣令事詳本傳

高臺直接寶峰青

謂趙寶峯見前岱山操註

臺上慈湖舊受經十載拘

幽琴操在夜來彈與海龍聽

陳大王廟

按即隋將軍陳稜

流虬一戰凱歌歸按流虬卽流求又卽琉球巨石浮橋甲馬飛羽衛空

中迎煬帝風帆雨旆仗英威英威卽廟名一作英感

蔣學士墓按卽宋蔣猷

良嶽煙迷花石網濫封煬竈痛貂璫一麾滄海心懸闕寒

枕潮聲夢汴梁

普明院院中有鐵堵坡二世傳阿育王所鑄錢氏忠懿王寘之於此今已無考

錢王宮裏金塗塔籠樹提婆乞一雙寄語晉仙姜白石海

山可有筆能扛原注周文璞字晉仙方泉集姜堯章金銅佛塔白石招我入書齋使我速禮金塗塔

我疑此塔非世有白石云是錢王禁中物

岱山鎮志卷三

藝文

五

超果寺

白石峯巔白霧蒙神山深處幻珠宮蒼巖翠樾憑流覽誰

謂蓬瀛路不通

徐司農墓按卽徐恭先愿其墓在城西紫薇隩

絜齋曾許入賢關撫寇功成解組還香火偃王今寂寞借

公名重海東山海東有徐公山或云以公得名一說謂徐偃王所至

蓬萊十景詩

劉夢蘭少隲

蒲門曉日

啼斷朝雞曙色明早潮生處日俱生不須遠駕秦皇石來

看扶桑萬里程

石壁殘照

石壁屏顏影倒橫夕陽閃閃十分明若教移入天台郡霞彩何曾讓赤城

南浦歸帆

南浦灣環水一汀野航多在此間停歸來穩泊蘆花岸舵尾茶煙逗月青

石橋春漲

一字街頭古石橋橋邊春水泊輕橈浪花泛處桃花落點

岱山鎮志

卷三

藝文

六

點飛紅送暮潮

魚山蜃樓

大小魚山氣吐銀慣看樓閣起鱗鱗島間時有乘槎客未許憑欄一問津

橫街魚市

丁沽港口海船回小市橫街趁晚開狂脫蓑衣尋野店挈魚換酒醉翁來

衢港漁燈

無數漁船一港收漁燈點點漾中流九天星斗三更落照

徧珊瑚海上洲

竹峙怒濤

不關風起亦生濤夕汐朝潮勢怒號十八浪中帆側過回頭猶見雪山高

白峯積雪

水邨話盡話山邨別有三冬積雪痕行到玉山真朗朗眾峯還讓一峰尊

鹿欄晴沙

一帶平沙繞海隅鹿欄山小亦名區好將白地光明錦寫

岱山鎮志

卷三

藝文

七

出瀟湘落雁圖

蓬萊十景

王希程

雲鴻金壇

萬重海水連天白四面山光向曉青湧出一輪紅日麗蒲

門空闊接蒼冥

蒲門曉日

千尋石壁聳嵯峩留得蒼茫夕照多幾度登高憑遠望壯

心欲奮魯陽戈

石壁殘照

仙山樓閣影重重縹緲虛無接太空幻出奇觀憑蜃氣并

無鬼斧與神工

魚山蜃樓

海濱生長足生涯出水鮮鱗處處皆纔見喧闐朝市散晚

潮爭集又橫街 橫街魚市

桃花紅處雨如煙春水生時浪接天最是石橋風景好一

灣新綠漲平川 石橋春漲

海外有山山外海海山相激起波濤急流自具奔騰勢不

待掀天雪浪高 竹嶼怒濤

水天無際夜溟濛照澈漁燈萬點紅人語依稀人影亂過

鮮船在海當中 衢港漁燈

一條南浦路迢迢恰喜歸帆趁暮潮等是綠波芳草地去

時偏惹客魂銷 南浦歸帆

岱山鎮志 卷三 藝文

八

最高峯頂最清寒積雪深時望渺漫中有玉梅花萬樹開

來如雪遍層巒 白峯積雪

平沙漠漠接前汀遮斷遙山一角青我似飛鴻留爪迹客

中身世感飄零 綠欄晴沙

又

陳文份 伯謙 湖南

蒲門山峙岱山東屏幃高亭港澈通兩岸潮聲喧震盪一

輪旭影射瞳矓雞鳴紫陌天初曙烏吐丹丸野似烘好趁

曦光鋪網曬灘頭忙熬打魚翁 蒲門曉日

壁立東隅日落西嶙峋怪石莫攀躋斜陽一片雨初過峭

碣千尋雲未迷崖岸自高光
靄靄生機不斷草萋萋
休嗟薄暮崦嵫景復旦
詩歌振筆題

石壁晚照

一灣南浦認依稀
柔橈輕航緩緩歸
遠舵漸看隨岸轉
片帆無恙逐雲飛
綠波春水桃花漲
紅蓼秋風荻葦磯
唱晚漁歌驚倦鳥
烹魚沽酒趁斜暉

南浦歸帆

鎮西汊港夜通潮
雨潤蘼蕪綠到腰
萬戶炊煙堪入畫
一篙春水恰平橋
斜陽有客橫魚艇
明月何人奏鳳簫
駟馬高車馳道過
相如以後讓誰驕

石橋春漲

朦朧蜃氣起魚山
指點樓臺縹緲間
隱約煙霞驚變幻
虛

岱山鎮志

卷三

藝文

九

無屏嶂任迴環
漁翁舟誤仙源境
海客槎疑隔世
闌鮫室龍宮相近處
噓成丹碧架瀛寰

魚山蜃樓

棟子花開四月初
海濱爭賃一廛居
丁沽巷口剛回鷓
亥市街頭喚賣魚
逐臭夫多成鮑肆
拔膠人去聚蝸廬
盤飧漫道無兼味
彈鋏歸來食有餘

橫街魚市

絕頂登臨極目望
衢山港裏聚漁航
月華皎皎潮初上
星火熒熒夜未央
燃炬似同犀照海
明珠疑是蚌生光
波濤盪漾渾難辨
影射中流斗宿芒

衢港漁燈

山近龍潭竹峙高
灤洄島嶼水滔滔
一灣海溢橫支港
萬

里雷聲走怒濤駭浪天翻銀練捲疾流鼎沸素波熬不因
風激猶如此舵穩尤宜着意操

竹峙怒濤

磨心嶺上白如銀雲裏人家絕俗塵路爲峯高皆曲折山
因雪積失嶙峋可能鋪絮憐寒士慣把堆鹽誤細民戲海
飛鴻留爪印豐年有兆卜三春

白峯積雪

鹿欄山下繞平沙明媚晴光望眼賒入夢客曾蕉葉覆濟
軍誰爲稻梁嗟珠塵燦爛黃雲重金霧迷茫白日斜好似
瀟湘圖畫裏一羣飛雁落蒹葭

鹿欄晴沙

又

葉爾良

仲房
杭縣

岱山鎮志

卷三

藝文

十

魚鱗萬瓦洗清霜吐納滄溟拂曙光驚夢鶯聲啼隔葉臨
流帆影射搏桑關名莫誤唐宗度堠館煩催陸賈裝羅列
諸峰窺眾妙海天無際捧朝陽

蒲門曉日

晴光欲去故遲遲比似迴眸絕世姿曾補蒼天參造化祇
餘赤壁染胭脂江間倒影賡唐句柳外斜陽紀宋詞底事
駐顏春不老重逢有約晚潮知

石壁殘照

潮迴極浦送君行棖觸江郎賦別情十幅新蒲催短艇幾
行疏柳認前旌風吹昨夢愁鄉國雨浥輕塵唱渭城寄語
篙師休北顧鴻毛遇順好登程

南浦歸帆

滄波咫尺卧虹腰選勝誰吹夜月簫新漲三篙翻弱浪春
雲一舸趁歸潮帘邊杏雨吟情健世外桃源去路遙消受
濠梁煙景好何勞塵夢枉相招

石橋春漲

毒霧腥涎盡力噴此中別自有乾坤溟濛螺髻迷薌澤隱
約蝸廬鼻篆痕詩詠日休知吐氣賦成王粲誤銷魂碧城
十二終虛渺秦漢遺蹤詎忍言

魚山蜃樓

山居也有市塵閑賣得鮮魚去復回準備日斜風定後安
排舟子網師來且尋蝦菜供朝膳傳向鹽梅覓俊才三泚
洋生占夏令沿濱鷗鷺莫相猜

橫街魚市

岱山鎮志

卷三

藝文

十一

連檣漁艇亂如麻海客娛情百倍賒留影動搖浮淺渚星
光錯雜舞橫叉更深燄冷椰敲月炬列輝騰浪蹴花出岫
岱雲零落甚翻教衢島擅繁華

衢港漁燈

泠泠天籟抵龍湫虜騎奔騰洞壑秋度曲譜成清濁韻披
襟滌盡古今愁松風謾謾懷元度萍水悠悠晤子猷獨坐
幽篁堪嘯傲塵凡下士莫輕投

竹峙怒濤

曉寒侵夢嬾成眠一白茫茫照大千襟帶枕岡圖粉本瓊
樓玉宇看天仙褊衣誰與連朝絮皓質紛呈百丈顛黃茗
黨姬探冷景祇愁清不到吟邊

白峯積雪

芒鞋拾翠等閒身倦倚欄干賦綠蘋鴻爪暫留斜日影馬
蹄催送落花塵饒他亞字迴腸繞須借春波黛色皺世事
煙雲多變幻蓬山仙景寫來真綠欄晴沙

岱山雜感有序錄十首

查禧芝庭宣城

療飢橐筆浪跡天涯撫過客之光陰倏經花甲檢幫
傭之嫁線敢怨薪勞奏到無腔俚曲應嗤措大之顛
狂吟來下里巴人聊當不才之饒舌

梗萍身世感飄蓬六十年華轉眼中寄傲應推浮海客不
才原號信天翁鹽梅枉竊和羹味鼎鼐還資變理功往事

岱山鎮志

卷三

藝文

十一

都成鴻爪雪倦飛那復憶西東

震耳沙洋吼老龍風濤澎湃盪心胸

岱人故老相傳沙洋有樓緝老龍吼則主

甚驗風雨蛟宮海氣迷雲氣螺黛南峯間北峯南北峯皆山名贏得畫

詩容笑傲漫希利祿得遭逢春初早韭冬初菜勝比膏粱
卒歲供

東風花事徧長堤芳草萋萋望眼迷數點春山斜照裏一
灣流水小橋西鶯花時節囊留稿鴻雪因緣爪印泥地近
蓬萊仙境接爲誰採藥共攀躋

爐香茗椀巧安排畫卷詩筒寄興佳簾外燕鶯催霽色窗

前花柳撩風懷仙源雞犬隨人慣生計魚鹽到處皆九十
春光容易去年時孤負踏青鞋

雲中山色畫圖開天際檣帆片片來萬點魚燈張海市連
營虎帳集雄才星搖南浦珠光燦波撼東沙鐵板摧

搖星浦鐵

板沙皆岱山地名側耳深宵鳴畫角火光不夜照樓臺

漁汛時文武官弁徹

夜梭巡

楓樹經霜點染新前壑秋色艷於春

楓樹壑 陳名

風狂虎斗嘯

連日帽落龍山悵此辰

虎斗龍山 亦陳名

橘綠橙黃留晚節葭蒼

露白賦伊人記曾古寺探超果回首前遊跡已陳

超果寺 爲岱東

岱山鎮志

卷三

藝文

十三

古刹山前蒼松偃蓋寺後修竹千叢風景殊不惡也

芝蘭一室話清芬尊酒重教細論文

重逢祝謙之舊雨蔡仲宣副轉尊酒論文

相得益彰瘦到梅花矜傲骨收羅木屑益多聞嬰材不信空凡

響棧豆無多尙逸羣贏得撐胸藏百畝和煙和雨簇繽紛

酒酣耳熱爲蔡祝兩居停寫墨蘭數十幀興復不淺

市廛櫛比聚東沙控壓蓬山一萬家羅隱題名留桂竹安

期灑墨泛桃花

秀山有桂竹嶼爲羅隱留題處又桃花山爲安期生灑墨之所

四圍螺嶂

添新靄萬頃鷗波漾落霞試上小亭高處望海天空闊浩

無涯

東沙角海岸維舟處峭石巉巖行者裹足自離商捐資繫石鋪路並築亭以憩行李自此遂成坦道矣

過客光陰逝水流百年身世兩悠悠厭看塵世心勞拙處

向名山顶禮優

甲辰正月航海至普陀仰瞻梵宇琳宮曠覽名山勝境眼界爲之一豁五斗俗塵一

齊撲去矣託跡梁簷啾燕雀側身天地寄蜉蝣依人長繫鈴轅

下驅策由人不自由

府海雄圖自昔瞻海潮退處地生鹽夫耕婦織敦勤儉秋

蓼春茶識苦甜蕭瑟行蹤嗟庾信頽唐才調笑江淹夜深

不覺寒侵骨風透疏櫺月掛檐

岱山竹枝詞

有序

蕭

湘

怡雲奉化

宋廣平作梅花賦僧參寥愛雲雨詩古人綺麗言情

岱山鎮志

卷十

藝文

古

何傷大雅晴牕多暇戲作岱山竹枝詞九首以博同

人一粲

東沙角裏到西沙好似雙隄十里斜祇爲海風吹不斷短

牆矮屋是兒家

東沙角西沙角爲漁舟叢泊處兩岸屋多湫隘

漫說濃妝與淡妝腥風入室惱人腸阿儂雖近鮑魚肆別

有芝蘭一種香

家家門前多曬魚

壘石爲牆若短冰東風解凍有誰能郎如欲覓花間路祇

隔紅窗紙一層

岱地牆多亂石疊成

野草閒花總是春酒旗高颺動遊人儂家縱比桃源小多

少漁郎來問津捕魚爲業集者幾二萬人

海隅日出照茅檐板板頻將海水添曬得倉廩白如雪休

嫌妾貌似無鹽岱地多曬鹽爲業

蛾眉黛畫遠山青相對忘言醉眼醒爲雨爲雲總無定前

身妾本是魚星

茫茫何處寄相思海上扁舟載別離但願郎心如燕子春

來秋去莫愆期由岱至衢名衢港兩處漁賈皆三月來九月歸

展得鰾膠五尺餘寄郎權作腹中書平生一片纏綿意繞

遍長竿總不如女件多以拔魚膠爲業

岱山鎮志 卷三 藝文 七

聽說蓬萊海上山神仙多愛綠雲鬟相逢真箇銷魂否終

在虛無縹緲間岱山舊號蓬萊鄉

岱山觀魚歌呈郭外峯司馬鍾岳

朱 駢崇齋臨海

碾碓霹靂蛟龍驚鯉魚風起春潮生沿海居民十萬戶歡

呼載網東南行東南溟溟波際天甬江水與椒江連環山

有牢水有菽漁船彙集舟山前舟山駛盡見岱北方蓬縹

緲搖空綠棟花開盡漁汛來螺婦鮫人中結屋五方雜處

塵甚囂腥風蟹雨暮連朝賴有使君親按部風波不上石

頭橋使君今歲喜新來譜系汾陽望族推雉雒麥隴羅常

弛犬靜花村戶不開草莽之雄伏以竄樗蒲之具化於灰
得十數年未曾有歡聲動地殷如雷鯁生古章安下士曩
年射策明光裏罡風吹落大羅天翅折圖南九萬里吾郡
太守心愛民深虞奪主有喧賓謬以不才充介紹下風趨
走接清塵握衣晉謁乍相見歸然驚是靈光殿腹滿詩書
吐屬殊有道先生此其再嗟予小子幸何如雖爲執鞭所
忻羨羨公至岱曾幾時風清弊絕竟如斯事無不成患不
爲士各有志慎莫疑龍門燒尾須臾期霹靂一聲雲下垂
翕張鱗甲揚鬚鬣先驅鯁鯁後虬螭請公拭目而觀之

岱山鎮志

卷三

藝文

六

偕費綬卿遊一房山至蓬山書院訪湯君鈍庵卽席有

作時在庚子九月

王修植苑生

房山一角氣青蒼中有先生讀書堂先生讀書歲月長治
經治史日旁皇感我勞民走四方龍戰厭看血元黃忽然
一朝歸故鄉仙風吹我來君旁有詩一卷酒一觴我歌君
飲兩相忘旁有和者費長房短吟長嘯癯且狂忽言世外
有滄桑湯君默默費佺佺待盦居士淚盈裳

苑生自號
待盦居士

出巡岱山寓太平庵僧舍

定海廳
同知 龔泰封 堯甫

一官奔走太匆匆躡躑躅風塵氣概雄忽覩榴花紅映戶始

知佳節近天中

海天初夜月弓灣
漁火如星繞岱山野
寺禪燈披案牘
浮生那得幾時間

岱山夜巡口占

定海廳同知史悠揚
仲華陽湖

枉抱封侯志
波平海不揚
小行雖小效
兩鬢已如霜
一嶺高高上
僧房次第開
縱然平地起
險處記從來

前後笳聲壯
星稀月影寒
低頭尋默思
四境幸平安

洋生市

洋生卽漁汛土音之轉

周慶森

蓉史烏程

我朝寰海喜昇平
水不揚波漁舸輕
蓬島周圍百八里
一

岱山鎮志

卷三

藝文

七

年生計在洋生
洋生生意出芒種
千樁如織海道壅
小汛停泊大汎行
石首來時似潮湧
弦後三日大汎來
曉事篙工次第開
爲探箇中真消息
銀濤還挾吼聲雷
雷動驚漁父
個個眉飛兼色舞
舉網無慮千萬金
玉膾銀鱗賤如土
我來此地何不辰
綠波萬頃少游鱗
誰言海錯如山積
傳聞無乃失其真
斯言未畢旁歎息
謂近數年尙堪憶
豐歉縱有小參差
不似今年大減色
空勞撒網海天愁
樂其樂者憂其憂
長官中夜起巡徼
宛如大敵在當頭
當頭喚醒明公夢
海國慎防鄒魯閩
郤馮水陸壯軍威
戰艦懸

艫資遣送吁嗟冰鮮船與大捕船長袖善舞損百千祇有
小舸絕生計挺而走險實堪憐誰實爲之但尤天時在光緒丙午
是年漁市適不佳

將返里門留別岱山

周慶森

蓬萊勝蹟說從前島嶼波浮半壁天畫角旌旗屯宿將羽
觴冠蓋會羣仙懽聯舊雨談風月曲譜南薰奏管絃萍水
相逢容易別一年一度一蟾圓

彈指流光倏一年多情特地做華筵娛賓尊有銷愁酒作
客囊無造孽錢書永敲棋饒逸趣宵深刻燭鬪新篇舊遊

岱山鎮志

卷三

藝文

六

回首猶如昨別緒匆匆倍惘然

過磨心嶺途中卽事

時乙卯春仲

沈

廉

約園
慈谿

亂石疊成屋沿溪四五家門前無數樹流水映桃花

蓬山書院紀遊

調寄滿庭芳

周延年

子美
吳興

岸曲沙平潮迴人過石橋新著屐痕紅牆一角裝就萬枝
春指點文峯危峙科名事興廢誰論空贏得詩壇詞客修
禊偶開尊 人間今何世餘生憂患避地海濱有林泉勝
景伴我吟魂多少蓬萊舊識相酬唱嘯傲天真閒中好五
雲深處高卧可逃秦

院中樓名
五雲深處

海角謠 有序

陶鑄 在東

岱山鹽場冠兩浙屬定海孤懸縣東北海中本兩山稱東西岱中隔一浦久久淤漲兩岸盡爲鹽場二岱已合爲一自磨心嶺逶迤至東沙角徑可三十里周百餘里民萬戶有蘇松常鎮太五屬及上海租界兩鹽厥漁汎以歲四五月最旺船萬計人十萬計縣知事移駐彈壓歲以爲常辛酉秋高亭漁鬩毀局余蒞查勘某日行經念母陳剪刀頭當海盡頭山銳折作直角形因思古人海角二字製詞之工晚秋夕陽北

岱山鎮志

卷十

藝文

九

風惻惻雲帆倚天煙波無際憫民生之疾苦傷國權之陵替重以身世之感躑躅海岸孤絕處泣然欲涕作海角謠

洪波不照影矗立海之角秋風吹客衣秋雲送縣邈杼臆發長嘯嘯聲震山嶽老漁睨嗤鼻童稚驚騰連爾且勿駭笑搶地類鷄鶩同屬苦眾生爾痛我先覺場板三十萬板板有筦權罫海作澮漚犁泥墾境墉用人萬手指用牛千蹄鈞盆牢縛茅蓋轆轤漑渾濁丁男任苦力婦子助捉搦所喜秋陽曝所患雷雨雹成鹽入商厥豐穰等農樵難如

金披沙珍逾玉剖璞其質冠五洲化學家言岱鹽質美世界第一結晶采

斑駁顆粒汗血來辛劬窮描兒兒春秋漁汎至乘潮辨晦朔

家家曬溜網補帆理杙椽大船龍畫睛小船螺負殼酷暑

爍肌膚面黝駭鯨騷採捕涉冬冰虐同朝脛斫重洋多礁

石明暗森劈劖航險聞不寸迷途霧昏督蠅頭利幾何生

命競風颭朱門臚鯨鯨銀刀膾鯁鯁用陸雲答車茂安書豈知供魚

人曾不飽瓜瓟絕島多盜魁綠殼森刀稍盜船名綠壳見定海志新

槍快五響聯珠火星爆人船併掠奪噤不敢呼暑一贖千

黃金不鮮固見數官舸泊良港蕭蕭大旗卓官書頒稅課

岱山鎮志

卷十

藝文

三

豫算表精確度支百劉晏選錢萬張驚法令牛毛密閱使

眸子眊徒聞利豪猾無術喻愿慙析利及秋毫繭抽更蕉

剝船沈稅不免顧謂恩惠渥厥商鹽船遭風沈沒其稅仍不能免疾苦難更

僕大端舉犖犖詎不顛繩緩十牒九批駁一朝忿忘身揭

竿起超蹕死不鹿陰擇生作蛾燈撲煌煌騷擾條流血濺

薨桷搏沙散不久敵石笑以穀勢同瓜蔓抄村吏人夜捉

强梁漏網魚羸弱罹羅鸚帝閣叫不聞驚魂到雞穀人言

卽不卹國脈容幾斲老儆民懼死莊諷道大穀中樞有客

卿五鹿何嶽嶽治庖代越俎鹽鐵論揚推酬庸佩勳章寶

光耀雙珥不見溝中瘠色澤遜鳥鬻是殆不如鳥俯仰自
飲嚼嗟予昔上京仙班厠鵝鶩今爲風塵吏胸襟日齷齪
百歲忽逾半朱顏謝秋葍投荒委窮島海颺助寒軟百里
所託命銅符忝在握遠慚昌國判游剽歸禮樂用東坡送馮判官之

昌國詩中語

敢躍金千莫每教玉雕琢忍覩涸轍魚煦洙槁涔

濶殺人藉曰刃毋乃負幼學何當謝受牧蓬萊訪錢俛代屬

蓬萊鄉名自唐以來最古

附和詩 遜齋氏

憶自國體更變觸起蝸角國民日叫囂福利終渺邈吸脂

岱山鎮志

卷三

藝文

廿一

盡海波敲髓窮山巖策士學縱橫武人肆騰連覆雨復翻
雲何處安鳩鶩海濱有魚蝦微生無知覺自生還自滅從
不受征權海水作良田泥沙雜磽塉終歲覓蠅頭所得僅
蹄跖手胼兼足胝遍體塗垢濁有時遇天災人力難捉搦
或遇惡颶風或遇大雨雹平地起波濤雖秋亦無穫得如
驢龍珠棄等腐鼠璞果腹甘粗糲何暇辨純駁形容極枯
槁良工難描兒更有捕魚人網罟從其朔茫茫大海中相
將施杙椽破空衝黑浪滿載防綠壳俗稱海盜爲綠壳面目半鰲
黑罪如犯鯨駮朔風打頭來痛如刀劍斫飄泊任汪洋斷

岸懸石劖舉網雖得魚神志已昏警况復冬及春不時遭
風颭生命且不保遑復計魚鰕人在浪裏游扁舟如瓜瓠
營警查艙來凜凜森刀稍大呼索羹魚急如火珠爆稍不
遂厥志詐贓禁聲暑漫云兵警惡法令實煩數漁鹽向無
稅營業本超卓有稅自元始初不甚詳確查大德志漁鹽
無稅至元三十
年助於燕參政沿及今茲世鴟鴞逐鸞鶩引狼入我室當
之奏自是有稅局何贖耗爲虎甘作俚奉令謹且慙太阿柄倒持災等切
膚剝稅額日益增猶云恩至渥言利工心計當今稱卓犖
若存痛癢心難免遭斥駁何物燕參政殘民恣凌踔變本

岱山鎮志

卷中

藝文

廿一

日加厲成法難顛撲局卡今林立高堂煥楹楹誰知苛政
下覆巢無完鷓偶爾觸法網去將官裏捉城火及池魚豈
兔罹山鷓昔言官如虎食肉今有穀客卿方用事何郵元
氣斲但顧課殿最忍使見鯨鯢下情欲上達遠如隔山嶽
側聞賢令尹告哀費商摧飛章日四五情勝納十珏精白
盟乃心光潔逾鳥嚮豈伊求名譽爲民謀飲噉嗟我處海
濱浮沈侶鳧鷖日爲逐臭夫委瑣復齷齪愛國有微忱濟
時無良葯仰天發長嘆無病常欬欬昔聞鄭監門流民圖
在握今觀柳三變鬻海譜音樂

宋柳耆卿監曉峯鹽場作
鬻海歌備悉民隱今海角

謠實與一讀一傷心字句供磨琢同聲若相應水石共樂
相仿
潛險韻鬪尖叉步愧邯鄲學報國捋虎鬚新詩續韓偓

岱山鎮志

卷三

藝文

三

附錄

岱山游記

庚申年來稿

奉化 孫振麒

表卿

舟山羣島爲浙東外蔽英人嘗踞之以易香港前清時屢有建議爲軍港者其於地理上之重要可知矣至其漁鹽之產灌輸海內尤居商業上之重要位置余於舊曆四月間游岱山歷二旬乃據調查所得拉雜書之附以鄙見而於漁鹽兩項尤所致意藉備當道人士之采擇焉

出鎮海口東南行歷無數小島至金塘洋左金塘而右大

岱山鎮志

卷三

附錄

一

榭折而東北經橫水洋其間大小島嶼羅列棋置遙望各山多植豆麥少森林間有漁舍隱約山麓又經大貓山至舟山本島定海縣公署所在也舟山島狹長由西至東橫約百餘里南北縱約三十餘里定海縣城背山面海帆檣薈聚輪舶交錯遙望城垣及前清與英人開釁時所築土壘歷歷在目迤南爲東嶽宮有垣牆環之當與英人戰時裕謙等守竹山港殉難於此定海城內有宮井魯王妃殉難處也又有同歸域惜停輪不久未及瞻謁爲憾定海本島每日有輪舶到埠其出品以醬油爲最著名其商人則

活潑而善進取故於滬上商業多居重要位置發達較早也。由本島東南行至沈家門羣島夾峙其間海面狹處約僅二十餘丈如行內地遙望岸上土堆纍然蓬舍厯厯詢知其土堆爲鹽田之滷泥其蓬舍則製成之滷及曬存之鹽也。沈家門爲舟山之重要口岸漁鹽各業總轄於此商業亦盛。由沈家門繞峽角轉而北行入蓮花洋至普陀山下泊短姑道頭普陀爲觀音大士示靈之地其寺宇名勝甲於東南有千步沙紫竹林等遙望山林蔚然深秀故知其他各島之少森林非上壤不宜實由無人培植之耳。

岱山鎮志

卷三

附錄

二

及登覽卽行經梁橫山入黃大洋過長塗山及岱山中間又經竹嶼港繞鐵墩山至岱山之東沙角乃停輪焉。岱山位置在舟山島東北偏京師東經線五度至十一度北緯十五度至二十一度。由鎮海口直東北水程約九十餘華里。余此次搭慈北輪繞舟山本島由西而南而北故水程加倍焉。察岱山形勢本有東西二島分列後因塗漲連接由南浦至北浦大片鹽田約數千畝二島遂併爲一矣。其全島地形爲馬蹄式東西徑約三十餘里南北約二十餘里。其土壤淡黃有螺壳跡緣崖斜坡多種豆麥番薯少水。

田彌望濯濯森林極乏蓋其地少淡水間有數處人造之
河蕩僅足供飲料而已岱山之港口以東南隅高亭港爲
最佳喫水最深外有饅頭山大小麥山錯置其間冬季輪
舶恆寄旋於此以其距東沙角較遠行旅往來諸多不便
故夏秋間輪船希至蓋岱山之菁華在東沙角街市繁盛
衢道平整新老鹽廠均設於此有警察分所及警備隊駐
在地夏秋之秋寧溫台各屬漁船麇集於此漁畢而返其
市面之商業率視漁業之豐嗇爲伸縮有南北雜貨綢布
莊等其漁行魚廠則臨時設置也

東沙角港口作半圓形
有東墾山蔽之惜塗灘

岱山鎮志

卷三

附錄

三

漲淤輪船
不克近岸

東沙角之房舍除公署及販商店舖外居民建

屋大率先掘地坑安置大桶然後築屋其上蓋預備爲漁

廠淹儲魚鯊計也其牆垣以大石塊砌至屋頂少亦砌至

五六尺石料取諸兩頭洞

近岱山
之小島

因地斥鹵土磚易於剝

蝕故易磚而石以冬季風厲樓房極少惟其窗櫺之式上

下兩檻中截爲二如人坐檻內開上截之窗則空氣流通

而頭面不至當風有西式橫窗之便利而輕倩過之其風

俗則土著鹽民勤儉樸實而外來雜色人等良莠不齊好

勇鬪狠亦時有所聞婦女裝飾多習時尚緣滬客往來風

氣易移淫靡之風所不免也岱山在懸海中當漁汎時頗有商埠氣象漁商漁民簇擁市上水陸軍警以及官紳雜色人等往來梭織惟魚腥之氣瀰漫空中溝渠積穢暑熱薰蒸不可嚮邇而島中名勝離東沙角較近者推蓬山書院爲第一余亟欲往遊乃與老友湯君遜齋周君子美乘肩輿而去經石橋鎮過宮門村循一房山崖岸坡坳約五里許見林麓間紅牆隱約卽蓬山書院也入內小憩相約登一房山頂東南望磨心嶺大小高亭隩羣峯屏列岱山最高處也西北則鹽田鱗次其外海水映日光微風動盪

岱山鎮志

卷三

附錄

四

作黃金色披襟當之壯快無比俯視書院卽在山麓左右小山環抱之右前有石塔一座曰文筆峰書院舊本亂壇名勸善仙館後改今名院屋正廳樓房五楹前爲奎星閣後爲文昌殿壁間有徐樹銘撰刊碑文文字頗古雅院廳之右有廂房五楹又右有閣一座其下小有花木係鹽商捐貲建設爲同文義塾今由湯君之子伯扶籌辦高等小學學徒皆明秀課程亦佳湯君延至正廳樓上小坐具茗酌上有隸額曰五雲深處字迹遒勁詢爲湯君亡弟璞庵手筆爲惋惜者久之院前有池一方四圍砌石障以闌干

名曰硯池中蓄鱮魚有紅色者游泳極樂岱山最感缺乏者厥惟淡水此池淵深清潔造釀家往往遠取之湯君言數年前募資千餘元濬築幸得告成今則工料加倍不易爲之乃徘徊近山觀民居聞織布聲前有大樹十餘株綠陰森森亦岱山所罕見也歸途經石壁下有巨石峭立路旁過大嶺而至寓所余與湯周兩君各有詩紀之余詩曰共踏蓬山頂上行天風浩浩海濤聲游仙自在人間世探勝來尋物外盟三面峯銜文筆健一方水映硯池清五雲深處聯奎璧喜見門牆萃眾英

岱山鎮志

卷三

附錄

五

岱山之漁業分漁船及漁行漁廠試條述之一魚船分二種曰對漁船船體極小每船僅容三四人其捕魚也兩船並行而中張以網其網爲狹長形歧張其口而結繩於其底兩船駛行魚乘潮流由網口而入乃解網底之結而取出之其船以台州幫佔多數約一千餘對次則溫州及各幫爲數甚少計一漁汛時每船工食雜費需成本二三百元又曰大捕船船體大小不等約如釣船之式載重自一萬餘斤以至三四萬斤不等每船須五六人其網長而巨口大底小繫巨竹沈於海底張網口而停泊之俟潮水之

漲落而收魚焉其魚船數以奉化桐照幫爲最多約三百餘隻次爲鄞縣之東湖幫及象山鎮海各幫約各百餘隻或數十隻其捕魚法亦或稍異其工食器具成本自五六百至七八百元不等自舊曆立夏起至夏至止石首魚乳子自大海乘潮而至羣島左近此爲漁汛期各幫均寄泊於東沙角口內今年四月初旬爲初汛中旬爲正汛下旬爲末汛各漁船於每汛之初放洋捕魚汛末至東沙角賣之遂購備雜件修整器具再行放洋汛期以內定海縣知事外海水警廳長均設行轅於東沙角左近又調超武兵

岱山鎮志

卷三

附錄

六

艦停泊口外以防盜匪至五月初二三日台幫對漁船漁畢回去漁汛乃告一段落各官廳亦各散歸云各幫漁船皆於東沙角設立公所籤派柱首延請董事以爲議事機關公議魚價知照漁行執行之曰義和曰義安皆奉化桐照幫也曰禮安曰太和曰安瀾曰漁洋則台州及象山鄞鎮各幫也曰協和則鄞縣東湖及鹽場各幫也各公所集資創建如太和義和義安等皆有公屋其他或臨時組織賃屋而居要之漁民雜處得此等機關以互通聲氣獲益非鮮各幫人數以台州爲最多亦最悍時有法外行動而

官廳防範之亦最嚴聞數年前台幫公議籤派數人輪流巡察自行懲戒得以少戢本年魚收豐稔氣象極佳其次則奉化幫對於就地商民信用頗著去年因漁蜚鹽厥事與營警起衅雖曰公憤亦云過矣漁汛期內所捕多石首魚此外則勒魚帶魚鯊魚均有自舊曆清明節後各漁船如大捕船等卽放船出洋寄泊各島往來不常至九月以後則不復寄椗於東沙角因其島面東北北風甚厲不能泊也 一漁行 漁行之性質似仲買人蓋漁船以所捕之魚付漁行漁行秤其量數而付之漁廠以製魚鯨於其

岱山鎮志

卷三

附錄

七

間取議定之手數料以爲中佣然吾聞漁行之功用尙不止此蓋各漁行於漁船放洋之初大半有借貸關繫或買賣之信約某行貸某船資本卽某船所得之魚應由某漁行經手或別有信約則魚行之中佣多寡以漁船貸借或信約關係之多寡爲衡而尤以各漁船所得之魚之豐歉爲其盈虧之命脈也故漁行不第爲普通之仲買人實含有漁業銀行之性質而漁行對於漁廠亦可以所貸漁船之資本轉向告貸其間連環作用皆商業自然之趨勢爲之前數年漁收歉薄漁行頗受其累本年豐稔則漁行獲

利概可想見今有協記復昌益順協興同泰衡泰恆茂永源祥源等十餘家

一漁廠由漁行向漁船取魚秤準量數入廠製鯊其製鯊手續先時僱定工人魚既入廠則堆之庭中一人用特製之刀劈魚背而連其腹部一人取去魚腹內之膠膘以付之第三人醃以鹽而置於大木桶中經過二日或三日取出之滌去汙泥出攤於場以日光曬之或一日或二日俟其乾燥裝置竹節內觀稻草俾不洩氣運銷內地如杭紹滬甬乍浦及甌粵等處尤暢行也魚鯊之佳者須經曝十

岱山鎮志

卷三

附錄

八

次而當午日光過烈又須收掩蓋恐魚鯊炙熟致易腐朽其次者曰潮鯊則曝一朝卽裝節又有曰瓜鯊者則渾圓而不剖開但於魚之腹背橫裂三刀將腹內之膠取出曝二三日裝節此種最銷杭紹兩處至魚膠爲魚鯊之副產物恆僱女工爲之去其血絡以五六片或十餘片黏合披長連綴無痕乾之以風潔白明淨長約五六尺闊約三寸運銷津滬各埠其利亦不細也漁廠資本較漁行爲鉅本年魚收豐稔魚鯊大增銷路因之壅滯聞有虧蝕者其利害與魚行相反又如此亦可異矣吾國各業向無明確之

統計足資查考況余以匆匆過客欲得其漁業上之收入總計殆不可能茲但就漁船之臨時成本約計其所得之利益豐歉融拙最少以三分之一計之則漁汎之短期間應已有一百餘萬之收入區區小島有此富源豈不偉哉雖然此項漁業爲吾國之富源尤浙民之生計吾旣爲之喜尤爲之慮嘗聞之老於漁業者云前此三四十年漁汎期間石首魚乘潮而來均在近島其時船隻未多捕法亦拙而採捕較易近則捕船加多且大器具較佳而魚避深海採捕須在胸山洋面或更遠之故奉化之棲鳳幫已寄

岱山鎮志

卷三

附錄

九

椗於胸山其他各幫亦多遷往者以其地於捕魚爲近便也推此以往岱山漁業前途不無可慮此其一也當今世界各國利用科學知識其捕魚器械方法月異而歲不同有電光以引魚有利器以捕之有汽輪以運之而我大捕船但以巨竹張網椗泊不動笨拙殊甚危險滋多此其應改良者也又製鯊舊法醃魚之後滌以海水鹹苦而不適於口此雖限於地理上之缺乏淡水然若能相地之宜多闢池沼廣蓄淡水用以洗滌醃魚製爲淡鯊則其味必將清香甘美其價格亦增高倍蓰矣夫以石首魚之甘美腴

潤久爲魚產上品若有富商大賈組織罐詰公司以汽輪轉運之以酸醬調製之運銷中外各埠其利無窮今島中有此佳產而吾民不善用之豈不惜哉至於各幫漁民臨時雜至良莠不齊雖有各公所司事爲之機關然臨時集合無船牌名冊之可稽各幫分立風氣人情多不相通恃強凌弱以眾暴寡往往而有謂宜由官廳設法稽查船戶名冊而各公所柱首亦須組織公共會議所互通聲氣小事由公所會議決之其重要事件并邀官廳出席會議解決之其抗違者始以官法治之此亦漁汎期間之要務也

岱山鎮志

卷三

附錄

十一

岱山之鹽業 岱山居民以鹽爲大宗生產因其濱海均鹽田而自南浦至北浦尤廣袤無垠故其產額之多在兩浙除餘姚場外爲首屈一指矣岱山人之計算家產多稱舉鹽田及鹽板數如塞外人之數馬以對也岱山有場知事其公署在橋頭鎮又有南浦支局爲稽核所所派出有鹽廠二一爲五屬公廠俗名老廠運銷蘇五屬者也一爲公茂廠俗名新廠運銷上海租界者也又有漁蜃鹽廠則爲去年所新設者茲先將岱山製鹽工程調查詳述如左製鹽工程分二項曰製滷曰曬鹽製滷手續先築鹽田使

之極平無凹凸傾斜之處而四周掘溝渠以通海潮田面之泥吸收海潮鹹分風吹日曬色白如霜卽俗所謂鹽花也乃用特製之牛耙爬起浮泥反覆抄細聚成直塚挑積土堆謂之曰溜碗以漚漚焉漚盡泥淡仍返於田中往復無窮溜或作漏普通於鹽田之中聚土爲溜成圓形周圍約五六丈底及四周築之務極堅實平滑乃於其下勻鋪稻草另埋一通節之竹管管口斜截露於溜碗之中心安放既畢然後實泥其上灌以海水鹹質滲聚循管而入其管之他端掘地成坑預埋一桶於下名曰漚缸由管口滴

岱山鎮志

卷十

附錄

十一

水於缸中乃成爲漚漚缸既滿乃用有柄之拗斗汲取傾入擔桶另儲之於大桶中上覆以蓋而製漚之事畢矣曬鹽之板爲長方形四圍有邊高約二寸合縫處塗以蠣灰防滲漏也曬鹽之時由漚桶取漚傾入板中平鋪約四五分風吹日炙水氣蒸發漚乃成鹽乃以鹽爬爬推一隅炎天日烈時每日可推二次乃以鹽鏟鏟置竹籬挑入倉中鹽乃告成除漁汛時售之漁民外平時皆售之新老兩廩據民國四年范運樞調查岱山產額爲九五一一一四

○○舫

見鹽政雜誌第十期財政計畫書

然天時不齊或遇多雨之年生

產銳減若風潮爲災則所儲之滷所積之鹽盡付洪流矣
又查岱山鹽板約二十萬塊以每年曬鹽每塊三百斤平
均計算不過六千萬觔耳近年因鹽稅迭增鹽民與厥商
爭論價格屢肇事端而去年又有漁哲鹽厥之創辦聞其
内幕實緣一二奸商冀獲意外利益乃鑽營某前總長之
父許以巨股啖以厚利爲之關通鹽署巧立名目呈准試
辦然其實在倉厥並未設立而辦事之初挫折百端虧蝕
甚鉅蓋漁民生計甚微自顧不暇而該商搜刮竟及於此
此必危之道卽無去年桐照漁民肇衅之事亦知其覆敗

岱山鎮志

卷三

附錄

十一

不遠矣鹽政爲國家收入大宗自抵押外債後整頓稅收
自不容已然吾以爲整頓宜從大處落墨實際着想若漁
鹽則其細已甚爲數無多且岱山之漁鹽尤有與他處情
形不同者蓋岱山之漁鹽實以本地所產之鹽供本地漁
民之用譬如以左手之物付之右手而責以課稅有是理
乎故吾謂岱山之漁鹽非官鹽的亦非私鹽的而實爲岱
山本產本銷之漁鹽的當視爲鹽稅之例外的而不得以
普通整頓稅收之名目爲奸商牟利之傀儡及護符也且
漁民腦筋簡單不耐煩擾鹽警敲詐已成習慣彼漁民無

故常受鹽警之訛索嘗聞漁業中人言海上遇警船恣索羹魚必飽其所欲而止否則插賊帶去送營拏辦或輾轉挽求仍納賄賂乃得放歸其船中或獲有美好魚類擬以餉家及餽親友者苟經緝私營警瞥見殆無不爲彼囊中物者故緝私營警於各口岸類有寄頓之所及代賣之店厯厯如繪其痛心疾首之狀聞之者莫不髮指而眦裂也況身當其境者積憤已深而又加以無理之苛征借端之索擾是猶置火線於炸彈之上而冀其不爆裂也其有幸乎且不惟此也漁鹽之用無非製鯊而魚鯊經過關卡均

岱山鎮志

卷三

附錄

十三

補加鹽稅是漁鹽之稅已納之魚鯊之中本不得重徵課稅以違定例然漁船前此若捕船者已納每年每船六角其大者且納二元五角之稅矣漁民且求無事彼司鹽政者何故必欲擾之逼之使亂其秩序也若謂漁船夾帶私鹽不得不防故須加以課稅嚴以巡緝不知私鹽之夾帶必先有寄頓之所接買之人彼漁船之目的在於捕魚而其本身之船價器具有值一二千元者矣有值四五百元者矣詎肯以區區私鹽些微利益而而冒船貨充公之巨大損失乎漁民雖愚對於此等計較無不瞭然故吾謂緝

私者當注意於衝銷引岸之梟販及得賄護放之營警而已於漁民何與焉然則漁蜚鹽厥斷無續辦之理卽巧換名目而類乎漁蜚鹽厥者亦應在斥駁之列願當道者注意及之

岱山之行政及交通機關○岱山行政機關有常設者有臨時設立者常設者岱山場知事其公署在橋頭鎮南浦支局卽秤放局其辦公處在南浦係洋人擇地建築其屋爲半洋式警察分所在東沙角警備隊營哨在鐵板沙緝私第十五營營部在南浦支局內

岱山鎮志

卷三

附錄

十四

臨時設立者縣知事寓小嶺壑太平庵內警備隊管帶亦寓小嶺壑水警廳長寓東沙角超武兵輪艦長亦寓小嶺壑均於漁汛時設臨時辦公處漁汛畢取消岱山之交通不便最感痛苦本年漁汛期間惟三北公司之慈北輪船及永川公司之定海輪船每於星期六及星期日上午八時自甬江啟行繞定海沈家門普陀而至東沙角已在午後七八時矣次早自東沙角啟行返甬惟兩輪接連兩日其餘五日則無他輪行駛者如有要事須由南浦航渡民船過山港至舟山本島搭乘他輪其不便一也岱山郵政

係代辦所遇非輪班期亦搭南浦渡經定海縣轉寄各處故郵遞遲緩其不便二也若夫電報電話等皆交通之利器今日所必急需者况乎漁汛期間關係重大而鹽商及鹽務機關皆於事實上萬不容已似宜由鹽務機關及鹽商籌集款項商請縣知事擇要設備至於漁汛期間尤宜商請各輪船公司專派兩輪逐日行駛其平時則宜於南浦設置輪渡以備緩急此亦岱山當今之急務也 又循岱山東北水程約五十里曰衢山亦作胸山又作响山俗作距山其面積較岱山爲小而漁業之趨勢有漸移於衢山者以其去捕

岱山鎮志

卷三

附錄

十五

魚之洋面較近但種種機關不甚完備於內地交通尤感不便故岱山之漁業尙克維持現狀余欲往遊之而苦無輪渡遂中止惟尙有一事足資紀載者則老友湯君饋余以衢山新出土之唐碑搨本也碑文如下

中有數字泐

大唐

故程夫人墓志銘

并序

夫人廣平程氏笄年媿於吳郡顧

氏母儀肅肅班氏可儔擇鄰之譽早聞舉案之聲深著噫乎天不錫壽綿綿篤疾藥石無瘳以開成三年九月二十八日而終乎私第春秋三十八男子一人師政三日不食泣血絕○育女二人長定瑯瑯王氏次女居室皆哀號擗

踊訴天不聞以其年○○月二十五日窆於明州鄞縣蓬萊鄉岫山山號于郭端埭墳乙向後○峩峩之山前臨淼淼之水東南三里有陳將軍靈廟焉正南二里道場俗號東亭之寺今恐江山改變陵谷有移勒石於誌用記千秋而於銘曰積善之門莫保遐存何神不祐天命俄奔藍田玉折巫山絕雲刻石題名永沒泉垆千秋不朽萬古存形以上釋文碑銘字跡古勁而無譌者姓名又程夫人之夫婿名字亦未紀述意者其夫自譌之耶岱山衢山俱屬蓬萊鄉意在唐時有高尙之士挈家避世隱於其地歿而遂葬於此耶其志中稱郭端埭東亭寺陳將軍靈廟等今尙有遺址可尋否耶湯君徵求名人題詠成帙千餘年古蹟發揚而表章之亦至可寶貴者矣

岱山鎮志

卷三

附錄

六

岱山覽勝記

鎮人任宗燮 槐廷

岱山處大海中縱橫各數十里最高日月平岡巔平如掌可數十畝岡之西南一二里有慈雲庵焉居山之隩爲過客憩息之所西下曰磨心嶺有泉流石上經年不息嶺行凡數屈曲始達民居北轉爲虎斗有五六小山錯列其間東臨大海竹峙當其衝沿塗一帶奔濤上下其內則可鹽可耕又東南爲板井潭井底以板爲之歷久不壞亦古跡也山是出沙瑾踰蟹臍嶺折東二三里曰黃官人隩山蹊回疊居民或依林麓或宅山腰無多空闊之處屈東一小

岱山鎮志

卷十

附錄

七

庵曰寶筏尤蹊徑獨闢過此則南峯山矣山背面分內外二村民多業漁海岸一洞怒潮衝激朝夕作魚龍嘯吼聲東鄰高整祇隔一衣帶水南轉若深水若拷隩若長隩皆僻在山谷中居戶如晨星落落再度一嶺爲石人岡有石卓立山巔望之如人形自岡而下則原隰龍鱗繡壤交錯是曰大隩稍東一廟曰高顯從此度山隴循鳥道曲曲灣灣行盡爲蒲門隔港又號港南地處極邊晨星未落曙色先開所謂蒲門曉日是也西轉出山背二里餘土人呼曰山外亦爲漁家所聚再轉循沙塗曲折而西則店鋪紛排

行人絡繹是日高亭鎮南臨一港商帆多集於此若官山若秀山均在指顧間沿山而西歷開口小高亭地皆背山面海風景約略相同稍上度三官嶺奇松怪石觸目成趣約二里許嶺盡爲石馬隩山澗層出始如指下裂縫各成一小村落逐漸開張彌望皆平原阡陌交通爲稻田最多處其外爲浪激渚有石如獅昂立道左西北轉循龍山廟度一小嶺是曰大峻山勢平衍田多磽薄再前爲小峻由竹行跟折而西行踰板橋是爲茶前山分裏中外三村居民皆業鹽自此而下則滿目鹽場縱廣十餘里南爲八叉

岱山鎮志

卷中

附錄

六

浦西爲搖星浦東南爲火燒浦每當天晴日暮則出素滾白四望如一岱鹽產數此爲大宗再西爲剪刀頭地處極西鑿石之聲錚錚入耳蓋去雙合山僅一葦也屈轉踰小嶺歷園田灣至青黑山水淖峻大小鹽場地盡斥鹵亦產鹽旺地又折而東過低嶺下則田畝成行屋舍櫛比是爲念畝隩經北度狗嘴嶺而下則生面別開街衢四達負販往來昕夕無間漁汛時又腥風四溢是曰東沙角爲岱山之太市集南踰小嶺爲石橋鎮棹頭春漲已失舊痕而店肆林立則亦儼然一市鎮也再進而東爲龍眼而至司基

是岱適中之地舊有司衙一座虎山踞其北巨石散布林間或側立或橫眠或如坐或如走突兀離奇不住一相其南爲楓樹壑偏東爲鳳凰山長坑層巒疊嶂身歷其間如入盤谷境中土可稼泉可茗斯爲樂土獨其間古有酒坊書院則遺址蕩然矣轉北踰嶺爲泥峙朝北隩蓬山書院在焉地據一房之勝遠眺萬裡之塘綠蔭如城西北一面海塗遼闊自五虎礁迄宮門新道頭綿亘四五里饒螺蟹魚蝦蝗蛤又有石壁矗立道旁宛與太湖靈壁相彷彿焉由泥峙轉東爲孝順隩過小嶺爲總吉隩人家多居巖阿

岱山鎮志

卷十

附錄

五

林麓間曲徑旁通煙村錯落又過爲綠沙灣爲冷坑爲沙洋地多細沙其民擅瓜茄之利再北踰嶺爲缸窰塢其上卽朗吟山俗稱老鷹山登高一望若燕窩若拷門若鯨蓬諸山皆在眉睫間其外則驚濤駭浪一望無際蓋大海也夫岱山自古號蓬萊鄉宋時稱極盛余生長斯土未盡周歷各村歲庚申重九後一日偕弟炳登月平極巔旁及金雞雄鷲獅子諸峯因得遍覽境內山川田地里舍並徵以見聞所及聊書於右小文卧游或將取而觀焉

跋

是志作於共和紀元之七年戊午夏季越次年三月脫稿就正於鄞縣張讓三徵君經其點定自後續有增葺並承象山陳君宇襄奉化孫君表卿江君北溟等參與商訂始克成書本係自備遺忘未敢災諸棗梨近以友人索閱者多并有輸貲相助者爰出是稿用活字板排印因限於物力祇印一百五十部已費銀幣三百八十餘矣近數年來余謝絕世事課孫之餘惟以鈔纂爲事除已刻者冷香館詩文鈔各二卷蓬山兩寓賢詩草三卷又三壽合編三卷

岱山鎮志

卷中

跋

三

外尚有翁洲詩徵十卷朐山唐碑題詞二卷乙卯哀言彙錄一卷戊午望思集一卷師友淵源錄一卷年譜一卷又遜齋詩存十卷雜著若干卷皆藏諸舊麓聊爲敝帚之享他日或有餘力當擇要付梓尤願我世世子孫其寶守之歲在丁卯九月旣望遜齋自識



